

LAI GRAWNG BEEN PHUK TIX

(1Chronicles)

Grawng Doeh Nyiexma Adam

1 Adam, Sheta, Enok, ² Ka-inax, Mahalelax, Zarit, ³ Enawk, Mathusalax, Lamek, ⁴ Noax, Semax, Hamax mai Yaphiet.

Doeh Nyiexma Kawn Noax (Yam 10:1-32)

⁵Kawn simex Yaphiet khankix mawh Gawmax Magawgax, Madie, Yavan, Tubalax, Meshiet mai Tirat heue. ⁶ Kawn simex Gawmax khankix hoik mawh Ashakeniet, Diphath mai Tawgama heue. ⁷ Kawn simex Yavan khankix mawh Elisha, Tasux, Kitim mai Rawdanim heue. ⁸ Kawn simex Hamax khankix mawh Kusha, Mizareng, Puta mai Khanan heue. ⁹ Kawn simex Kusha khankix mawh Sebox, Havilax, Sabata, Ramax mai Shatekha heue. Kawn simex Ramax mawh Shebox mai Dedan heue. ¹⁰ Kusha hoik baox pon kawn simex tix Neyawdax, nawh jah tix mawh pui pa kied ting riang rao tix kaux piang haktiex heue. ¹¹ Nizareng hoik pon kawn simex tix Ludim, Ananim, Lehabim, Naptuhim, ¹² Patarusim, Khasaluhim mai Kaptorim, ceu pui Philitix khankix mawh pa kaoh khaing doeh Kaptorim heue. ¹³ Khanan hoik pon kawn Ai tix Sidon mai khaix an baox pon kawn simex tix Heta, ¹⁴ khaix an, ceu pui Yebusix, ceu pui Amawrix mai ceu pui Giragashix khankix, ¹⁵ ceu pui Hiwix ceu pui Akix mai ceu pui Sinix, ¹⁶ ceu pui Avadix, ceu pui Zemarix mai ceu pui Hamatix khankix heue. ¹⁷ Kawn simex Semax khankix mawh Elam, Ashux, Aphazat, Ludax, Aram, Uzax, Hulax, Geta mai Meshiet khankix heue. ¹⁸ Aphazat hoik pon kawn simex tix Shalax mai Shalax pon kawn simex tix Hebax. ¹⁹ Hebax koe kawn simex ra kaux, ceukaux an tix aux mawh Phalek, grawh grawng nawh, ka dauh baux singaix ju nawh kix hoik goih ka haktiex mai ceukaux pux nawh mawh Yoktan heue. ²⁰ Yoktan pon kawn simex tix khankix pa mawh Alamodak, Shelap, Hazamaviet, Yerax, ²¹ Hadawram, Uzalax, Digalax ²²Awbalax,

Abimelax, Shebox, ²³ Awphirax, Havilax mai Yawbap, inkix mawh kawn simex Yoktan khawmuik heue.

Doeh Nyiexma Shemax (Yam 11:10-26)

²⁴ Shemax, Aphazat, Salax, ²⁵ Hebax, Phalek, Ragaw, ²⁶ Seraok, Nakhaw, Terax ²⁷ mai Abram pa mawh Abraham heue. ²⁸ Kawn simex Abraham khankix mawh Icak mai Ishamelax heue.

Doeh Nyiexma Ishamelax (Yam 25:1-6, 12-18)

²⁹ Inkix mawh cub doeh nyiexma kawn Ai Ishamelax, mawh Natayok mai khaix an hoik mawh Kedax, Adabelax, Mibatana, ³⁰ Mishamax, Duma, Masax, Hada, Temax, ³¹ Yeturax, Naphishax mai Kedama khankix heue. Inkix mawh cub kawn simex Ishamelax heue.

Doeh Nyiexma Keturax

³²Yam in cub kawn simex pa hoik keh khaing Keturax pa mawh moeng iak Abraham, mawh Zimaran, Yokshan, Medan, Midian, Ishabiet mai Shua khankix heue. Kawn simex Yokshan khankix mawh Shebox mai Dedan heue. ³³ Kawn Midian khankix mawh Epha, Epharax, Hanok, Abidax mai Eladax heue. Inkix khawmuik mawh kawn praix Keturax heue.

Doeh Nyiexma Esaw (Yam 36:1-43)

³⁴ Abraham pon kawn simex tix Icak heue. Kawn simex Icak mawh Esaw mai Isarelax heue. ³⁵ Kawn simex Esaw khankix mawh Eliphath, Yoelax, Yushax, Yalam mai Korax heue. ³⁶ Kawn simex Eliphath khankix mawh Teman, Awma, Zepho, Gatam mai Kenat mai khaing Timanax nawh pon kawn simex tix Amaliet heue. ³⁷ Kawn simex Yoelax khankix mawh Nahat, Zerax, Shamma mai Miza heue.

Doeh Nyiexma Sirax

³⁸ Kawn simex Sirax khankix mawh Lawtan, Shawbox, Zibeon, Anax, Dishon, Ezax mai Dishan heue. ³⁹ Kawn simex Lawtan khankix mawh Hawrix mai Heman, Timanax mawh nan Lawtan heue. ⁴⁰ Kawn simex Shawbox khankix mawh Alavan, Manahat, Ebalax, Shephaw mai Awnam heue. Kawn simex Zebion khankix mawh Ayax mai Anax heue. ⁴¹ Kawn simex Anax mawh

Dishon, kawn simex Dishon khankix mawh Hemdan, Eshaban, Itaran mai Kheran heue. ⁴²Kawn simex Ezax khankix mawh Bilahan, Zavan mai Akan heue. Kawn simex Dishan mawh Uzax mai Aran heue.

Simiang Haktiex Edom

⁴³ Inkix mawh simiang pa kuang ka haktiex Edom, sivoe ang simiang tix kaux kaux nyang bax koe ti kuang piang ceu pui Isarela khankix, Belax kawn simex Bawrax mawh simiang mai ceukaux veng ot nawh mawh Dinhaba heue. ⁴⁴Khaix hoik yum Belax, Yawbap kawn simex Zerax khaing baoh haktiex Bawzarax hoik plud ti kuang ka dah dee ot nawh. ⁴⁵Khaix hoik yum Yawbap, Husham pa kaoh khaing haktiex pui Teman hoik plud ti kuang ka dah dee ot nawh. ⁴⁶ Khaix hoik yum Husham, Hadat kawn simex Bedat pa pah ka pui Midian ka daux tong Mawbax hoik plud ti kuang ka dahdee ot nawh. Ceukaux veng ot nawh mawh Avit. ⁴⁷ Khaix hoik yum Hadat, Samlax pa kaoh khaing baoh haktiex Masariet deeh plud ti kuang ka dahdee ot nawh. ⁴⁸Khaix hoik yum Samlax, Shawlax pa kaoh khaing haktiex pui Rehobot pa ot hawt rawm klawng hoik plud ti kuang ka dahdee pa ot nawh. ⁴⁹ Khaix yum Shawlax, Balaxhanan kawn simex Akhabaw hoik deeh plud ti kuang ka dahdee ot nawh. ⁵⁰Khaix hoik yum Balaxhanan, Hadat hoik plud ti kuang ka dahdee ot nawh mai ceukaux veng ot nawh mawh veng Paw. Ceukaux moeng nawh mawh Mahetabalax pa mawh kawn sibun Matariet, kawn sibun Mezahat . ⁵¹ Hadat hoik yum heue. Cub cao kaing ting haktiex pui Edom mawh cao kaing ting Timna, cao kaing ting Alavax, cao kaing ting Yetiet, ⁵² cao kaing ting Ahawlibamax, cao kaing ting Ela, cao kaing ting Pinon, ⁵³ cao kaing ting Kenat, cao kaing ting Teman, cao kaing ting Mibazax, ⁵⁴ cao kaing ting Magadilax mai cao kaing ting Iram heue. Inkix mawh cub cao kaing ting haktiex Edom khawmuik heue.

2 Doeh Nyiexma Isarela (Yam 35:22-26)

Cub kawn simex Isarela khankix mawh Rubin, Simion, Lewix, Yudax, Isakha

2:7 Yaw 7:1.

Zebulun, ² Dan, Yosiep, Benyamin, Napthalix, Gat mai Asha heue. Jah khaing Yudax tom hoek ka Davit.

Doeh Nyiexma Yudax

³ Kawn simex Yudax khankix mawh Erax, Awnan mai Shelax heue. Kawn simex inkix loe kaux mawh pa keh son nawh khaing kawn sibun Shua pa mawh ceu pui Khanan heue. Kawn Ai Yudax pa mawh Erax hoik yuh pa caoxcaig ka plak sivoe ngai Siyiex mai Nawh Cao hoik pah nawh heue. ⁴ Mun nawh Tama hoik keh Pheret mai Zerax ka son nawh heue. Kawn simex Yudax khawmuik koe phuan kaux heue. ⁵ Kawn simex Pheret khankix mawh Hezaron mai Hamulax. ⁶ Kawn simex Zerax khankix mawh Zimarix, Ethan, Heman, Kalakawlax mai Darax kix khawmuik koe phuan kaux heue. ⁷ Kawn simex Khamix pa mawh Akhan pa tawx krax kharhawm ka Isarela mai pa lud ka daux ceu pa jhaxlawg heue. ⁸ Kawn simex Ethan mawh Azarix. ⁹ Kawn simex Hezaron, khankix mawh Yeramela, Ram mai Kherubie heue. ¹⁰ Ram pon kawn simex tix Aminadat mai Aminadat baon pon kawn simex tix Nashon pa mawh cao bung cao thong kawn praix ceu pui Yudax khankix heue. ¹¹ Nashon pon kawn simex tix Sawlamon mai Sawlamon pon kawn simex tix Bawzax. ¹² Bawzax pon kawn simex Obet mai Obet pon kawn simex tix Yesie, ¹³ Yesie pon kawn Ai tix Eliabax mai Abinadat mawh kawn Nyi mai Simax mawh kawn Sam, ¹⁴ Natanelax mawh kawn Sai mai Radie mawh kawn Ngox. ¹⁵ Awzim mawh kawn Log mai Davit mawh kawn Ciet heue. ¹⁶ Nan kix mawh Zeruya mai Abigelax mai kawn simex Zeruya mawh Abishie, Yuabax mai Asahelax khankix loe kaux heue. ¹⁷ Abigelax keh Amasa mai keeing Amasa mawh Yeta, pa mawh ceu pui Ishamelax heue.

Doeh Nyiexma Hezaron

¹⁸ Kaliep kawn simex Hezaron hoik pon kawn praix tix khaing moeng nawh Azubax mai Yerot, kawn simex kiex mawh Yesha, Shobap mai Adon khankix heue. ¹⁹ Khaix hoik yum Ashubax, Kaliep deeh teei ti moeng Epharat pa hoik keh Hurax ka son nawh, ²⁰ Hurax, pon kawn simex Urix mai Urix pon kawn simex tix Bizarela heue. ²¹ Khaix an, yam koe ju Hezaron tiglah num, nawh hu

laig ti ot tau mai Makhirax pa mawh kawn sibun Gilat mai sibun an keh Segop ka son nawh. ²²Segop pon kawn simex tix Ya-irax pa hoik koe veng khankix tixnga loe veng ka daux haktiex Gilat heue. ²³Pui Geshurax mai pui veng Aram teei veng baoh haktiex Ya-irax khaing kix tau mai veng Kenat mai khawm veng pa koe hawt baoh an khawmuik tiglah veng heue. Inkix khawmuik mawh ceu cub kawn simex Makhirax pa mawh keeing ka Gilat heue. ²⁴Khaix hoik yum Hezaron ka daux veng Kaliet-epharat, moeng Hezaron pa mawh Abiyax hoik keh Ashurax pa mawh keeing ka Tekaw ka son nawh heue.

Doeh Nyiexma Yeramelax

²⁵ Kawn simex Yeramelax pa mawh kawn Ai Hezaron, kawn Ai nawh mawh Ram mai khaix an Bonax, Oren, Ozem mai Ahiyax khankix heue. ²⁶Yeramelax koe moeng tang kaux tix kaux, ceukaux nawh mawh Atarax, nawh mawh miex ka Onam heue. ²⁷Kawn simex Ram pa mawh kawn Ai Yeramelax mawh Mazax, Yamin mai Eka khankix heue. ²⁸Kawn simex Onam mawh Shammie mai Yadax, kawn simex Shamie mawh Nadat mai Abishurax heue. ²⁹Ceukaux moeng Abishurax mawh Abihielax mai nawh keh Aban mai Mawlit ka son nawh heue. ³⁰Kawn simex Nadat mawh Seliet mai Appem, Seliet hoik yum mai nawh ang koe kawn heue. ³¹Kawn simex Appem mawh Ishi mai kawn simex Ishi mawh Sheshan mai kawn simex Sheshan mawh Alie heue. ³²Kawn simex Yadax pa mawh pux Shammie mawh Yedax mai Yanashan, Yedax hoik yum mai nawh ang koe kawn heue. ³³Kawn simex Yawnasan khankix mawh Peliet mai Zaza, inkix mawh doeh nyiexma Yeramelax heue. ³⁴Shesham ang koe kawn simex mawh ngie kawn sibun khaing mai Shesham koe kawncau ceu pui Ejiptux tix kaux, ceukaux nawh mawh Yaha heue. ³⁵Sheshan tawx kawn sibun tix mex ka Yaha pa mawh kawncau nawh mai nawh keh kawn simex Atie ka son nawh heue. ³⁶Atie hoik pon kawn simex tix Natan mai Natan hoik pon kawn simex tix Zabat. ³⁷Zabat hoik pon kawn simex tix Ephalalax mai Ephlax hoik pon kawn simex tix Obet, ³⁸Obet hoik pon kawn simex tix Yehu mai Yehu hoik pon

kawn simex tix Azarix. ³⁹Azarix hoik pon kawn simex tix Helet mai Helet hoik pon kawn simex tix Eleasa. ⁴⁰Eleasa pon kawn simex tix Sisamie mai Sisamie pon kawn simex tix Shalum. ⁴¹Shalum pon kawn simex tix Yekamix mai Yekamix pon kawn simex tix Elishama heue.

Doeh Nyiexma Kaliep

⁴²Doehru Kaliep pa mawh pux Yeramelax, kawn Ai nawh mawh Mesha, Mesha pa mawh keeing Zipha, Zipha pa mawh keeing Maresha, Maresha pa mawh keeing Hebron heue. ⁴³Kawn simex Hebron khankix mawh Korax, Tapua, Rekem mai Shemax heue. ⁴⁴Shemax pon kawn simex tix Raham pa mawh keeing Yokam mai Rekem pon kawn simex tix Shammie heue. ⁴⁵Kawn simex Shammie mawh Maon mai Maon mawh keeing Bietzurax heue. ⁴⁶Epha pa mawh moengi iak Kaliephoikkeh Haran, Moza mai Gaziet mai Haran hoik pon kawn simex tix Gaziet heue. ⁴⁷Kawn simex Yadie khankix mawh Regem, Yotham, Geshan, Peliet, Epha mai Shapha heue. ⁴⁸Makha pa mawh moeng iak Kaliep hoik keh Shebaxmai Tirahalax heue. ⁴⁹Nawh hoik baoux keh Shapha pa mawh keeing Madamanax, Shevax pa mawh keeing Makhabenax mai Gibeax heue. Kawn sibun Kaliep mawh Akhasa heue. ⁵⁰Inkix mawh doehru Kaliep kawn simex Hurax pa mawh kawn Epharat hoik mawh Shawbax pa mawh keeing Kiratyarim. ⁵¹Salama pa mawh keeing Bietliehiem mai Harep pa mawh keeing Bietgadax heue. ⁵²Shawbax pa mawh keeing Kiratyarim hoik koe doehru khankix pa mawh Haraw mai cub doeh nyiexma Manahetix khankix tix plak heue. ⁵³Doeh nyiexma Kiratyarim khankix mawh pui Itarix pui Putix, pui Shumatix mai pui Misharix heue. Jah khaing pui inkix hoiklih mawh pui Zoratix mai pui Eshatawlix heue. ⁵⁴Kawn simex Salamax pa mawh ceu pui Bietliehiem, pa mawh ceu pui Netawphatix, ceu pui Atarotbietyuabax, ceu pui Manahetix khankix tix plak mai khawm ceu pui Zorix heue. ⁵⁵doeh nyiexma cao pa tiem lai pa ot ka daux veng Yabiet khankix mawh pui Tiratix, pui Shimetix maipui Sukhatix heue. Inkix mawh pui

Kenix pa kaoh khaing Hamat pa mawh keeing doeh nyiexma cub pui Rekhap heue.

Doeh Nyiexma Davit

3 *(2 Sam 3:2-5; 5:13-16, 1Been 14:3-7)*
 Inkix mawh kawn simex Davit pa hoik keh ka son nawh ka veng Hebron, kawn Ai nawh mawh Amanon pa keh khaing Ahinawm pa mawh sibun veng Yezerelax, kawn Nyi nawh mawh Dayelax pa keh khaing Abigelax pa mawh sibun veng Kharamelax. ² Kawn Sam nawh mawh Apsalom, pa keh khaing Makha pa mawh kawn sibun Talamie Simiang haktiex Geshurax, kawn Sai nawh mawh Adoniyax pa keh khaing Hagit. ³ Kawn Ngox nawh mawh Shephatix pa keh khaing Abitalax mai kawn Log nawh mawh Itaram pa keh khaing moeng nawh Egalax heue. ⁴ Inkix liah kaux mawh pa keh son nawh ka daux veng Hebron heue. Nawh kuang tan aliah num liah khix mai nawh kuang ka daux veng Yerusaliem tixngoe loe num heue. ⁵ Inkix mawh pa keh son nawh ka dauxveng Yerusaliem pa mawh Shammua, Shobap, Natan mai Sawlamon. In pon kaux mawh pa keh khaing Batashebax pa mawh kawn sibun Amelax heue. ⁶ Lheu khaing an nawh baox koe kawn simex khankix pa mawh Ibaha, Elishua, Elipaliet, ⁷ Nawgax, Nephiet, Yaphia, ⁸ Elishama, Eliadax mai Elipaliet khawmuik dim kaux heue. ⁹ Inkix mawh kawn simex Davit pa ang sawn tix tau mai kawn simex pa pon nawh khaing moeng iak tix khankix mai Tama pa mawh nan kix heue.

Doeh Nyiexma Sawlamon

¹⁰ Kawn simex Sawlamon mawh Rehobom, kawn simex Rehobom mawh Abiyax, kawn simex Abiyax mawh Asa mai kawn simex Asa mawh Yehoshaphat. ¹¹ Kawn simex Yehoshaphat mawh Yoram, kawn simex Yoram mawh Ahaziyax, kawn simex Ahaziyax mawh Yosha. ¹² Kawn simex Yosha mawh Amazix, kawn simex Amazix mawh Azarix mai kawn simex Azarix mawh Yotham. ¹³ Kawn simex Yotham mawh Ahaza, kawn simex Ahaza mawh Hezakiyax, kawn simex Hezakiyax mawh Manashe. ¹⁴ Kawn simex Manashe mawh Amon,

kawn simex Amon mawh Yosiyax. ¹⁵ Kawn Ai Yosiyax mawh Yohanan mai kawn Nyi nawh mawh Yehoyakim, kawn Sam nawh mawh Zedekiyax mai kawn Sai nawh mawh Shalum heue. ¹⁶ Kawn simex Yehoyakim mawh Yekhoniayax mai Zedekiyax heue.

Doeh Nyiexma Yekhoniayax

¹⁷ Kawn simex Yekhoniayax pa hoik kham ka pa giexlaung mawh Shelapelax, ¹⁸ Malakhiram, Pedayax, Shenaza, Yekhamiyax, Hoshama mai Nedabiyax khankix heue. ¹⁹ Kawn simex Betayax mawh Zerubabelax mai Shimix, kawn simex Zerubabelax mawh Meshulam, Hananiyax mai khawm nan kiex Shelomit. ²⁰ Mai tang kaux kawn koe mawh Hashubax, Pohelax, Bedekhiyax, Hasadiyax mai Yushap, Hesiep khankix phuan kaux heue. ²¹ Kawn simex Hananeyax mawh Pelapeyax mai Yeshayax mai cub kawn simex Yeshayax mawh Rephayax, kawn simex Rephayax mawh Anan, kawn simex Anan mawh Obadiyax mai kawnsimex Obadiyax mawh Shekhaniyax heue. ²² Kawn simex Shekhaniyax mawh Shemayax, kawn simex Shemayax mawh Hatusha, Igalax, Bariyax, Neriyaax mai Shaphat khankix liah kaux heue. ²³ Kawn simex Neriyaax mawh Eliawnie, Hezakiyax mai Azarikam khankix loe kaux heue. ²⁴ Kawn simex Eliawnie mawh Hodayax, Iliaship, Belayax, Akkop, Yohanan, Delayax mai Anane khankix aliah kaux heue.

Doeh Nyiexma Yudax

4 Kawn simex Yudax khankix mawh Pheret, Hezaron, Khamix, Hurax mai Shawbalax heue. ² Reyax pa mawh kawn simex Shawbax kaux pon kawn simex tix Yahat mai Yahat pon kawn simex tix Ahumie mai Lahat, inkix mawh doeh nyiexma pa ox ru Shuratix heue. ³ Inkix mawh cub kawn simex keeing kix Etham pa mawh Yezerelax, Ishamax mai Idabax mai ceukaux nan kix mawh Hezelelapawnix ⁴ mai Penuelax mawh keeing Gedaw mai Ezax mawh keeing Husha heue. Inkix mawh cub kawn simex Hurax, pa mawh kawn Ai Epharat pa mawh keeing Bieliehiem heue. ⁵ Ashurax pa mawh keeing Tekaw koe moeng ra kaux pa mawh Helax mai Narax heue. ⁶ Narax keh Asuzam, Hepha,

Temanix mai Hahashatarix son nawh, Inkix mawh kawn simex Narax heue. ⁷ Kawn simex Helax khankix mawh Zeriet, Zoha mai Etanan ⁸ mai Kawzax pon kawn simex tix Anok, Zobelax mai Harom mawh kawn simex doeh nyiexma Aharelax heue. ⁹ Yabiet nielheu koe min khaing puxaik nawh khankix mai miex nawh tom kok ceukaux nawh mawh Yabiet pa koe dee bleeh pa ah nin, "Mawh kheu kied tugkha aux tix yam keh nawh heue." ¹⁰ Yabiet kokyo ka Siyiex Isarelax mai ah nin, "Maix Cao tak mawh pa nawb buan piang aux mai kieh mee haktiex dee kuang aux viehva mai kieh plawng taix Maix cao ot tau mai aux sonsang priex jhung Maix Cao aux khaing pa caoxcaig mai sonsang ang aux hoek krax tugkha heue. "Mawh kheu nan Siyiex tawx canceu pa hoik khioxkhaw rawg mhaing nawh khankix heue. ¹¹ Chelop pa mawh pux Sua pon kawn tix Mahirax pa mawh keeing Eshaton heue. ¹² Eshaton hoik pon kawn tix Bietrapha, Pashiea mai Tehinnax pa mawh keeing Iranaha, inkix mawh cub pui Rekha khankix heue. ¹³ Kawn simex Kenat mawh Awtanelax mai Sirayax, kawn simex Awtanelax mawh Hatat mai Mawnawtie. ¹⁴ Mawnawtie pon kawn tix Awpharax, Serayax pon kawn tix Yuabax pa mawh keeing ka ngawd Geharasim, mawh kheu kix hoik mawh pui pa yuh kaing taix khankix heue. ¹⁵ Kawn simex Yephunie mawh Kaliep kawn simex Kaliep khankix mawh Iruux, Ela mai Namax, kawn simex Ela mawh Kenat heue. ¹⁶ Kawn simex Yahalarelax khankix mawh Zipha, Ziphaha, Tiriyaix mai Asarelax heue. ¹⁷ Kawn simex Ezarax khankix mawh Yeta, Meriet, Epha mai Yalon mai moeng Meriet keh Meriam, Shammie mai Ishabax, pa mawh keeing Eshatemaw heue. ¹⁸ Moeng nawh Yehodiyax hoik keh Yeriet pa mawh keeing Gedaw mai Hebax pa mawh keeing Sawkhaw mai Yekutilax pa mawh keeing Zanaw heue. Inkix mawh kawn simex pa pon nawh mai Bitiyax pa mawh kawn sibun Pharaw pa hoik teei Meriet tix moeng heue. ¹⁹ Kawn simex moeng Hawdiyax pa mawh nan Naham mawh cub keeing Kilax pa mawh pui yaong Gamix

4:28-32 Yaw 19:2-8.

mai Eshatemaw pa mawh pui veng Nakha heue. ²⁰ Kawn simex Shimon khankix mawh Anon, Rina, Benhanan mai Tilon mai kawn simex Ishix mawh Sawhiepa mai Bensawhiepa heue. ²¹ Kawn simex Shelax pa mawh kawn simex Yudax khankix mawh Erax pa mawh keeing Lekha mai Ladax pa mawh keeing Maresha mai khawm doeh nyiexma Ashabax pui pa yuh kaing taing man khankix ²² mai khawm Yokhim pa mawh ceu pui Khozebax khankix mai Yosha Saraphax pa kuang ka haktiex Mawbax mai Yashubix, Lehem, in kix mawh grawng pa hoik tiem ti deuh tom didix heue. ²³ Inkix mawh cao pa yuh aw tiex mai kix mawh pui pa ot ka daux veng Netem, dee bleeh Netem mawh khaox im mai veng Gedelax, deeh bleeh Gedelax mawh khaox vie lawng heue. Kix ot tau mai simiang sonsang yuh kaing jhaw nawh heue.

Doeh Nyiexma Simion

²⁴ Kawn simex Simion khankix mawh Nemoelax, Yamin, Yarit, Zerax mai Shawlax ²⁵ mai kawn simex Shawlax mawh Shalum, kawn simex Shalum mawh Mibasham mai kawn simex Mibasham mawh Mishamax heue. ²⁶ Kawn simex Mishamax mawh Hamoelax, kawn simex Hamoelax mawh Zakhorax, kawn simex Zakhorax mawh Shimix heue. ²⁷ Shimix koe kawn simex kao aliah kaux mai kawn sibun liah kaux heue. Viang mawh nan, puxaik nawh khankix ang koe tomnie mai doeh nyiexma kix ang tie nie kawn awm doeh cub nyiexma ceu pui Yudax khankix heue. ²⁸ Kix ot ka daux veng Berashebox, veng Mawlada, veng Hazashawlax, ²⁹ veng Dilaha, veng Ezem, veng Tawlat, ³⁰ veng Betoelax, veng Hawma, veng Zikalat, ³¹ veng Bietmakhobok, veng Hazarasim, veng Bietbirix mai ka daux veng Sharem heue. Inkix mawh veng ot kix daux bauxju kuang Davit ka haktiex heue. ³² Nyiex yaong veng ot kix mawh Etham, Ain, Rimmon, Tawkhim mai Ashan, khawmuik phuan veng. ³³ Nyiex yaong khankix pa koe hawt vungviang veng in khankix tom singai hoek hawt baoh veng Balax heue. Inkix mawh dee ot dee koe kix mai dee hoik bang kix doehru tix khankix, ³⁴ Meshawbap,

Yamaliyet mai Yawshax pa mawh kawn simex Amazix, ³⁵ Yawlxax mai Yehu pa mawh kawn simex Yawshibix, Yawshibix pa mawh kawn simex Sereyax, Sereyax pa mawh kawn simex Aselax, ³⁶ Eliamie, Yakawbax, Yeshawhayax, Asayax, Adelax, Yesumilax mai Beneyax khankix, ³⁷ Ziza mawh kawn simex Shiphi, Siphi mawh kawn simex Alalon, Alalon mawh kawn simex Yedeyax, Yedeyax mawh kawn simex Shimirix, Shimirix mawh kawn simex Shemeyax heue. ³⁸ Inkix pa hoik tiem ti deuh ka ceukaux kix, mawh cao pa thong bung ka dauh doeh nyiexma kix mai doeh nyiexma keeing kix hoik kied haohhun sigrien sigre heue. ³⁹ Mawh kheu nan, kix hu ka dauh krax laig ka veng Gedo, tom hoek kix ka plak lih singaix khaing dauh ngawd sonsang sawg kix guang rib riem son cub yung tix khankix heue. ⁴⁰ Mai kix hoik yaox dee nie mhawm guang ribriem mai dee viehva haktiex, dee yiienyawg mai dee koe krax pa nhim, mawh kheu ceu pui Hamax khankix hoik dawg ot sivoe kix tan heue. ⁴¹ Grawng pa hoik mhai ti deuh ceukaux in khankix hoik dawg jah tix ka dauh baux singaix ju Hezakiyax simiang Yudax mai puing ka nyiex yaong ot kix mai yaox ka ceu pui Meunix khankix baoux tan mai yuh kix lauxlak pakleeing mai deeh plud ti ot tan tom hoek dauh in singaix, mawh kheu mhawm guang ribriem ka son cub phung yung kix tan heue. ⁴² Cub pui Simion tixblah, been phuan yieh kaux hu ka plak gawng Sirax, tau mai cao kaing kix pa mawh Pelatiyax, Nerix, Rephayax mai Ozelax khankix pa mawh cub kawn simex Ishix heue. ⁴³ Kix pah ka ceu pui Amaliyet khankix pa kawn deuk tix ot baoh an mai pa hoik pon tix glawd glang ka an khankix, kix ot tan tom hoek dauh in singaix heue.

5 Doeh Nyiexma Rubin

5 Yam in Rubin pa mawh kawn Ai Isarelax viang nawh mawh kawn Ai kawx mawh kheu hoik kieh nawh dee it keeing tix seeing brai, sinngao pa caw kawn Ai ti pon khankix hoik mawh pa deeh loe ti tawx ka Yosiep pa mawh kawn simex Isarelax sonsang ang doehru

5:1 Yam 35:22; 49:3-4. 5:2 Yam 49:8-10. 5:6 2Sim 15:29.

kix lai mawh pa sawn tix mawh kawn Ai pa pon sinngao khankix heue. ² Yudax hoik mawh pa blon tang siyox piang puxaik nawh khankix, cao pa kuang haktiex tak lih khaing dauh nawh, viang mawh nan, sinngao pa pon kawn Ai hoik mawh cie Yosiep heue. ³ Kawn simex Rubin pa mawh kawn Ai Isarelax khankix mawh Hanok, Phalu, Hezaron mai Khamix heue. ⁴ Kawn Ai Yawlxax mawh Shemiyax, kawn simex Shemiyax mawh Gawgax, kawn simex Gawgax mawh Shimix. ⁵ Kawn simex Shimix mawh Mikha, kawn simex Mikha mawh Rayax mai kawn simex Rayax mawh Balax. ⁶ Kawn simex Balax mawh Berax pa hoik teei Tigalatpilesa pa mawh simiang Asurix, nawh hu mawh pa giexlaung heue. Nawh hoik mawh cao thong cao bung ka ceu pui Rubin khankix heue. ⁷ Yam teei kix carang doehru puxaik nawh khankix khaing cao kaing ting ka dauh doeh nyiexma kix mawh Yeyelaxmai Zakharix. ⁸ Belax mawh kawn simex Azat, mawh kawn simex Shemax, Shemax mawh kawn simex Yawlxax pa ot ka dauh veng Araw tom hoek ka veng Nebaw mai veng Balaxmawn heue. ⁹ Kix bang ti ot baoh plak toh tom hoek ka dee laig kix ka dauh tiag praok rawm klawng Yufrethix plak in, kheu kied haohhun tobrie eei kix ka dauh haktiex Gilat heue. ¹⁰ Ka dauh baux singaix glang im ju Sawlux, kix hoik yuh naing ka pui Hagrax mai pui Hagrax som ka dauh taix kix mai hoik ot ka dauh nyiex gox kix pa koe hawt baoh haktiex ankix khawmuik ka plak lih singaix haktiex Gilat heue.

Doeh Nyiexma Gat

¹¹ Kawn praix Gat khankix ot ka see pui Rubin ka haktiex Bashan tom hoek ka veng Salakha heue. ¹² Yawlxax mawh cao kaing pa ting mai greem nawh mawh Shapham mai khaix an mawh Yanie mai Shaphat pa ot ka haktiex Bashan ¹³ mai puxaik kix khaing doeh nyiexma keeing kix Mikhelax, Meshulam, Shebax, Yawrie, Yakha, Zayax mai Hebax khawmuik aliah kaux heue. ¹⁴ Inkix mawh cub kawn praix Abihelax, Abihelax mawh kawn simex Hurix, Hurix mawh kawn simex Yaraw, Yaraw mawh kawn simex Gilat, Gilat mawh

kawn simex Mikhalax, Mikhalax mawh kawn simex Yeshishie, Yeshishie mawh kawn simex Yahadaw mai Yahadaw mawh kawn simex Buza, ¹⁵ Ahix mawh kawn simex, Abadelax mawh kawn simex Gonix mawh cao kaing pa ting khaing dauh doeh nyiexma keeing kix heue. ¹⁶ Cub kix ot ka dauh haktiex Gilat ka dauh haktiex nyiex yaong Bashan khankix hawt vungviang haktiex ot pui hun khankix dauh veng Shalon plak dauh mee haktiex cie kix heue. ¹⁷ Inkix khawmuik hoik mawh carang pa teei ti priex khaing dauh ru kix ka dauh baux singaix kuang Yerobom simiang Isarelaux ka haktiex heue. ¹⁸ Ceu pui Rubin, ceu pui Gat mai khawm doehru Manashe khankix tix plak, pui pa koe rhawm vao rhawm kua mai pui pa pon giex plah tie naok mai vaid lawm, pa pon puing ka ak mai pa min ka dauh naing pa pon hu dauh naing khankix hoik koe pon mheen pon rheng liah yieh tigliah kaux heue. ¹⁹ Kix yuh naing ka pui Hagarax, pui Yeturax pui Naphishax mai Nawdat khankix heue. ²⁰ Kix pon krax teem khaing Siyiex, cub ceu pui Hagarax mai can pui pa ot tau mai kix khankix hoik mawh pa ap ti ka dauh tawm taix kix heue. Mawh kheu kix kokyo ka Siyiex ka dauh biang naing, Nawh Cao nghiet lox rawg kix buan kheu een kix rhawm tix ka dauh Nawh Cao heue. ²¹ Khaix an, kix hoik rhim ti viex tobrie eei kix pa mawh Kalauk phuan mheen mu, yung ra sien phuan mheen mu, la ra rheng mu mai khawm pui kix tix sien kaux. ²² Kheu hoik kied nie goh pui koeng kix ti yum, grawh grawng nawh naing an hoik mawh naing cie Siyiex mai kix ot ka dahdee pa ot kix tom hoek bawgyam mawh kix pa giexlaung heue.

Doeh Nyiexma Manashe

²³ Mawh kheu nan, kawn praix doehru Manashe khankix tix plak ot ka dauh haktiex an, krax pa hu kix jah khaing veng Bashan tom hoek ka veng Balaxhamon mai ka veng Senira piang gawng Hamon khankix heue. ²⁴ Inkix mawh cao kaing doeh nyiexma keeing kix pa mawh Epha, Ishe, Elelax, Azarelaux, Yeramix, Hodaviyax mai

5:26 2Sim 15:19, 2Sim 15:29, 2Sim 17:6. 6:16-19 Lih 6:16-19.

Yadelax khankix, kix mawh pui ting riang rao pakoe rhawm kua rhawm vao mai pui pa ao min mai mawh cao kaing khankix ka dauh doeh nyiexma keeing kix heue. ²⁵ Kix ang lai kaux sijax ka Siyiex taxdu kix mai hoik ludvao mai siyiex ceu pui pa ot ka dauh haktiex an khankix ka pui pa hoik yuh Siyiex lauxleeing ka plak sivoe kix heue. ²⁶ Mawh kheu nan, Siyiex ceu pui Isarelaux so ka rhawm Pulax pa mawh simiang haktiex Asurix mai Tigalatpilesa simiang Surix heue. Nawh hoik rhim ti teei ceu pui Rubin, ceu pui Gat mai khawm ceu pui Manashe khankix tix plak hu mawh pui pa giexlaung, nawh viexkix hu ka veng Halax, veng Habo, veng Harax mai ka hawt rawm klawng Gozan khankix tom hoek dauh singaix in heue.

Doeh Nyiexma Davit

6 Kawn simex Lewix khankix mawh Geshon, Kawhat mai Merarix heue. ² Kawn simex Kawhat khankix mawh Amaram, Izarax, Hebron mai Zelax heue. ³ Kawn praix Amaram khankix mawh Arun, Mose mai Meriam mai kawn simex Arun khankix mawh Nadat, Abihux, Eliaza mai Itama heue. ⁴ Eliaza pon kawn tix Phinahat mai Phinahat pon kawn tix Abishua. ⁵ Abishua pon kawn tix Bokkix mai Bokkix pon kawn tix Uzix, ⁶ Uzix pon kawn tix Zerahiyax mai Zerahiyax pon kawn tix Merayok, ⁷ Merayok pon kawn tix Amariyax mai Amariyax pon kawn tix Ahitub, ⁸ Ahitub pon kawn tix Zadok mai Zadok pon kawn tix Ahemaza, ⁹ Ahimaza pon kawn tix Azariyax mai Azariyax pon kawn tix Yohanan, ¹⁰ Yohanan pon kawn tix Azariyax nawh mawh pa yuh kaing jhaw Siyiex Cao giex kaing li ka dauh nyiex buan sum Sawlamon, ka dauh veng Yerusaliem. ¹¹ Azariyax pon kawn tix Amariyax mai Amariyax pon kawn tix Ahitub, ¹² Ahitub pon kawn tix Zadok mai Zadok pon kawn tix Shalum. ¹³ Shalum pon kawn tix Hilakhix mai Hilakhix pon kawn tix Azariyax, ¹⁴ Azariyax pon kawn tix Serayax mai Serayax pon kawn tix Yehozadak. ¹⁵ Yehozadak hu ka dauh pa giexlaung yam kieh Siyiex pui haktiex Yudax mai pui Yerusaliem khankix hoek ka dauh pa giexlaung ka dauh tawm taix Nebukhaneza heue. ¹⁶ Kawn simex

Lewix khankix mawh Geshon, Kawhat mai Merarix heue. ¹⁷ In mawh ceukaux kawn simex Geshon pa mawh Libanix mai Shimix khankix heue. ¹⁸ Kawn simex Kawhat khankix mawh Amaram, Izaha, Hebron mai Uzelax heue. ¹⁹ Kawn simex Merarix mawh Mahalix mai Mushix kix mawh doeh nyiexma ceu pui Lewix khankix awm koe doeh nyiexma keeing kix heue. ²⁰ Kawn simex Geshon mawh Lipanix, kawn simex Lipanix mawh Yahat, kawn Yahat mawh Zimma heue. ²¹ Kawn simex Zimma mawh Yoax, kawn simex Yoax mawh Ido, kawn simex Ido mawh Zerax kawn simex Zerax mawh Yerarie heue. ²² Kawn simex Kawhat mawh Aminadat, kawn simex Aminadat mawh Korax mai kawn simex Korax mawh Asirax. ²³ Kawn simex Asirax Elakanax, kawn simex Elakanax mawh Ebiasap mai kawn simex Ebiasap mawh Asirax. ²⁴ Kawn simex Asirax mawh Tahat, kawn simex Tahat mawh Urilax, kawn simex Urilax mawh Uziyax, kawn simex Uziyax mawh Shawlax heue. ²⁵ Kawn simex Elakanax mawh Amashie mai Ahimot khankix heue. ²⁶ Kawn simex Ahimot mawh Elakanax, kawn simex Elakanax mawh Zophie, kawn simex Zophie mawh Nahat, ²⁷ Kawn simex Nahat mawh Eliabax, kawn simex Eliabax mawh Yeroham, kawn simex Yeroham mawh Elakanax heue. ²⁸ Kawn Ai Samoelax mawh Yolax mai kawn Nyi nawh mawh Abiyax heue. ²⁹ Kawn simex Merarix mawh Mahalix, kawn simex Mahalix mawh Lebanix, kawn simex Lebanix mawh Simix, kawn simex Simix mawh Uzax. ³⁰ Kawn simex Uzax mawh Simax, kawn simex Simax mawh Hagiyax mai kawn simex Hagiyax mawh Asayax heue.

Cao Tah Ting Khankix Ka Nyiex Buan Siyiex

³¹ Inkix mawh can pui pa hoik laug Davit ti deuh sonsang kiangiien kix kaing jhaw pa ah lairhax ka dauh nyiex buan Siyiex khaix hoek teug buan sijax mukheu tan heue. ³² Kix yuh kaing jhaw Siyiex tau mai ah tix lairhax ka plak sivoie nyiex gox buan man bang kum pui hun tom hoek bawgyam hoik sum simiang Sawlamon ka nyiex buan Siyiex ka dauh veng Yerusalien mai kix yuh kaing awm bawgyam

pa koe beeh glawm cie mawx cie an heue. ³³ Inkix kukaux mawh pui yuh kaing jhaw Siyiex tau mai kawn simex kix ka dauh kawn simex ceu pui Kawhat khankix koe cao pa rhax lai mawh Heman. Heman mawh kawn simex Yolax, Yolax mawh kawn simex Samoelax, ³⁴ Samoelax kawn simex Yehoram, Yehoram mawh kawn simex Elilax mai Elilax mawh kawn simex Toa. ³⁵ Toa mawh kawn simex Zophax, Zophax mawh kawn simex Elakanax, Elakanax mawh kawn simex Mahat, Mahat mawh kawn simex Amashie, ³⁶ Amashie mawh kawn simex Elakanax, Elakanax mawh kawn simex Yolax, Yolax mawh kawn simex Azariyax, Azariyax mawh kawn simex Zephaniyax. ³⁷ Zephaniyax mawh kawn simex Tahat, Tahat mawh kawn simex Asirax, Asirax mawh kawn simex Ebiasap, Ebiasap mawh kawn simex Korax. ³⁸ Korax mawh kawn simex Ezaha, Ezaha mawh kawn simex Kawhat, Kawhat mawh kawn simex Lewix, Lewix mawh kawn simex Isarelay heue. ³⁹ Haman puxaik Asap, pa cung ka plak khawn dawn nawh mawh Asap, pa mawh kawn simex Berakhiyax, Berakhiyax mawh kawn simex Sima. ⁴⁰ Sima mawh kawn simex Mikhalax, Mikhalax mawh kawn simex Baseyax, Baseyax mawh kawn simex Malakhiyax. ⁴¹ Malakhiyax mawh kawn simex Etane, Etane mawh kawn simex Zerax, Zerax mawh kawn simex Adiyax, ⁴² Adiyax mawh kawn simex Ethan, Ethan mawh kawn simex Zimma, Zimma mawh kawn simex Simi. ⁴³ Simi mawh kawn simex Yahat, Yahat mawh kawn simex Geshon, Geshon mawh kawn simex Lewix heue. ⁴⁴ Puxaik kix pa mawh cub kawn simex Merarix pa ot ka plak khawn goix khankix mawh Ethan, Ethan mawh kawn simex Kisix, Kisix mawh kawn simex Abadix, Abadix mawh kawn simex Maluk. ⁴⁵ Maluk mawh kawn simex Hashabiyax, Hashabiyax mawh kawn simex Amazix, Amazix mawh kawn simex Hilakhix, ⁴⁶ Hilakhix mawh kawn simex Amzi, Amzi mawh kawn simex Banix, Banix mawh kawn simex Shama. ⁴⁷ Shama mawh kawn simex Mahalix, Mahalix mawh kawn simex Mushix, Mushix mawh kawn simex Merarix, Merarix mawh kawn simex Lewix heue.

⁴⁸ Puxaik kix pa mawh ceu pui Lewix khankix, mawh pa laug tix sonsang yuh kix kaing kuceu daux nyiex gox buan man ka daux nyiex gox buan Siyiex heue.

Doeh Nyiexma Arun

⁴⁹ Arun mai cub kawn simex nawh khankix appong krax tan pa gleeing, piang khu dee tan mai krax tan pa gleeing nyawng bhawng piang khu dee tan dee pa kied singax singeh khawmuik mai yuh pa pluatploi phimap son ceu pui Isarelux awm gumlox pa hoik tawm Mose pa mawh kawncau Siyiex ka kix khawmuik heue. ⁵⁰ Inkix mawh kawn simex doeh nyiexma Arun, kawn simex Arun mawh Eliaza, kawn simex Eliaza mawh Phinahat, kawn simex Phinahat mawh Abishua, ⁵¹ Kawn simex Abishua mawh Bokhi, kawn simex Bokhi mawh Uzix, kawn simex Uzix mawh Zerahiyax. ⁵² Kawn simex Zerahiyax mawh Merayok, kawn simex Merayok mawh Amariyax, kawn simex Amariyax mawh Ahitub, ⁵³ Kawn simex Ahitub mawh Zadok, kawn simex Zadok mawh Ahimaza heue.

Dee Ot Ceu Pui Lewix (*Yaw*

21:1-42)

⁵⁴ Inkix mawh dee ot kix, ka mee haktiex pa goih kix awm pa hoik pon cawk kix niep, son kawn simex Arun khankix, khaing doeh nyiexma Kawhat heue. ⁵⁵ Kix hoik pon veng Hebron ka daux haktiex Yudax mai haktiex pa koe hawt rawbrim an heue. ⁵⁶ Viang mawh nan, tong kaung veng mai khawm nyiex yaong khankix kix hoik tawx ka Kaliep kawn simex Yephunie heue. ⁵⁷ Son kawn simex Arun khankix kix hoik tawx veng tix veng khaing daux veng an khankix pa sang to pui khankix ti peung kah pa mawh veng Hebron mai baox pon khawm veng Libanax tau mai haktiex rawbrim an khankix, veng Yatirax, veng Eshatemaw, tau mai haktiex rawbrim nawh khankix, ⁵⁸ Veng Hilin tau mai haktiex rawbrim an khankix veng Debirax tau mai haktiex rawbrim an khankix, ⁵⁹ veng Ashan tau mai haktiex rawbrim an khankix mai veng Bietshemiet tau mai haktiex rawbrim an khankix heue. ⁶⁰ Khaing daux cub cie doehru Benyamin khankix kix hoik tawx veng Gebax tau mai haktiex rawbrim an khankix, veng

Alamiet tau mai haktiex pui hun nawh khankix mai khawm veng Anatot tau mai haktiex rawbrim an, veng cie kix khawmuik ka daux doeh nyiexma kix koe kao loe veng heue. ⁶¹ Son pa kawn deuk khaing daux doeh nyiexma Kawhat khankix, kix hoik pon veng kao veng ka daux pa cawk kix niep khaing daux haktiex cie doehru Manashe tix plak heue. ⁶² Son kawn simex Geshon mai doeh nyiexma kix khankix kix hoik tawx kix cie veng kao loe veng khaing daux haktiex cie doehru Isakha mai khaing daux cie doehru Asha mai khaing daux ciedoehru Napthalix mai khaing daux doehru Manashe pa koe ka daux haktiex Bashan heue. ⁶³ Son kawn simex Merarix mai doeh nyiexma kix, kix hoik tawx kix cie veng kao ra veng khaing daux cie doehru Rubin khaing daux cie doehru Gat mai khaing daux cie doehru Zebulun khankix heue. ⁶⁴ Mawh kheu nan, kawn praix ceu pui Isarelux khankix hoik tawx veng inkix tau mai haktiex rawbrim an khankix ka ceu pui Lewix heue. ⁶⁵ Kix hoik tawx veng an khankix ka kix ka daux pa cawk kix niep khaing cie ru kawn praix Yudax, khaing daux cie doehru kawn praix Simion mai khaing daux cie doehru kawn praix Benyamin khankix pa mawh vengawm pa hoik kok kix ka ceukaux veng heue. ⁶⁶ Cub doeh nyiexma kawn simex Kawhat khankix tixblah hoik tawx kix cie veng haktiex khaing daux cie doehru Epharim khankix heue. ⁶⁷ Hoik tawx kix cie veng tix veng sonsang to pui tix peung ka pa mawh veng Shekhim tau mai haktiex pa koe rawbrim an khankix pa koe piang gawng Epharim mai khawm veng Geza, tau mai haktiex rawbrim an khankix. ⁶⁸ Veng Yokme-am tau mai haktiex rawbrim an khankix, veng Biethoron tau mai haktiex rawbrim an khankix, ⁶⁹ veng Ayalon tau mai haktiex rawbrim an khankix mai veng Gatrimon tau mai haktiex rawbrim an khankix heue. ⁷⁰ Khaing daux cie doehru Manashe tix plak, kix hoik tawx veng Anax tau mai haktiex rawbrim an khankix mai veng Biliam tau mai haktiex rawbrim an khankix son pa kawn deuk khaing daux doeh nyiexma kawn simex Kawhat khankix heue. ⁷¹ Khaing

daux doehru Manashe an tix plak, kix hoik tawx kawn simex Geshon khankix cie veng Golan pa koe ka daux haktiex Bashan tau mai haktiex rawbrim an khankix mai khawm veng Ashatarot tau mai haktiex rawbrim an khankix heue. ⁷² Khaing daux cie doehru Isakha khankix kix hoik tawx kix cie veng Kedeshax tau mai haktiex rawbrim an khankix, veng Dabarat tau mai haktiex rawbrim an khankix. ⁷³ Veng Ramot tau mai haktiex rawbrim an khankix mai khawm veng Anem tau mai haktiex rawbrim an khankix heue. ⁷⁴ Khaing daux cie doehru Asha khankix, hoik tawx veng Mashala tau mai haktiex rawbrim an khankix, veng Abadon tau mai haktiex rawbrim an khankix, ⁷⁵ veng Hukok tau mai haktiex rawbrim an khankix mai veng Rehop tau mai haktiex rawbrim an khankix heue. ⁷⁶ Daux cie doehru Napthalix khankix, kix hoik tawx veng Kedasha pa koe ka daux haktiex Galilie tau mai haktiex rawbrim an khankix, veng Hamon tau mai haktiex rawbrim an khankix mai veng Kirayatim tau mai haktiex rawbrim an khankix heue. ⁷⁷ Son kawn praix Merarix pa kawn deuk khankix, kix hoik pon haktiex khaing daux doehru Zebulun pa mawh veng Rimmon tau mai haktiex rawbrim an khankix mai veng Tabo tau mai haktiex rawbrim an khankix heue. ⁷⁸ Ka praok rawm klawng Yawdan pa koe ka plak sivoe Yerikho ka plak toh hoik tawx kix cie veng khaing daux cie doehru Rubin pa mawh veng Beza pa koe ka daux tiagtu tau mai haktiex rawbrim an khankix, veng Yahaza tau mai haktiex rawbrim an khankix. ⁷⁹ Veng Kedemot tau mai haktiex rawbrim an khankix mai veng Mephat tau mai haktiex rawbrim an khankix heue. ⁸⁰ Khaing daux doehru Gat khankix hoik tawx kix cie veng Ramot pa koe ka daux haktiex Gilat tau mai haktiex rawbrim an khankix, veng Mahanem tau mai haktiex rawbrim an khankix, ⁸¹ veng Heshabon tau mai haktiex rawbrim an khankix mai veng Yaza tau mai haktiex rawbrim an khankix heue.

Doeh Nyiexma Isakha

7 Kawn simex Isakha khankix mawh Tolax, Pu-a, Yashu mai Shimarom khawmuik

pon kaux heue. ² Kawn simex Tolax khankix mawh Uzix, Rephayax, Yerelax, Yamie, Yibasan mai Shemoelax pa mawh cao kaing ka daux doeh nyiexma keeing kix heue. Kawn simex Tolax khankix mawh cub pui pa ting riang mai pa vaorhawm ka daux doehru kix, baux singaix ju simiang Davit kix koe ra mheen ra rheng liah yieh kaux heue. ³ Kawn simex Uzix mawh Izarahix mai kawn simex Izarahix khankix mawh Mikhelax, Obadiyax, Yolax mai Ishayax kix phuan kaux khawmuik mawh cao kaing pui heue. ⁴ Khaing daux doehru nyiexma keeing kix khankix cub krunaing kix pa sang puing naing koe loe mheen liah rheng kaux, mawh kheu koe moeng koe kawn kix tomnie heue. ⁵ Puxaik kix ka daux sinax doeh nyiexma Isakha khawmuik mawh cub pui ting riang rao mai pa koe rhawm vao rhawm kua awm pa koe carang khaing daux doehru khankix khawmuik koe pui daix mheen aliah rheng kaux heue.

Doeh Nyiexma Benyamin

⁶ Kawn simex Benyamin khankix mawh Belax, Bekha mai Yedayelax khawmuik loe kaux heue. ⁷ Kawn simex Belax khankix mawh Ezabon, Uzix, Uzelax, Yerimot mai Irix khawmuik phuan kaux heue. Kix mawh cao kaing ka daux doeh nyiexma keeing kix mai mawh pa ting riang rao mai koe rhawm vao rhawm kua awm pa koe carang khaing daux doehru kix khawmuik koe pui ra mheen ra rheng tixngoe pon kaux heue. ⁸ Kawn simex Bekha khankix mawh Zemirax, Yosha, Eliaza, Eliawnie, Omrix, Yerimot, Abiyax, Anatot mai Alemiet inkix khawmuik mawh cub kawn simiex Bekha heue. ⁹ Kix mawh cao kaing khaing daux doeh nyiexma keeing kix mai mawh pui pa ting riang mai pa koe rhawm vao rhawm kua awm pa koe carang khaing daux doehru kix khawmuik koe pui ra mheen ra yieh kaux heue. ¹⁰ Kawn simex Yedayelax mawh Bilahan mai kawn simex Bilahan khankix mawh Yusha, Benyamin, Ehut, Khenanax, Zetan, Tashishax mai Ahishaha heue. ¹¹ Inkix mawh kawn simex Yedayelax khawmuik pa mawh cao kaing ka daux doeh nyiexma keeing kix mawh pui pa ting riang mai pa koe rhawm vao rhawm kua, sonsang

hu puing naing, koe tix mheen aliah rheng ra yieh kaux heue. ¹² Shupim mai Hupim mawh kawn simex Erax mai Hushim mawh kawn simex Aha heue.

Doeh Nyiexma Napthalix

¹³ Kawn simex Napthalix khankix mawh Yazelax, Gonix, Yezax mai Shalum pa mawhkawn simex pa kaoh khaing doeh nyiexma Bilaha heue.

Doeh Nyiexma Manashe

¹⁴ Asirelax kawn simex Manashe pa pon nawh khaing moeng iak tix ceu pui Surix mai baoux keh ka Makhirax pa mawh keeing Gilat heue. ¹⁵ Makhirax teei ti moeng pux sibun Hupim mai Shupim pa kaux Makha, ceukaux kawn Nyi nawh mawh Zelawphenat, viang mawh nan, Zelawphenat koe ngie kawn sibun tix kaux khaing heue. ¹⁶ Makha pa mawh moeng Makhirax keh kawn simex tix kaux mai kok ceukaux nawh mawh Periet, ceukaux pux nawh mawh Sheriet mai kawn simex Sheriet mawh Ulam mai Rekem heue. ¹⁷ Kawn simex Ulam mawh Pedan inkix mawh doehru Gilat kawn simex Makhirax, Makhirax mawh kawn simex Manashe heue. ¹⁸ Nan Gilat Hamawlekiet keh Ishahawt, Abeza mai Mahalax khankix heue. ¹⁹ Kawn simex Shemidax khankix mawh Ahian, Shekhem, Likahix mai Aniam heue.

Doeh Nyiexma Epharim

²⁰ Kawn simex Epharim mawh Shutelax mai kawn simex Shutelax mawh Pheret mai kawn simex Pheret mawh Tahat mai kawn simex Tahat mawh Eladax mai kawn simex Eladax mawh Tahat, ²¹ Kawn simex Tahat mawh Zabat mai kawn simex Zabat mawh Shutelax, khaix an Epharim baoux koe kawn simex pa mawh Eza mai Elat, pui veng Gat khankix ka daux haktiex an, pah ti tik kix kheu jao lih hoek kix ti tudrhim tobrie eei kix hu heue. ²² Khaix an, keeing kix Epharim kied koe krax khurphawm tom rheeng singaix sawm mai puxaik nawh khankix hoek ti khurhawm nawh heue. ²³ Yam hoik deeh laig ot nawh mai moeng tix, sibun an deeh koe kaux mai keh kawn simex tix kaux mai kok ceukaux nawh mawh Beriyax, mawh kheu hoek krax pa khirhawm piang nyiexma nawh heue. ²⁴ Kawn sibun nawh Sherax

pa hoik sum veng Biethawron plak jee mai veng Biethawron plak laong mai veng Uzensherax, ²⁵ Kawn simex Epharim mawh Repha, kawn simex Repha mawh Reshiep, kawn simex Reshiep mawh Telax, kawn simex Telax mawh Tahan, ²⁶ Kawn simex Tahan mawh Ladan, kawn simex Ladan mawh Amihut, kawn simex Amihut mawh Elishama. ²⁷ Kawn simex Elishama mawh Nun mai kawn simex Nun mawh Yawsux heue. ²⁸ Haktiex sinngao mai dee ot dee koe kix mawh veng Betelax mai khawm nyiex yaong cie nawh khankix, pa koe ka plak toh veng Naran mai khawm plak klip veng Geza mai khawm nyiex yaong cie nawh khankix mai veng Shekhem khawm nyiex yaong cie nawh khankix, tom hoek ka veng Gaza mai khawm nyiex yaong cie nawh khankix ²⁹ mai baoux hoek tom baoux mee haktiex kawn praix Manashe pa mawh veng Bietshan mai khawm nyiex yaong cie nawh khankix, veng Tanak mai nyiex yaong cie nawh khankix, veng Megidaw mai nyiex yaong cie nawh khankix, veng Dora mai khawm nyiex yaong cie nawh khankix, ka daux nyiex yaong in kix mawh dee ot cub kawn praix Yosiep pa mawh kawn simex Isarelax khankix heue.

Doeh Nyiexma Asha

³⁰ Cub kawn simex Asha khankix mawh Imanax, Ishava, Ishavi, Beriyax mai nan kix Sherax heue. ³¹ Kawn simex Beriyax khankix mawh Heba mai Malakhelax, pa mawh keeing Birazavit heue. ³² Heba pon kawn tix Yaphaliet, Shoma, Hotam mai nan kix Shua heue. ³³ Kawn simex Yaphaliet khankix mawh Paset, Bomahalax mai Ashaliet, inkix mawh cub kawn praix Yaphaliet heue. ³⁴ Kawn simex Shoma khankix mawh Ahix, Rukax, Yehobax mai Aram heue. ³⁵ Kawn simex pux nawh Helim mawh Zophax, Imanax, Sheliet mai Amalax heue. ³⁶ Kawn simex Zophax khankix mawh Sua, Hanepha, Sholax, Berix, Imarax, ³⁷ Beza, Hodax, Shama, Shilashax, Yetaran mai Berax heue. ³⁸ Cub kawn simex Yata khankix mawh Yephunie, Pisapax mai Arax heue. ³⁹ Kawn simex Ulalax khankix mawh Arax, Hanelax mai Riziyax heue. ⁴⁰ Inkix khawmuik mawh kawn praix Asha mai pa mawh cao kaing doeh nyiexma

keeing kix ka pui pa laug kix pa kied ting riang mai pa koe rhawm kua khankix, mawh cao kaing ting mai kix mawh pa teei carang khaing daux sinax doehru pa mawh cub krungaing pa keung ti hu daux naing, kix koe ra mheen liah rheng kaux heue.

8 *Doeh Nyiexma Benyamin*
 Benyamin hoik pon kawn Ai tix Belax, kawn Nyi mawh Ashabelax, kawn Sam mawh Aharax, ²kawn Sai mawh Nohax mai kawn Ngox mawh Raphax heue. ³Kawn simex Belax khankix mawh Adax, Gerax, Abihut, ⁴Abishua, Naman, Ahaw, ⁵Gira, Shekhuphan mai Huran heue. ⁶Inkix mawh kawn simex Ehut, pa mawh cao kaing khaing daux nyiexma keeing kix pa ot ka daux veng Gebax mai pa hoik dheen kix gah ti hu ka veng Manahat. ⁷Naman, Ahiyax mai Gerax khankix hoik mawh pui pa dheen kix gah ti hu heue. Gerax pon kawn tix Uzax mai Ahihut heue. ⁸Shaharem hoik een kawn praix tix khankix ka daux haktiex Mawbax, khaix hoik tik nawh Hushim mai Barax khankix pa mawh moeng nawh heue. ⁹Khaing moeng nawh Hodesha nawh pon kawn tix Yobap, Zibia, Mesha, Malakham, ¹⁰Yuza, Shakhix mai Miramax khankix heue. Kawn simex nawh in khankix mawh cao kaing khaing daux doeh nyiexma keeing kix heue. ¹¹Khaing Hushim nawh pon kawn tix Abitup mai Elapalax heue. ¹²Kawn simex Elapalax khankix mawh Eba, Misham mai Shemiet pa hoik pang veng Ono mai veng Lodax tau mai nyiex yaong pa koe hawt rawbrim nawh khankix. ¹³Beriyax mai Shemax khankix pa mawh cao kaing khaing daux doeh nyiex keeing kix pui pa ot ka veng Ayalon mai pa grheu pui Gat pa ot baoh tan khankix to khaing veng heue. ¹⁴Ahio, Shashak, Yeremot, ¹⁵Zebadix, Arat, Ada, ¹⁶Mikhelax, Asata mai Yawha khankix mawh kawn simex Beriyax heue. ¹⁷Zebadix, Meshulam, Hizakix, Heba, ¹⁸Isamerie Yezaliyax mai Yobap, khankix hoik mawh kawn simex Elapalax heue. ¹⁹Yakhim, Zikharix, Zabadix, ²⁰Elinie, Ziletie, Elilax, ²¹Adayax, Berayax mai Shimarat, khankix hoik mawh kawn simex Shimix heue. ²²Ishaphan, Heba, Elilax, ²³Abadon, Zikharix, Hanan, ²⁴Hananix, Elam, Antotiyax,

²⁵Iphadiyax mai Penuelax, khankix hoik mawh kawn simex Shashak heue. ²⁶Shamsherie, Shehariyax, Atalix, ²⁷Yareshix, Eliyax mai Zikharix khankix hoik mawh kawn simex Yeroham heue. ²⁸Inkix hoik mawh cao kaing khaing daux nyiexma keeing kix awm pa koe doehru kix pa mawh cao kaing ting heue. Pui inkix hoik mawh pa ot ka daux veng Yerusalieim heue. ²⁹Yam in keeing Gibeon mawh Yelax pa ot ka daux veng Gibeon mai ceukaux moeng nawh mawh Makha heue. ³⁰Kawn simex nawh mawh Abadon, khaix an, kawn simex nawh khankix baoux mawh Zorax, Kishax, Balax, Nadap, ³¹Gido, Ahio, Sekha, Mikhalot. ³²Mikhalot pon kawn tix Siman, kix ot see dee ot paoux nyiexma tix khankix ka daux veng Yerusalieim tau mai puxaik kix heue. ³³Nerax pon kawn tix Kishax mai Kishax pon kawn tix Sawlux mai Sawlux pon kawn tix Yawnasan, Malakhishua, Abinadat mai Eshabalax khankix heue. ³⁴Kawn simex Yawnasan mawh Maripbalax mai Maripbalax pon kawn tix Mikha heue. ³⁵Kawn simex Mikha khankix mawh Midon, Miliep, Tarat mai Ahaza heue. ³⁶Ahaza pon kawn tix Yehoadax mai Yehoadax pon kawn tix Alamiet, Azamaviet mai Zimarix mai Zimarix pon kawn tix Moza heue. ³⁷Moza pon kawn tix Binax mai kawn simex Raphax mawh Eliasax mai kawn simex Eliasax mawh Azelax heue. ³⁸Azelax koe kawn simex liah kaux mai ceukaux kix mawh Azarikhram, Bokheru, Eshamelax, Shariyax, Obadix mai Hanan, inkix khawmuik mawh cub kawn simex Azelax heue. ³⁹Cub kawn simex pux nawh Eshiet khankix mawh Ulam pa mawh kawn Ai, Yusha pa mawh kawn Nyi mai Elipheliet pa mawh kawn Sam nawh heue. ⁴⁰Kawn simex Ulam mawh pa ting riang rao mai pa koe rhawm kua, mawh pui pa min ka ak heue. Kix koe kawn simex kawn saux khankix tomnie, khawmuik koe tixyieh tixphuan kaux, in kix khawmuik mawh cub kawn simex Benyamin heue.

Can Pui Pa Deeh Khaing Babulon

(Ne 11:1-24)

9 Mawh kheu nan, ceu pui Isarelix khankix mawh pa mhai ti deuh awm pa koe doehru kix, grawng kix hoik mawh pa tiem ti deuh ka

dau phuk lai grawng been cub simiang Isarela mai simiang Yudax khankix, kix mawh pui pa pon krax viex hu ka meung Babulon, kheu ang kix koe krax pa kau sijax heue. ² Cub pui pa liang tix hoek ot ka dau singao haktiex ka dau veng cie kix mawh ceu pui Isarela, cub cao giex kaing li ceucad Lewix mai pui pa kham ti yuh kaing jhaw nyiex buan Siyiex heue. ³ Cub kaw praix ceucad Yudax, Benyamin, Epharim mai Manashe khankix pa kaw deuk ka dau veng Yerusalem, ⁴ pa mawh Utie kaw simex Amihut, Amihut mawh kaw simex Omri, Omri mawh kaw simex Imarix, Imarix mawh kaw simex Banix, khaing dau doehru Pheret pa mawh kaw simex Yudax heue. ⁵ Khaing dau ceu pui Shilawnix, Ashayax pa mawh kaw Ai mai khawm kaw simex nawh khankix heue. ⁶ Khaing dau kaw simex Zerax khankix mawh Yeolax mai puxaik nawh pa koe liah yieh tixdim kau heue. ⁷ Khaing dau kaw simex Benyamin khankix Sawlux kaw simex Meshulam, Meshulam mawh kaw simex Odavix, Odavix mawh kaw simex Hasenu, ⁸ Ibaniyax mawh kaw simex Yerawham mai Elam mawh kaw simex Uzix, Uzix mawh kaw simex Mikharix mai Mishulam mawh kaw simex Shephatiyax, Shephatiyax mawh kaw simex Ruelax, Ruelax mawh kaw simex Ibaniyax, ⁹ puxaik kix khankix awm pa koe doehru kix koe been dim yieh tixphan liah kau, pui inkix khawmuik mawh cao kaing nyiexma keeing tix kau khaing dau doeh nyiexma keeing kix heue.

Doeh Nyiexma Cao Giex Kaing Li

¹⁰ Khaing dau cub cao giex kaing li khankix mawh Yedayax, Yehoyarip mai Yakhin, ¹¹ Azariyax mawh kaw simex Hilakhix, Hilakhix mawh kaw simex Meshulam, Meshulam mawh kaw simex Zadok, Zadok mawh kaw simex Merayok, Merayok mawh kaw simex Ahitub pa mawh cao kuang nyiex buan Siyiex. ¹² Adayax mawh kaw simex Yeroham, Yeroham mawh kaw simex Pashurax, Pashurax mawh kaw simex Malakhix mai Mashie mawh kaw simex Adelax mai Adelax mawh kaw simex Yazerax, Yazerax mawh kaw simex Meshulam, Meshulam mawh kaw simex

Meshilenit, Meshilenit mawh kaw simex Immerax, ¹³ puxaik kix mawh cao kaing ka dau doeh nyiexma keeing kix mai kix koe tix rheng aliah yieh tixgliah kau, kix mawh pui pa kied koe riang rao ti yuh kaing jhaw ka dau nyiex buan Siyiex heue.

Doeh Nyiexma Lewix Khankix

¹⁴ Khaing dau cub pui Lewix mawh Shemayax kaw simex Hashup, Hashup mawh kaw simex Azarikam, Azarikam mawh kaw simex Hashabiya khaing dau kaw simex Merarix, ¹⁵ Bakbakka, Heresha, Galax mai Mataneyax, pa mawh kaw simex Mikha, Mikha mawh kaw simex Zikharix, Zikharix mawh kaw simex Asap, ¹⁶ Obadix mawh kaw simex Shemayax, Shemayax mawh kaw simex Galax, Galax mawh kaw simex Yedudun mai Berekhix, mawh kaw simex Asa, Asa mawh kaw simex Elakanax pa ot dau yaong ceu pui Netawphatix khankix heue.

Pui Lewix Cao Pau Siviex

¹⁷ Cao pa pau siviex khankix mawh Shalon, Akop, Talamon, Ahiman mai khawm puxaik kix, Shalum mawh cao kaing heue. ¹⁸ Glang ka an, kix mawh cao pau siviex simiang ka plak toh mai yam in kix mawh pa pau siviex son dee pan dee peung cub kaw praix pui Lewix khankix heue. ¹⁹ Shalum mawh kaw simex Kore, Kore mawh kaw simex Ebiyasap, Ebiyasap mawh kaw simex Korax mai puxaik nawh khankix khaing dau doeh nyiexma taxdu nawh pa mawh pui Korax mawh cao pa teei beeh glawm son kaing jhaw cao pau siviex ka dau nyiex gox buan man, keeing kix hoik dawg mawh cao pau diang laig dee pan dee peung cub pui naing Siyiex heue. ²⁰ Phinihat kaw simex Eliaza, mawh cao kaing pa kuang piang kix ka dau bawgyam pa hoik luan mai Siyiex ot tau mai nawh heue. ²¹ Zakharix mawh kaw simex Meshelemiyax mawh cao pa pau siviex nyiex gox buan man bang kum heue. ²² Can pui pa hoik laug kix mawh cao pau siviex khawmuik koe ra yieh kao ra kau, kix hoik mhai ti deuh carang kix awm pa koe doehru nyiexma kix khaing ka dau nyiex yaong kix mai Davit mai Samoelax pui grux yaog, pa yaog kix mawh pui yuh kaing ka dee pa deuh kix rhawm tix heue.

²³ Mawh kheu nan, kix mai kawn praix kix khankix mawh cao pa teei beeh glawm pau siviex nyiex buan Siyiex ka dauw nyiex gox buan man pa hoik tawx kix beeh glawm heue. ²⁴ Cao pau siviex khankix ot ti pau plak toh, plak klip, plak blaong mai plak jee khawm pon plak heue. ²⁵ Puxaik kix pa ot ka dauw nyiex dauw yaong khankix hoek ti pau tau mai kix aliah ngaix tix bawg awm bawgyam pa hoik tat kix heue. ²⁶ Cao kaing ting pa pau siviex ceucad Lewix khankix pon kauw pa een kix rhawm tix sonsang mawh pa teei beeh glawm ti priex lawg mai kraung khrai sinngao nyiex buan Siyiex heue. ²⁷ Kix khawmuik peung hawt vungviang nyiex buan Siyiex kheu mawh pa koe beeh glawm mai kix yaow ti paoh siviex ku ngawbheue.

Beeh Glawm Ceucad Lewix Tang Kauw

²⁸ Khaing dauw kix tixblah mawh cub cao pa teei beeh glawm ti priex kraung shiao khankix, kix simin ka kraung an khankix ku bawgyam, teei lih mai yam deeh viex kix hoek heue. ²⁹ Khaing dauw kix tixblah hoik mawh pa kuang ka kraung shiao kuceu mai kraung shiao ka dee pa singax singeh mai ka phawng nghox ca ceu pa mhawm, rawm plix siiet, bee, sidah bhawng Lawban mai nyawng bhawng pa sang tok kix heue. ³⁰ Khaing dauw kawn simex cao giex kaing li khankix tixblah mawh cao pa yuh bee pa kraix ka ceu pa sioe bhawng khankix heue. ³¹ Matithix, ceucad Lewix pa mawh kawn Ai Shalum, paow nyiexma Korax mawh cao pa een kix rhawm tix mawh pa kuang ka ceu blah pa tong tix ka plah rhiem heue. ³² Puxaik kix tixblah khaing dauw kawn simex Kawhat khankix mawh cao teei beeh glawm khrierien blah pa sang khan ku ngaix tuah heue. ³³ Pui inkix mawh cao pa rhax lai mai mawh cao kaing khaing dauw doeh nyiexma keeing kix ceucad Lewix khankix, pa peung mai pa ot ka dauw lawg nyiex buan khankix mai kix ang lai yaow ti yuhkaing tang ceu, mawh kheu yaow kix ti teei beeh glawm yuh kaing jhaw nyiex buan ku ngaix ku sawm heue. ³⁴ Cub pui inkix dauw doeh nyiex keeing kix ceucad Lewix hoik mawh cao kaing

leeingju ka dauw doehru kix heue. Kix hoik ot ka dauw veng Yerusaliem heue.

Doeh Nyiexma Sawlux

³⁵ Yelax pa mawh keeing Gibeon hoik pang ka veng Gibeon mai ceukaux moeng nawh mawh Makha heue. ³⁶ Kawn Ai nawh mawh Abadon mai khaix an mawh Zurax, Kisha, Balax, Nerax, Nadat, ³⁷ Gedo, Ahio, Zekharix mai Mikalot khankix heue. ³⁸ Mikalot hoik pon kawn simex tix Shimean heue. Kix ot dex baoh paow nyiexma tix khankix ka dauw veng Yerusaliem tau mai puxaik tix khankix heue. ³⁹ Nerax pon kawn tix Kishax, Kishax pon kawn simex tix Sawlux mai Sawlux pon kawn simex tix Yawnasan, Makhishua, Abinadat mai Eshabalax khankix heue. ⁴⁰ Kawn simex Yawnasan mawh Meritbalax mai Meritbalax pon kawn tix Mikha. ⁴¹ Kawn simex Mikha khankix mawh Piton, Meliet, Tarix mai Ahaza heue. ⁴² Ahaza pon kawn tix Yarax mai Yarax pon kawn tix Alimiet, Azamaviet mai Zimrix mai Zimrix pon kawn tix Moza, ⁴³ Moza pon kawn tix Binea, Binea pon kawn tix Rephayax, Rephayax pon kawn tix Eliasax, Eliasax pon kawn tix Azelax heue. ⁴⁴ Azelax koe kawn simex liah kauw mai ceukaux kix mawh Azarikam, Bokherux, Ishamelax, Sheriyax, Awbadix mai Hanan heue. Inkix hoik mawh kawn simex Azalaxheue.

Sawlux Mai Kawn Simex Nawh Yum

(1Sam. 31:1-13)

10 Yam in ceu pui Philitix puing naing ka ceu pui Isarelix khankix mai pui Isarelix hoik to sivoce ceu pui Philitix mai kix hoik goh yum ka dauw pa hoik mat tix piang gawng Gilabaw heue. ² Khaix an ceu pui Philitix yuhlung ti pheet Sawlux mai kawn simex nawh khankix heue. Ceu pui Philitix hoik pah ka Yawnasan, Abinadat mai Makhishua kawn simex Sawlux khankix heue. ³ Sawlux kied yaow ti kham dauw naing mai pui naing ak khankix puing ka nawh mai nawh mat ka te pa puing cub pui naing ak khankix heue. ⁴ Khaix an, Sawlux ah nin ka pui pa viex kraung naing ceep tix "Lawd vaid maix mai suat ka aux, phan ang mawh nan, pui inkix pa ang nyang bax pat hak khankix tak hoek ah lox sibriem mai nieb pon yuh ka aux heue." Viang mawh kawx nan, pui

viex kraung ceep nawh ang cu ti yuh kheu jao kied lhatgraung, mawh kheu nan, Sawlux teei vaid an mai nawh gup ti yum piang heue. ⁵Yam hoik yaox pui viex kraung naing ceep nawh ka hoik yum Sawlux, nawh baox gup ti piang vaid tix mai yum heue. ⁶Mawh kheu nan, Sawlux yum tau mai kawn simex tix loe kaux mai cub paox nyiexma nawh khawmuik heue. ⁷Yam hoik yaox pui Isarela pa ot ka daux ngawd khankix ka to krunaing Isarela mai ka hoik yum Sawlux khawm kawn simex nawh khankix, kix prah veng tix mai to, khaix an, ceu pui Philitix khankix hoek tix ot tan heue. ⁸Yam hoek singaix pasax ceu pui Philitix khankix hoek ti peeik kraung ceep pui yum khankix, kix yaox ka goh Sawlux mai kawn simex nawh khankix ti yum piang gawng Gilabaw heue. ⁹Kix peeik kraung ceep nawh mai viex kaing nawh khawm kraung naing ceep nawh khankix mai kix tawx lox hu ku sidah ka daux haktiex ceu pui Philitix sonsang pao kix grawh grawng an ka daux nyiex rieanggrang krub kix mai ka daux sinax pui khankix heue. ¹⁰Khaix an, kix deuh kraung naing ceep nawh ka daux nyiex siyiex kix mai takteue kaing nawh ka daux nyiex siyiex Dagon heue. ¹¹Yam mhong pui veng Yabiet pa ot ka daux haktiex Gilat khankix ka grawh grawng pa hoik yuh ceu pui Philitix ka Sawlux, ¹²can pui pa koe rhawm kua khankix yaog ti kaoh mai teei tokaux yum Sawlux khawm tokaux yum kawn simex nawh khankix mai kix viex hoek ka veng Yabiet mai sipaung si-ang kix greem khaox piak van pa koe daux veng Yabiet mai kix tuah pa ih aliah singaix heue. ¹³Mawh kheu nan, Sawlux yum kheu ang nawh kaux sijax mai lud ka Siyiex, mawh kheu nawh ang priexrien ka gumlox tawm Simiang Siyiex mai kheu jao hoik chawkcheng nawh krax keud ka sibun palaig phisonsang hawtti yuh kah heue. ¹⁴Nawh ang chawkcheng ka Siyiex mawh kheu nan, Nawh Cao tom pah nawh mai teei ti tawx meung haktiex nawh khankix ka simiang Davit kawn simex Yesie heue.

10:13 1Sa 13:8-14, 15:1-24, Krub 19:31, 20:6, 1Sa 28:7-8. **11:4** Yaw 15:63, Cao 1:21.

11 *Davit Mawh Simiang* (2 Sam. 5:1-5)
 Khaix an, ceu pui Isarela khankix khrawm paox tix hoek ka Davit ka daux veng Hebron ah nin, “Yix mawh si-ang maix mai mawh nexnham maix tete heue. ²Ka daux bawg yam pa hoik luan yam kawn mawh Sawlux simiang piang yix maix hoik mawh pui pa thong bung ka pui Isarela khankix lih hu mai deeh viex kix laig mai Siyiex ah nin ka maix, maix tak mawh cao paliang ceu pui Aux Isarela mai mawh cao kuang piang ceu pui Aux Isarela khankix heue” ³Mawh kheu nan, kuad riex ju pui Isarela khankix hoek ka simiang daux veng Hebron mai Davit yuh sijax mukheu tau mai kix ka daux veng Hebron ka plak sivoe ngai Siyiex, khaix an, kix groi rawm bee ka Davit mai yaog nawh mawh simiang piang ceu pui Isarela awm gumlox pa hoik tawm Simiang Siyiex ti deuh ka Samoelax heue.

Veng Davit (2 Sam. 5:6-10)

⁴Davit mai ceu pui Isarela khankix hu ka veng Yerusalim daux haktiex Yebusix mai ka dee ot ceu pui Yebusix khankix heue. ⁵Khaix an, pui haktiex Yebusix ah nin ka Davit “Maix tak ang pon ti laig ka daux veng in heue.” Viang yuh nan kawx Davit rhim ti teei nyiex tab Zion pa kauxcong khankix Zion mawh veng Davit heue. ⁶Davit ah nin “Pui mawx pon ti hu puing ka ceu pui Yebusix tak pon ti mawh cao giex kaing naing ting heue.” Yuabax kawn simex Zeruya lih hu phaoka mai nawh yaox ti mawh cao kaing naing ting heue. ⁷Khaix an, Davit ot ka daux nyiex tab pa kauxcong, mawh kheu nan, kix kok dee an mawh veng Davit heue. ⁸Nawh cox sum veng hawt rawbrim baoh an, jah ka haktiex Milo mai ka haktiex pa koe hawt rawbrim khankix mai veng pa kawn deuk khankix mawh Yuabax pa cox sum heue. ⁹Khaix an, Davit niied ti haokhuan mai ting riang sipie, mawh kheu Siyiex Cao krunaing raoma ot tau mai nawh heue.

Pui Ting Riang Rao Cie Davit

(2 Sam. 23:8-39)

¹⁰Yam in, cao kaing pa kied ting riang rao mai pui pa kied sau riang rao ti tau mai Davit mai pui pa koe ka daux haktiex nawh khawm

ceu pui Isarelaux khawmuik yaog nawh mawh simiang awm gumlox pa tawm Simiang Siyiex ti deuh ka ceu pui Isarelaux heue. ¹¹Inkix mawh carang pui pa kied ting riang rao pa koe mai Davit, Yashoban kawn simex ceu pui Hakhamon, mawh cao kaing naing ting piang cub cao kaing naing khankix nawh mawh pui pa yaog krong pliah tix pah ka pui loe yieh kaux tixdom neh heue. ¹²Khaix nawh mawh Eliaza kawn simex Dodo, ceu pui Ahohix pa mawh pui pa kied ting riang rao khaing ka daux kix loe kaux tix kaux heue. ¹³Nawh hoik ot tau mai Davit ka daux veng Pasadamin, yam cub pui Philitix khankix khrawm paox tix sonsang puing naing. Ka dee an, koe guang kaung pa naog ka nghoxkoi tix guang mai pui khankix to khaing ceu pui Philitix heue. ¹⁴Viang mawh nan, cub Eliaza mai Davit khankix cung ka daux sigreung guang kaung an mai deeh pon pah ka ceu pui Philitix khankix yum mai Siyiex deeh taoh kix ka daux krax pa pex pa kied ting heue. ¹⁵Daux yam cub krunaing ceu pui Philitix khankix pang tab ka daux ngawd Rephem, cao kaing loe kaux khaing daux cub cao kaing ting khankix tixngoe kaux lih hu ka rang dee ot Davit ka daux Adulam heue. ¹⁶Yam an, Davit ot ka daux tab pa kauxcong mai krunaing ceu pui Philitix khankix yuh tab ka daux veng Bieliehiem heue. ¹⁷Davit ah nin ka daux pa kied keud ce tix, "Mawh pui mawx tix kaux kaux pa sang pon tawx aux nyaux rawm tix kaw khaing rawm daux pa koe hawt diang sivix veng Bieliehiem lie?" ¹⁸Mawh kheu nan, pui ting riang rao loe kaux preeng tix laig ka daux sinax tab dee pan dee peung ceu pui Philitix khankix mai kix kin ti viex rawm khaing daux veng Bieliehiem pa koe hawt diang sivix veng mai viex rawm an ing ka Davit, viang mawh nan, nawh ang cu ti nyaux rawm an, nawh see ti tan rawm an ka plaksivoe Simiang Siyiex heue. ¹⁹Nawh ah nin, "Siyiex aux eue, kieh in mawh pa singai hu khaing aux, mawh sang pon nyaux aux nham pui inkix pa ang lhaw k ka ju tix ka daux pa yaox kix krax kharhawm sonsang viex kix rawm in hoek lie?" Mawh kheu nan,

nawh ang nyaux rawm an. Mawh pui pa ting riang rao loe kaux pa hoik yuh ceu ankix heue. ²⁰Yam in Abishie pux Yuabax mawh cao kaing ting khaing daux kix loe kaux, nawh yaog krong pliah pah ka pui khankix loe yieh kaux mai nawh pon krax pa ao min khaing ka daux pui inkix loe kaux heue. ²¹Khaix daux cub kix tixngoe kaux nawh mawh pa nielheu koe min, mawh kheu nan, nawh pon ti mawh cao kaing naing ting kix, viang mawh nan, nawh ang krup ka pui ankix phaoka loe kaux heue. ²²Pui veng Kapzelax, Benayax kawn simex Yehoyadax mawh pui pa koe rhawm kua pa yuh kaing ao min, nawh pah pui Mawbax ra kaux pa kied kua awm sivai sangsi, nawh baox lih hu mai pon pah sivai sangsi tix mu daux o bawgyam lih rawm ciex heue. ²³Nawh pah pui Ejiptux tix kaux pa lhaong phuan sawk, ka daux tawm taix pui Ejiptux an koe krong pliah pa awm blax taing heue. Viang mawh nan, Benayax viex khaox grix tix lih hu ka nawh mai rhim ti teei pliah an khaing daux taix pui Ejiptux mai deeh pah nawh yum ka krong pliah cie nawh heue. ²⁴Ceu in hoik mawh pa yuh Benayax kawn simex Yehoyadax mai nawh pon pa ao min ka daux pui pa ting riang rao khankix loe kaux heue. ²⁵Nawh mawh pa nielheu koe min khaing pui ankix tixngoe kaux, viang mawh nan, nawh ang nyang krup pui phaoka ankix loe kaux mai Davit yaog nawh mawh cao kaing piang cub pui naing pa pau ju nawh khankix heue. ²⁶Pui naing pa kied ting riang rao khankix mawh Asahelax pux Yuabax mai Elahanan pa mawh kawn simex Dodo khaing daux veng Bieliehiem. ²⁷Shammot pa mawh ceu pui Harorix mai Heliet pa mawh ceu pui Pelon, ²⁸Irax kawn simex Ikhesha pa mawh ceu pui Tekaw mai Abeza pa mawh ceu pui Aneto. ²⁹Sibekhie pa mawh ceu pui Husha mai Ilie pa mawh ceu pui Aho, ³⁰Maharie mai Heliet kawn simex Banax pa mawh ceu pui Netawphatix. ³¹Ethie kawn simex Rebie khaing veng Gibax pa mawh kawn praix Benyamin mai Binayax ceu pui Piratawni. ³²Hurie mawh pui kaoh khaing baoh rawm klawng iak Gasha mai Abyelax pa mawh ceu pui Arabix. ³³Azamaviet pa

mawh ceu pui Barumix mai Eliabax pa mawh ceu pui Shalabo. ³⁴Cub kawn simex Hashen pa mawh ceu pui Gezawnix mai Yawnatan kawn simex Shagie pa mawh ceu pui Harax. ³⁵Ahiam kawn simex Sakha mai Eliphalex kawn simex Urax pa mawh ceu pui Harax. ³⁶Hepha pa mawh ceu pui Mekherax mai Ahiyax pa mawh ceu pui Pelawn. ³⁷Hezaraw mai Narie kawn simex Ezabie pa mawh ceu pui Kharame. ³⁸Yawlax pux Nasan, Mibaha kawn simex Hagarix mai ³⁹Zeliet pa mawh ceu pui Amon mai Naharie pa mawh kawn simex Zeruya ceu pui Bero cao pa klawm kaung ceep naing Yuabax. ⁴⁰Irax mai Gariet pa mawh ceu pui Isarix, ⁴¹Uriyax ceu pui Hittix mai Zabax kawn simex Alie. ⁴²Adinax kawn simex Shiza pa mawh ceu cad Rubin, cao kaing ting tix kaux mai pa kuang pui tixngoe kaux khaing ceu cad Rubin. ⁴³Hanan kawn simex Makha mai Yoshaphat pa mawh ceu pui Mitanax. ⁴⁴Uziyax pa mawh ceu pui Ashatharax, Shama mai Yehelax kawn simex Hotham pa mawh ceu pui Aro. ⁴⁵Yedelax kawn simex Shimrix mai pux nawh Yawha pa mawh ceu pui Tizix. ⁴⁶Elelax pa mawh ceu pui Mahavit, Yeribie mai Yawshaviyax kawn simex Elanaam mai Itamma pa mawh ceu pui Mawbax. ⁴⁷Elelax, Obet mai Yasilax ceu pui Mezawbek khankix heue.

12 *Cub Krunaing Davit Haokhuan*

Inkix mawh can pui pa hoek ti hawt khaix Davit ka daux veng Zikalat, yam via nawh ti mox tix khaing Sawlux pa mawh kawn simex Kishax mai kix hoik mawh pui pa kaoh khaing daux sinax ceu pui pa kied ting riang rao khankix mai cao pa teem pacoi nawh ka daux naing. ²Kix mawh pa min puing ak mai pa chix shiao taix khawn dawm taix khawn goix tix khawm ra plak yam sivuad lon simaox khankix mai yam puing ak heue. Kix mawh ceu cad Benyamin pa mawh puxaik Sawlux heue. ³Cao kaing ting kix mawh Aheza mai khaix an tom mawh Yawsha pa mawh kawn simex Shemax khaing veng Gibax, Yezilax mai Peliet kawn simex Azamaviet khankix, Berakha mai Yehu pa mawh ceu pui Anatot, ⁴Ishameyax pui veng Gibeon pa mawh pui pa kied ting riang tix

kaux khaing daux sinax pui ankix tixngoe kaux mai pa lheu khaing pui ankix tixngoe kaux tom mawh Yeremix, Yahazilax, Yohanan mai Yozabat ceu pui Gedarat, ⁵Eluzie, Yerimot, Belia, Shemarix mai Shephatix pa mawh ceu pui Haruphix, ⁶Elakanax, Yeshia, Azarelix, Yawza mai Yashaban pa mawh ceu pui Korax khankix, ⁷Yawlax mai Zebadix kawn simex Yerawham khaing veng Gedo heue. ⁸Ceu pui Gatkhanxix tixblah hoik hoek sitoet tix mai Davit ka daux nyiex tab pa kauxcong nawh pa koe ka daux tiag, kix hoik mawh pui pa kied ting riang, pa koe rhawm kua mai kix mawh pui pa hoik gau tix son naing mai pa pon giex kraung tieb rhiem mai pliah, ngai baoh kix hoik awm ngai baoh sivai sangsi mai kix hoik mawh pa kied phai tete awm to cak khankix piang gawng heue. ⁹Eza mawh cao kaing, Awbadiyax mawh ra kaux tix kaux mai Eliabax mawh loe kaux tix kaux, ¹⁰Mishamannax mawh pon kaux tix kaux mai Yeremix mawh phuan kaux tix kaux, ¹¹Atie mawh liah kaux tix kaux mai Elelax mawh aliah kaux tix kaux, ¹²Yohanan, mawh daix kaux tix kaux mai Elazabat mawh dim kaux tix kaux, ¹³Yeremix mawh kao kaux tix kaux mai Makhabanai mawh kao kaux tix kaux tix kaux heue. ¹⁴Inkix mawh pa kaoh khaing cub kawn simex Gat pa mawh cao kaing naing cub krunaing khankix pa kied iak cao pa kuang piang cub pui tixyieh kaux mai pa kied ting mawh cao pa kuang piang cub pui tixrheng kaux heue. ¹⁵Kix mawh cub pui pa hoik tiang rawm klawng Yawdan ka daux khix tix, yam huan rawm ti kheem ka praok klawng khankix mai kix hoik pon kieh pui pa ot ka daux lung daux ngawd khankix to ka plak toh mai ka plak klip heue. ¹⁶Khaix an kawn praix ceu cad Benyamin tixblah mai pui Yudax khankix hoik hoek ka Davit ka daux nyiex tab pa kauxcong nawh heue. ¹⁷Davit lih hu rieb ka kix mai ah nin ka kix, "Phan pex hoek ka aux ka daux krax pa nhim mai sonsang teem ka aux, rhawm aux tak mawh tix mu ngie tau mai pex, viang mawh nan phan pex sang ah tix ap aux ka pui koeng khankix awm pa ang aux koe krax lud, kieh Siyiex taxdu ex jhak ti yaox mai prawngca

heue. ¹⁸ Khaix an, khuan Siyiex hoek piang Amashie pa mawh cao kaing ting ah nin, "Davit! yix mawh pui maix, kawm simex Yesie eue. Yix mawh pui pa ot plak maix, kieh krax pa nhim koe piang maix mai kieh pa nhim koe piang pui pa teem ka maix khankix! Mawh kheu Siyiex maix teem ka maix heue." Mawh kheu nan, Davit rieb ti teei kix mai kieh kix mawh cao kaing naing piang nyawm lien nawh khankix heue. ¹⁹ cub pui pa kaoh khaing ceucad Manashe tixblah, hoik blak ti hoek ka Davit, yam hoik hu nawh tau mai ceu pui Philitix khankix sonsang puing ka Sawlux heue. Viang mawh nan, kix ang cu ti teem kix kheu jao hoik kum cub simiang ceu pui Philitix khankix ti ploi nawh hu dee singai ka daux lox pa ah nin, "Nawh tak deeh blak ti viex ex hu ka simiang nawh Sawlux mai deeh tawx pa kharhawm ka cub cao kaing ex khankix heue." ²⁰ Yam hu nawh ka veng Zikalat cub ceucad Manashe pa deeh blak ti hoek ka nawh khankix mawh Adana, Yozabat, Yedayelax, Mikhelax, Yozabat Elihu mai Ziletie pa mawh cao kaing naing khankix piang pui tixrheng kaux pa hoik kaoh khaing ceucad Manashe heue. ²¹ Kix hoik teem Davit puing ka cub pui con khankix heue. Kix hoik mawh cub pui pa kied ting riang pa koe rhawm kua mai kix hoik mawh cao kaing naing ka daux krunaing heue. ²² Tix ngaix hoik tix ngaix pui khankix hoek teem ka Davit tom hoik pon kix ti mawh cub krunaing pa kied ting tix cub awm cub krunaing Siyiex heue.

Cub Krunaing Davit Daux Hebron

²³Inkix mawh carang cub krunaing ting pa hoik ceep kraung naing grumnaog mai hoek ka Davit ka daux veng Hebron, sonsang deeh tawx kix meung haktiex Sawlux ka nawh awm gumlox pa hoik tawm Simiang Siyiex ti deuh heue. ²⁴Khaing daux cub ceucad Yudax pa giex kraung plah tieb rhiem mai pliah khankix pa hoik grumnaog kraung naing koe liah rheng daix yieh kaux heue. ²⁵ Khaing daux cub ceucad Simion pa kied ting riang, pa koe rhawm vao rhawm kua mai pa pon hu daux naing khankix koe been aliah rheng tiyieh kaux, ²⁶khaing daux cub ceucad Lewix koe

pon rheng liah yieh kaux. ²⁷ Yehoyadax pa mawh cao kaing ka nyiexma Arun mai pa ot tau mai nawh khankix hoik koe loe rheng aliah yieh kaux heue. ²⁸ Zadok pa mawh pui naing pa awn ju pa ting riang tix kaux khaing pui daux doeh nyiexma keeing nawh khankix pa mawh cao kaing naing tixnga ra kaux. ²⁹ Khaing daux cub ceucad Benyamin pa mawh paox nyiexma Sawlux hoikkoeloe rhengkaux, lheu khaing an cub pui hun khaing daux kix plak nie ca kawm dhah ti ot mai krax pa kaux sijax tix ka doeh nyiexma Sawlux heue. ³⁰ Khaing daux cub ceucad Epharim, hoik koe been ra mheem mai daix yieh kaux, kix mawh pui pa kied ting riang mai pa koe rhawm kua mai pa kied ao min ka daux sinax doeh nyiexma tax keeing kix. ³¹ Khaing daux doeh ceucad Manashe tix plak, tix mheen dim rheng kaux, hoik mawh pa koe carang mai sonsang hoek yaog kix Davit mawh Simiang. ³² Khaing daux cub Isakha pa hoik tawng ti keud bawgyam sonsang tawng kix ka ceu pa sang caw pui ceu Isarela ti yuh mai cao kaing ting kix hoik koe ra yieh kaux mai can puxaik kix khawmuik hoik ot greem pa kuang kix heue. ³³ Khaing daux ceucad Zebulon khankix hoik koe pui phuan mheen kaux, pa mawh pui pa congrhawm, pa ang koe rhawm ra mu, pa pon hu daux naing mai kix mawh cub pui pa kied min ka naing tau mai kraung naing khankix heue. ³⁴ Khaing daux ceucad Napthalix, koe cub cao kaing naing tix rheng kaux mai pui pa giex kraung tieb rhiem mai pliah khankix ot tau mai kix loe mheen aliah rheng kaux. ³⁵ Khaing daux ceucad Dan pa chix priexrien tix ka krax yuh naing koe ra mheen daix rheng liah yieh kaux. ³⁶ Khaing daux ceucad Asha, can pui pa pon hu daux naing koe pon mheen kaux. ³⁷ Khaing daux ceucad Rubin mai ceucad Gat mai ceucad Manashe khankix tix plak pa kaoh khaing toi rawm klawng Yawdan koe pui tix sien ra mheen kaux, kix hoik mawh cub pui pa giex kraung naing kukaux heue. ³⁸ Cub pui naing inkix khawmuik pa chix priexrien ka tokaux tix khankix hoek bleeh ka veng Hebron tau mai krax pa kaux sijax tix sonsang yaog kix Davit mawh simiang piang ceu pui

Isarelax khankix heue. Can pui pa kawn deuk ka daux ceu pui Isarelax khankix kawx hoik mawh rhawm tix mu, sonsang yaog kix Davit mawh simiang heue. ³⁹ Kix ot tan tau mai Davit loe ngaix mai ih nyaux heue. Mawh kheu puxaik kix hoik khrierien ti tawx pa ih son kix heue. ⁴⁰ Lheu khaing an, can pui pa ot hawt dex kix mai khawm pa khaoh tom dee pa kied singai baoh kien Isakha mai baoh kien Zebulon mai kien Napthalix khankix, tang ceu pa ih pa mawh nex mawie, plah blah, plix ruh, plix siiet, rawm plix siiet, rawm bee mai mawie khawm yung ka piang law, kala-uk, la mai mawie khankix, kheu jao hoik koe krax pa gauxrhawm ka daux sinax ceu pui Isarelax khankix heue.

Teug Sijax Mukheu Khaing Kiratyarim

13 Khaix an, Davit kum tau mai cub cao kaing naing pa kuang piang pui kaing rheng mai kaing yieh khawm ka cao kaing pa thong bung khankix kukaux heue. ² Davit ah nin ka cub pui hun Isarelax khankix, “Phan ceu an mawh pa mhawm ka son pex mai phan mawh pa kaoh khaing Siyiex ex, kieh ex ploi pui hu ka puxaik ex khankix kudah dee, pa mawh pui pa kawn dhah ka daux haktiex meung Ejiptux mai khawm cao giex kaing li khankix mai ceucad Lewix khankix, pa ot tau mai kix ka daux veng kix mai pa ot ka daux haktiex pui hun khankix, sonsang pon kraixkhrawm kix paox tix hoek ka ex, ³ kieh ex deeh viex teug sijax mukheu Siyiex deeh hoek ka ex, mawh kheu ang sax chawkcheng ti yaox ka teug sijax mukheu glang daux singaix baux yam kuang Sawlux ka haktiex heue.” ⁴ Khaix an, cub pui hun khawmuik ah ti sang yuh awm an heue. Mawh kheu ceu an mawh pa khawcaw ka plak ngai pui khankix heue. ⁵ Mawh kheu nan, Davit kraixkhrawm ceu pui Isarelax khawmuik tau, jah khaing mee rawm klawng Shihaw pa koe ka daux haktiex meung Ejiptux tom hoek krax laig kix daux veng Amat sonsang deeh viex tix teug sijax mukheu Siyiex hoek khaing veng Kiratyarim heue. ⁶ Davit mai ceu pui

Isarelax khawmuik haok ka veng Balax pa mawh veng Kiratyarim pa mawh cie ceucad Yudax, sonsang deeh viex teug sijax mukheu Siyiex hoek khaing tan pa ot daux sinax rieang Cherubin ka dee deuh Nawh Cao min ceukaux Tix heue. ⁷ Mawh kheu nan, kix tang ti viex teug sijax mukheu Siyiex piang linglawx mawie pa khraox tix lhang khaing daux nyiex Abinadat Uzax mai Ahio, mawh cao pa grheu linglawx mawie heue. ⁸ Khaix an Davit mai ceu pui Isarelax khankix tah ting mai ah lox rhax ka plak sivoie Siyiex tau mai krax pa koe riang rao tix mai khawm pa ah tix lai rhax tau mai ting pawd, ting plah khaox, ting sideet, pi biang chiang mai teettawng khankix heue. ⁹ Yam hoek kix ka guang glah dee pah nghox Kidom, Uzax nih taix tix giex ka teug sijax mukheu, kheu jao sideeing mawie caong tix heue. ¹⁰ Khaix an, krax songrhawm Siyiex hoik lih piang Uzax mai Nawh Cao ciyang ka nawh kheu nih nawh taix tix giex ka teug sijax mukheu mai nawh yum tan ka plak sivoie Siyiex heue. ¹¹ Davit koe krax pa voirhawm, jao grawng krax khamgeupa ciyang Siyiex ka Uzax, mawh kheu nan, dee an hoik kok mawh Perietuzax tom in singaix heue. ¹² Davit lhatgraung ka Siyiex daux singaix an ah nin, “Aux tak sang pon viex teug sijax mukheu Siyiex hoek ka tix yuh ka mawx?” ¹³ Davit ang lai kieh teug sijax mukheu gah ti hu tau mai tix ka daux veng Davit, viang mawh nan, nawh deeh blakti tawx hu ka daux nyiex Obetdedom ceu pui Gittix heue. ¹⁴ Teug sijax mukheu Siyiex ot ka daux nyiexma Obetdedom loe khix heue. Siyiex nawb buan piang nyiexma Obetdedom mai khawm piang canceu pa koe nawh khankix khawmuik heue.

Davit Ot Veng Yerusaliem

(2Sam. 5:11-12)

14 Yam in, Hiram simiang haktiex Turux ploi pui cau tix khankix hu ka Davit tau mai khaox Arit mai khawm cao pa chix yuh kaing sang simaox mai khawm cao chix khaox khankix, sonsang sum ti tawx nyiex haw tix lhang ka nawh heue. ² Davit tawng ka

yaog Siyiex ti deuh nawh mawh simiang piang ceu pui Isarelaix mai pa yaog Siyiex meung haktiex nawh mawh pa kied lhaong son pui nawh pa mawh ceu pui Isarelaix heue.

Kawn Davit Keh Daux Yerusalieim

(2Sam. 5:13-16; 1Been 3:5-9)

³Khaix an, Davit teei ti koe moeng tomnie ka dauv veng Yerusalieim mai pon kawn simex kawn sibun tix tomnie heue. ⁴Inkix mawh ceukaux kawn praix nawh khankix pa koe ka dauv veng Yerusalieim, pa kaux Shamua, Shawbat, Natan, Sawlamon, ⁵Ibaha, Ilishua, Epeliet, ⁶Noganie, Nephiet, Yaphia, ⁷Ilishama, Biliadax mai Elipheliet khankix heue.

Ceu Pui Philitiex Somnai (2Sam. 5:17-25)

⁸Yam hoik mhong ceu pui Philitiex khankix ka yaog Davit ti mawh simiang piang ceu pui Isarelaix khawmuik, ceu pui Philitiex lih hu sawg ka Davit mai Davit mhong grawng ceu ankix mai nawh hu puing ka kix heue. ⁹Khaix an, ceu pui Philitiex khankix hoek naog dauv ngawd Rephem heue. ¹⁰Davit chawkcheng ka Siyiex ah nin, “Mawh sang pon hu puing aux ka ceu pui Philitiex lie? Mawh sang ap Maix Cao kix ka dauv tawm tai aux lie?” Siyiex ah nin ka nawh, “Hu heue, mawh kheu Aux tak sang ap ti tawx kix ka dauv tawm taix maix heue.” ¹¹Mawh kheu nan, kix lih hu ka veng Balax, Perazin mai Davit pex kix tan heue. Khaix an, Davit ah nin, “Siyiex prungprang ti tik pui koeng khankix ka taix aux, awm pa prungprang rawm khankix heue.” Mawh kheu nan, kix kok ceukaux dee an mawh Balaxperazin heue. ¹²Yam prah kix siyiex krub kix tan, Davit tawx lox ka kix mai nhie kix gleeing ti tik rieang siyiex an kangu heue. ¹³Ceu pui Philitiex khankix baov deeh hoek naog ka dauv ngawd an heue. ¹⁴Mawh kheu nan, Davit deeh chawkcheng ka Siyiex mai Siyiex ah nin ka nawh, “Maix tak ang pon ti haok seese dee ot kix, via ti hu ka praok kix mai hoek ti kuan kix ka plak sivoie dee koe khaox liah khankix heue. ¹⁵Ceu an tak lih ti koe yam mhong maix ka lox sinum hu pui piang rao khaox liah, khaix an maix tak lih hukad auv biang naing heue. Siyiex

hoik lih hu sivoie maix sonsang pah ka cub tab ceu pui Philitiex khankix heue.” ¹⁶Davit yuh awm gumlox pa tawm Siyiex ka nawh mai kix hoik deeh pheet ka cub krunaing ceu pui Philitiex khankix khaing veng Gibeon, tom hoek ka veng Gezarax heue. ¹⁷Khaix an, krax pa ao min Davit hoik tah hu ka dauv haktiex an khankix khawmuik mai Siyiex hoikkieh pui khawmuik lhatgraung ka nawh heue.

Viex Teug Buan Sijax Mukheu

(2Sam. 6:12-23)

15 Davit sum nyiex haw khankix son tix ka dauv veng Davit heue. Hoik khre ti deuh dahdee son teug buan sijax mukheu Siyiex mai sum nyiex gox buan man tix lhang son an heue. ²Khaix an, Davit ah nin, “Pui tix kaux kawx tak ang pon ti klawm teug buan sijax mukheu Siyiex lheu khaing cub ceucad Lewix, mawh kheu Siyiex hoik laug ti deuh sonsang mawh kix cao pa klawm teug buan sijax mukheu Siyiex mai yuh kaing jhaw ka plaksivoie Nawh Cao leeingju heue.” ³Davit kraix khrawm ceu pui Isarelaix khankix tau ka dauv veng Yerusalieim sonsang viex teug buan sijax mukheu Siyiex hoek ka dee pa ot tix ka pa khrieren nawh ti deuh heue. ⁴Khaix an, Davit khrawm ka kawn praix Arun mai ceucad Lewix khankix hoek. ⁵Khaing dauv cub kawn simex Kawhat, Urelax pa mawh cao kaing ting kix mai puxaik nawh khankix hoik koe tixyieh tixnga kaux. ⁶Khaing dauv cub kawn simex Merarix, Asayax cao kaing ting kix mai puxaik nawh khankix hoik koe ra yieh tixnga kaux. ⁷Khaing dauv cub kawn simex Gerashon, Yawlax cao kaing ting kix mai puxaik nawh khankix koe tixyieh tixngoe kaux. ⁸Khaing dauv cub kawn simex Elizaphan, Shemayax cao kaing ting kix mai puxaik nawh khankix koe ra yieh kaux. ⁹Khaing dauv cub kawn simex Hebron, Elialax cao kaing ting kix mai puxaik nawh khankix koe tidaix kaux. ¹⁰Khaing dauv cub kawn simex Awzalax, Aminadat cao kaing ting kix mai puxaik nawh khankix koe tixyieh kao ra kaux heue. ¹¹Davit kok ka cao giex kaing li Zadok mai Abiatha khawm ceucad Lewix pa mawh Awrelax, Asayax, Yawlax, Shemayax, Elialax

mai Aminadat khankix hoek ka tix heue. ¹²Khaix an, nawh hoik ah nin ka kix "Pex mawh cao kaing khaing dauh doeh nyiexma keeing pex khankix pa kaoh khaing ceucad Lewix, kieh tokaux pex singax mai khawm puxaik pex khankix, pex tak pon viex teug buan sijax mukheu Simiang Siyiex Siyiex ceu pui Isarelax khankix hoek ka dee pa hoik khrierien aux ti deuh son nawh heue. ¹³"Mawh kheu ang pex nyang yuh ceu in phaoka, Siyiex tom tawx krax kharhawm piang ex, grawh grawng nawh, mawh kheu ang ex hawt yuh awm pa khaw mai been Nawh Cao heue." ¹⁴Mawh kheu nan, cao giex kaingli khankix mai ceucad Lewix khankix hoik kieh tokaux tix singax sonsang viex ka teug buan sijax mukheu Siyiex ceu pui Isarelax heue. ¹⁵Ceucad Lewix khankix klawm teug buan sijax mukheu Siyiex piang klip tix ka khaox glawm nawh, pa tawm Mose ti deuh awm hoik koe gumlox Siyiex heue. ¹⁶Khaix an, Davit hoik krai ka cao kaing ceucad Lewix sonsang tawx beeh glawm ka puxaik tix khankix, mawh cao rhax lai mai pa tah ting khankix, pa mawh ting sideet, ting pawd mai Chiang khankix sonsang yaog kix lox rhax sinum ka dauh pa gauxrhawm heue. ¹⁷Mawh kheu nan, pui Lewix khankix hoik yaog ti tawx beeh glawm ka Heman kawn simex Yawlax mai puxaik nawh khankix ka Asap kawn simex Berakhix mai khawm puxaik kix cub kawn simex Merarix mai Eta kawn simex Kusha khankix, ¹⁸dauh puxaik kix pa yaog kix ara glawk ra mawh Zakhariy, Benax, Yalelax, Shemiramot, Yehelax, Unix, Eliabax, Benayax, Maseyax, Matithix, Eliphelie, Mikneyax, Obetdedommai Yelax pa mawh cao pau siviex khaing heue. ¹⁹Cao rhax lai khankix mawh Heman, Asap mai Ethan khankix mawh pa tah Chiang tawng kieh lox sinum heue. ²⁰Zakhariy, Azilax, Shemiramot, Yehalax, Unix, Eliabax, Maseyax mai Benayax khankix mawh cub cao pa tah ting pawd awm Alamot heue. ²¹Matithix, Eliphelie, Mikneyax, Obetdedon, Yelax, Azalix, khankix mawh cao pa tah ting sideet awm Sheminix heue. ²²Khenanix mawh cao thong cao bung mai cao gau ceucad Lewix khankix

ah loxrhax, mawh kheu hoik mawh nawh pui pa min ka loxrhax heue. ²³Berikhix mai Elakanax hoik mawh cao pa pau siviex son teug buan sijax mukheu, ²⁴Shebanix, Yoshaphat, Netanelax, Amashie, Zakhariy, Benayax mai Eliaza cub cao giex kaingli khankix mawh cao phlu teettawng ka plak sivoie teug buan sijax mukheu Siyiex, Obetdedon, Awbedax, Edom mai Yehix, mawh cao pau siviex son teug buan sijax mukheu heue. ²⁵Mawh kheu nan, Davit mai kuadriexju ceu pui Isarelax khankix mai cao kaing naing pa kuang piang lien kaing rheng, lih hu sonsang teei teug buan sijax mukheu Siyiex khaing dauh nyiex Obetdedomtau mai krax pa gauxrhawm tix heue. ²⁶Siyiex hoik teem ka pui Lewix khankix cao pa klawm teug buan sijax mukheu Siyiex, kix hoik tan mawie aliah mu mai kawn yung aliah mu heue. ²⁷Davit hoik ceep ka sibex man ceu pa mhawm mai pui Lewix khankix pa klawm ka teug buan sijax mukheu mai cao pa rhax lai khawmuik, Khenanix pa mawh cao kaing pa thong bung cao rhax lai khankix hoik ceep ka sibex man ceu pa mhawm awm nawh heue. Davit baox ceep sibex lang jung pa hoik yuh tix ka man ceu pa mhawm heue. ²⁸Mawh kheu nan, ceu pui Isarelax khankix hoik teei ti viex teug buan sijax mukheu Siyiex hoek tau mai lox pa kokyo tix, khawm pi biang mai lox teettawng mai khawm lox Chiang mai lox tah ting pawd mai khawm lox ting sideet khankix heue. ²⁹Yam hoik hoek teug buan sijax mukheu Siyiex ka dauh veng Davit, Mekhalax kawn sibun Sawlux simi ti jhak kix khaing dauh siviex vawng mai yaox simiang Davit tah ting khawm graoh tix mai nawh hoik sibiem ka nawh dauh rhawm tix heue.

Teug Sijax Mukheu Dauh Nyiex Buan Man
16 Kix hoik viex teug buan sijax mukheu Siyiex hoek mai deuh ka dauh sigreung nyiex gox buan man pa hoik grux sum Davit son an heue. Khaix an, kix tan krax tan pa gleeing mai krax tan pa nhim ka plak sivoie Siyiex heue. ²Yam hoik tan Davit krax tan pa gleeing mai krax tan pa nhim, nawh nawb buan piang pui khankix ka dauh min ceukaux Siyiex heue. ³Khaix an, nawh roi ti tawx blah tix lon

mai nex mawie tix khik mai khlawp blah plix siiet tix khlawp ka ceu pui IsarelaX khankix khawm simex khawm sibun heue. ⁴ Nawh tawx beeh glawm ka ceucad Lewix tixblah, sonsang yuh kix kaing ka plak sivoe teug buan sijax mukheu Siiyex mai sonsang khrierien sonsang lailoh kix ti yaogyaw ka buan son Siiyex ceu pui IsarelaX heue. ⁵ Asap mawh cao kaing ting kix, khaix nawh tom mawh ZakhariX mai khaix an mawh Yelax, Shemiramot, Yehalax, Matithix, Eliaza, Benayax mai Obetdedom mai Yelax khankix mawh cao pa tah ting pawd mai ting sideet khankix tau mai nawh, viang mawh nan, Asap mawh cao pa tah chiang heue. ⁶ Cao giex kaing li Benayax mai Yahazilax khankiex mawh cao phlu teettawng ka plak sivoe teug buan sijax mukheu Siiyex siJheengheue.

Lai Rhax Yaogyaw Davit

(Yaog 105:1-15, 96:1-13, 106:47-48)

⁷ Ka dauX singaix an, Davit hoik ap lai rhax yaogyaw in ka dauX tawm taix Asap mai puxaik nawh khankix sonsang yaogyaw kix ka buanson Siiyex pa ah nin, ⁸ "Yaogyaw ka buanson Siiyex, kokyo ka min ceukaux Nawh Cao mai jhi kaing jhaw pa yuh Nawh Cao ka sinax pui khankix heue. ⁹ Rhaxlai ka Nawh Cao, rhax lox yaogyaw ka Nawh Cao mai kraik grawng krax pa daoxdeng kaing pa yuh Nawh Cao khawmuik heue. ¹⁰ Yaogyaw tawx min ka dauX ceukaux pa singax singeh Nawh Cao heue. Kieh rhawm pui pa sawg ka Siiyex koe krax pa gauX rhawm heue. ¹¹ Sawg ka Siiyex mai riang rao Nawh Cao khankix! Sawg ka pakngai Nawh Cao ku bawgyam! ¹² Dohkeud ka kaing jhaw pa daoxdeng Nawh Cao mai ka pa hoik yuh Nawh Cao mai ka pa daoxdeng krax prawngca pa hoik lih khaing jheeh Nawh Cao khankix, ¹³ Doehru pui IsarelaX siliex Nawh Cao khankix eue, Can pex pa mawh kawn praix Yakop mai pui pa hoiklaug Nawh Cao khankix eue, ¹⁴ Nawh Cao mawh Siiyex ex, mawh cao pa prawngca piang ca haktiex in khawmuik heue.

16:16 Yam 12:7, Yam 26:3. **16:17-18** Yam 28:13. **16:21-22** Yam 20:3-7.

¹⁵ Dohkeud ka gumlox mukheu Nawh Cao jheengheeng mai ka gumlox pa tawX Nawh Cao ka son kaing rheng bauxju pui khankix, ¹⁶ Gumlox sijax mukheu pa hoik yuh Nawh Cao tau mai Abraham mai gumlox pa tiextu Nawh Cao ka Icak khankix, ¹⁷ Nawh hoik kieh an kauXcong ka dauX ru Yakop mai gumlox sijax mukheu an hoik mawh ka can pui IsarelaX pa kauXcong leeingju, ¹⁸ pa ah nin, Aux tak tawX haktiex Khanan sonsang mawh sinngao cie pex. ¹⁹ Pex ang mawh pui hun, pex mawh pa kied tux khaing pui tete mai yam mawh pex nyosinie ka dauX haktiex an heue. ²⁰ Yam hoik lih hu kix khaing ceu pui tix cub an, hoek ka dee ot cub pui tang cub tix cub mai khaing meung haktiex tix mu tom hoek pex ka ceu pui tang ceu tix ceu, ²¹ Nawh Cao ang lai kieh pui tix kauX kawX nunai mapgrham ka kix, mawh heue, Nawh Cao hoik sidiexgau ka simiang khankix kheu jao kix, ²² pa ah nin, paw doh teeh ka pui pa hoik groi Aux rawm beek mai paw yuh krax kharhawm ka cao jhai Aux khankix heue. ²³ Kawn pui haktiex khankix eue, rhaxlai yaogyaw ka Siiyex mai kraik pao gumlox grawng krax taoh pa mhawm Nawh Cao khankix tix ngaix hoik tix ngaix heue. ²⁴ Plak jhi min sibrawm Nawh Cao ka dauX sinax can pui khankix mai pa daoxdeng Nawh Cao ka dauX sinax pui khankix heue. ²⁵ Mawh kheu Siiyex mawh pa kied ting lhaong mai mawh pa khaw ti yaogyaw tom kied ting lhaong. Nawh Cao mawh pa khaw ti lhatgraung kah, khaing siiyex tang ceu khankix heue. ²⁶ Siiyex pui tang ceu khankix mawh siiyex rieanggrang pa giexgoing, viang mawh nan, Siiyex mawh cao pa phan raoma khankix heue. ²⁷ Min plakngai mai min sibrawm khankix koe ka plak sivoe Nawh, riangrao pa ting mai krax pa gauXrhawm khankix koe ka dahdee ot Nawh Cao heue. ²⁸ Pui kuceu khankix eue, yaogyaw ka Siiyex, yaogyaw ka min sibrawm mai riang rao pa ting Siiyex heue. ²⁹ Yaogyaw ka meung Siiyex mai yaogyaw ka sibrawm mai min ceukaux pa ting Nawh Cao, viex krax tan mai hoek ka plak sivoe Nawh Cao heue. Krub Siiyex ka dauX krax pa mhawm grang pa singax singeh. ³⁰ Kawn

pui haktiex khankix eue, kieh koe krax pa lhatgraung ka plak sivoie Nawh Cao, haktiex pa phan pa deuh Nawh Cao ang chix gah chix greed mai tak kauxcong. ³¹Kieh raoma haktiex gauxrhawm mai kieh haktiex koe pa nyawmrhawm mai kieh kix ah nin ka sinax ceu pui khankix, Siyiex mawh cao pa kuang heue. ³²Kieh rawm sigrit sigra mai canceu pa naog ka daux nawh khankix ah lox sinum, kieh tong kaung mai khawm canceu pa koe ka daux nawh khankix gauxrhawm heue. ³³Khaix an, khaox khankix pa koe daux tiag, tak sang koe krax pa gauxrhawm ka plak sivoie Siyiex heue. Mawh kheu Nawh Cao takhoekprawngca ka khawm haktiex in heue. ³⁴Yaogyaw mai ting buanson ka Siyiex, kheu mawh Nawh Cao pa mhawm, krax cauxrhawm Nawh kauxcong leeingju heue. ³⁵Baox ah nin, Siyiex Cao taoh ka ex eue, deeh taoh ka yix mai deeh taoh yix lih khaing pui tang ceu khankix mai deeh kraixkhrawm yix ot tau sonsang yaogyaw mai ting buanson ka min ceukaux pa singax singeh Maix Cao mai sonsang koe krax pa yaw yix rangdi ka daux pa yaogyaw tix min ceukaux Maix Cao heue. ³⁶Kieh Yaogyaw buanson ka Siyiex ceu pui Isarelaux khankix jah yam in tom sidah leeingju heue." Pui khawmuik ah Amen mai yaogyaw Siyiex heue.

Khrerien Son Kaing Krub

³⁷Mawh kheu nan, nawh hoik prah Asap mai pux nawh khankix tan ka plak sivoie teug buan sijax mukheu Siyiex sonsang yuh kaing jhaw ka plak sivoie teug buan sijax mukheu jheengjheeng awm pa hoik koe been pa yuh kix ku ngaix, ³⁸Nawh hoik deuhObetdedommai puxaik nawh khankix tixgliah daix kaux tau, Obetdedomkawn simex Yedutum mai Hosa khankix mawh cao pau siviex. ³⁹Zadok cao giex kaing li mai khawm puxaik nawh cao giex kaing li khankix ot ka sivoie nyiex gox buan man Siyiex ka dee pa lhaong an pa koe ka veng Gibeon, ⁴⁰sonsang tan krax tan pa gleeing

ka Siyiex piang khu dee tan krax pa gleeing plak ponggawb mai ponbo ku ngaix mai sonsang hoek yuh kix awm pa hoik koe been pa hoik tiem ti deuh ka daux gumlox tat jhawm prawng Siyiex pa hoik tawm Nawh Cao ti deuh ka can pui Isarelaux khankix. ⁴¹Pui ot tau mai kix mawh Heman mai Yedutum, khawm pui pa hoik laug kix mai can pui pa hoik ciak ti deuh awm pa koe ceukaux kix sonsang yaogyaw mai ting buanson ka Siyiex, grawh grawng nawh, krax cauxrhawm Nawh Cao tak mawh pa kauxcong tom sidah leeingju. ⁴²Pui ot tau mai kix pa mawh Heman mai Yedutum phlu teettawng mai tah chiang tau mai pa kied ting sinum sonsang yaogyaw ka Siyiex heue. Yam an, kawm simex Yedutum mawh cao pau siviex heue. ⁴³Khaix an, pui khawmuik lih hu mai kix tang ing ka nyiex tix mai Davit kawx deeh ing sonsang nawb buan piangkawn nyiexmatix heue.

Lox Mukheu Siyiex Ka Davit

(2Sam. 7:1-29)

17 Khaix hoik luan ceu an khankix mai yam ot Davit ka daux nyiex haw tix, Davit ah nin ka cao jhai Natan, "Jhak heue, yam in aux ot ka daux nyiex khaox Arit, viang mawh nan, teug buan sijax mukheu Siyiex kawm ot ka greem nyiex gox man heue." ²Khaix an, Natan ah nin ka Davit, "Yuh awm canceu pa koe ka daux rhawm maix, mawh kheu Siyiex ot tau mai maix heue." ³Viang mawh nan, ceu an hoik lih ti koe ka daux sawm an mai gumlox Siyiex hoek bleeh ka Natan ah nin, ⁴"Hu mai krai ka kawncau Aux Davit, "Maix tak ang pon ti sum nyiex sonsang ot Aux kah heue. ⁵Aux ang sax yaox ti ot ka daux nyiex glang bawgyam viex Aux ceu pui Isarelaux khankix lih hu khaing haktiex meung Ejiptux, tom hoek ka daux singaix, viang mawh nan, Aux hoik lailoh ti ot daux nyiex gox khankix tix mu hoik tix mu mai khaing nyiex gox buan man tix mu heue. ⁶Can dahdee hoik gah Aux ti hu tau mai ceu pui Isarelaux, mawh hoik sax krai Aux ka cao prawngsee ceu pui Isarelaux khankix tix kaux kaux ka pa hoik tawm Aux kix mawh cao liang yung pui Aux khankix ka daux krax pa ah nin, mawh ang pex nyang sum nyiex khaox Arit

ka son Aux lie? ⁷ Yam in maix kraï ka kawncau Aux Davit, Siyiex Cao krunaïng mai raoma ah nin, Aux hoik laug ti tei maix khaing daux kawg yung mai khaing dee liang yung sonsang mawh maix cao kuang piang pui Aux Isarelaax khankix heue. ⁸ Aux ot tau mai maix ka can dee hu maix khankix mai grheu ti tik pui koeng maix khankix ka plak sivoë maix mai kieh ceukaux maix koe min awm ceukaux pui ting lhaong khankix pa koe piang ca haktiex heue. ⁹ Lheu khaing an, Aux tak sang laug ti deuh dahdee tix dah ka son pui Aux Isarelaax khankix mai Aux tak sum kix kauxcông sonsang pon ot kix ka dahdee cie kix mai ang lai yaox tigah khaing tan tix bawg kawx mai pui caox khankix tak ang lai pon yeenya ka kix khaix in tix bawg kawx awm glang singaix pa hoik luan khankix. ¹⁰ Jhak ka bawgyam tawm Aux lox ka cao prawngsee, sonsang kuang kix piang pui Aux Isarelaax khankix heue. Aux tak grheu ti tik pui koeng pex khankix heue. Lheu khaing an Aux sang kraï maix mhong ka sang sum Siyiex nyiex ka son maix heue. ¹¹ Ceu an tak lih ti mawh yam naog singaix bauxju maix khankix mai yam hu ot maix tau ka dee ot taxdu maix khankix, Aux tak yaog ti deuh ru maix khaix maix, ka daux kawncau simex maix khankix mai Aux tak sang pang ti deuh meung haktiex nawh heue. ¹² Nawh tak mawh pa sum nyiex ka son Aux mai Aux tak pang ti deuh danggeung nawh leeingju heue. ¹³ "Aux tak mawh keeing nawh mai nawh tak mawh kawncau simex Aux mai Aux tak ang lai tei krax pa cauxrhawm tix hu khaing nawh awm hoik tei Aux krax pa cauxrhawm tix khaing pui pa hoik dawg koe ka sivoë maix heue. ¹⁴ Aux tak tawx nawh ot ka daux nyiex Aux mai ka daux meung Aux leeingju mai dang geung nawh tak kauxcông leeingju heue." ¹⁵ Natan tom deeh kraï ka Davit awm koe gumlox pa plak jhi in kix khawmuik heue. ¹⁶ Khaix an simiang Davit laig ka daux mai ngawm ka plak sivoë Simiang Siyiex mai ah nin, "O Simiang Siyiex aux eue, mawh aux pui pa yuh ka mawx lie? Mawh doeh nyiexma aux pa yuh

17:13 2Kaw 6:18, He 1:5, Jhi 21:7.

ka mawx? Maix Cao lai yaogyaw aux ting yuh nin lie? ¹⁷ Siyiex eue, viang in hoik mawh ceu pa iak pa lied ka plak sivoë ngai Maix Cao, Siyiex eue, Maix Cao hoik grux kraï grawng doeh nyiexma kawncau Tix son bawgyam pa sang hoek an mai Maix Cao hoik deuh aux mawh pui pa kied ting min plakngai heue. ¹⁸ Davit tak sangbaoxponah patixka Maix Cao grawng yaog Maix Cao min plakngai kawncau tix lie? Grawh grawng nawh, Maix Cao tawng grawng kawncau tix heue. ¹⁹ Siyiex eue, mawh kheu jhak Maix Cao ka buanson kawncau Tix, awm pa hoik koe rhawm Maix Cao, Maix Cao hoik yuh ceu pa ting lhaong in khawmuik ka daux pa sidawng lainglaing ka daux pa kied ting lhaong in khawmuik heue. ²⁰ Siyiex eue, Siyiex pa awm Maix Cao ang koe tix kaux kawx, awm pa hoik sax mhong ka yhaok tix khawmuik, lheu khaing Maix Cao ang lai koe Siyiex tang kaux heue. ²¹ Ka piang haktiex in, mawh koe pui tang ceu khankix pa awm pui Maix Isarelaax ka pui pa hoik laug Maix Cao ti tei ka son cao Tix, sonsang kieh Maix Cao ceukaux pa kied ting lhaong Tix sidawng mai grawng kaing pa daoxdeng khankix ka daux pa Maix Cao grheu pui kuceu lih hu khaing plak sivoë pui Maix Cao khankix, pa hoik deeh taoh Maix Cao kix lih khaing haktiex Ejiptux lie? ²² Grawh grawng nawh, Maix Cao hoik kieh pui Isarelaax khankix mawh pui cie Tix leeingju mai Maix Cao pa mawh Siyiex hoik mawh Siyiex kix heue. ²³ Siyiex eue, gumlox pa hoik kraï Maix Cao son kawncau Maix mai ka son doeh nyiexma nawh khankix, kieh ankix mawh pa kauxcông leeingju mai yuh awm pa hoik kraï Maix Cao heue. ²⁴ Mawh kheu nan, kieh min ceukaux Maix Cao pa ting lhaong kauxcông leeingju pa ah yuh nin, Siyiex Cao krunaïng raoma mai Siyiex ceu pui Isarelaax khankix mai kieh doeh nyiexma kawncau Maix Davit mawh pa sum ti kauxcông ka plak sivoë Maix Cao heue. ²⁵ Grawh grawng nawh, Siyiex aux eue, Maix Cao hoik kraï grawng sang sum Tix nyiex ka son kawncau Maix Cao heue. Mawh kheu nan, kawncau Maix hoik yaox ka ceu ankix, ka daux rhawm tix sonsang rawgbuan ka plak sivoë Maix Cao heue.

²⁶ Yam in, Siyiex eue, Maix Cao mawh Siyiex mai Maix hoik yuh sijax mukheu pa mhawm in khankix ka kawncau Maix Cao heue.²⁷Mawh kheu nan, sonsang kauxcong doeh nyiexma kawncau Maix khankix ka plak sivoe Maix Cao leeingju, yuh buanson kieh Maix Cao mawh pa koe rhawm tix nawb buan liak. Grawh grawng nawh, Siyiex eue, Maix Cao nawb buan piang ankix mai ceu ankix tak mawh pa pon buan son leeingju heue.”

18 *Krax Pa Pex Davit* (2Sam. 8:1-14)

Khaix an Davit puing ka ceu pui Philitix khankix mai pex ka kix mai teei veng Gat mai nyiex yaong khankix khaing dauw tawm taix ceu pui Philitix heue. ²Khaix an nawh hoik puing haktiex Mawbax mai pui Mawbax khankix hoik lih mawh siliex Davit mai kix hoikyaox ti tawx keen heue. ³Davit hoikdeeh puing Hadadeza pa mawh simiang haktiex Zawbax tom hoek ka veng Hamat sonsang lih hu pang nawh meung haktiex tix biang hawt baoh rawm klawng Yufrethix heue. ⁴Davit hoik rhim ti teei linglawx naing brung khankix tixrheng, cub krunaing brung khankix aliah rheng kaux mai krunaing caong khankix ra mheen kaux heue. Khaix hoik yuh Davit linglawx naing brung tangdah khankix laux mai nawh deeh teei linglawx naing brung tixyieh lhang khaing heue. ⁵Yam hoek pui Surix khankix khaing veng Damase sonsang teem Hadadeza simiang Zawbax, Davit pah cub pui Surix khankix yum ra mheen ra rheng kaux heue. ⁶Khaix an Davit deuh cub tab pa pau veng khankix ka veng Damase ka haktiex Surix mai ceu pui Surix khankix hoik lih mawh siliex Davit mai kix hoik tawx keen ka nawh heue. Mawh kheu nan, Siyiex kiangiien Davit ka can dee hu nawh heue. ⁷Davit hoik rhim ti teei kraung naing tiebtie plah khri kix khaing siliex Hadadeza mai viex kix ing ka veng Yerusaliem heue. ⁸Khaing veng Tibahat mai khaing veng Khun pa mawh veng Hadadeza khankix, Davit hoik teei ti viex tawng lheung ing tomnie heue. Sawlamon tom yuh rawm dung tawng, rong

18:8 1Sim 7:40-47, 2Been 4:11-18. **18:12** Yaog 60 Title.

tawng mai kraung shiao ka tawng an khankix tomnie heue. ⁹Yam mhong Taw-u pa mawh simiang veng Hamat ka grawng hoik pex Davit ka cub krunaing Hadadeza simiang haktiex Zawbax khankix khawmuik. ¹⁰Nawh ploi kawn simex tix Hadoram hu ka simiang Davit sonsang hu sipub ti yaox mai kraik lox nawb ka nawh, grawh grawng nawh Davit hoik puing Hadadeza mai hoik pex ka nawh, mawh kheu Hadadeza hoik yuh naing ka nawh glang ka an heue. Hadoram viex kraung khrai mau, khri mai kraung tawng lheung kuceu khankix hoek heue. ¹¹Simiang Davit hoik tan tix tawx khankix ka Siyiex, tan khri mai mau pa hoik viex kix hoek khaing haktiex Edom, haktiex Mawbax, pui Amon, pui Philitix mai pui Amaliet khankix heue. ¹²Lheu khaing an, Abishie kawn simex Zeruya, hoik pah ka ceu pui Edom khankix yum ka dauw ngawd kih tixmheen daix rheng kaux heue. ¹³Nawh baox deuh cub tab pau veng dauw haktiex Edom mai pui Edom khankix hoik lih mawh siliex Davit khawmuik heue. Siyiex hoik kiangiien Davit ka can dee hu nawh heue.

Davit Kuang Haktiex

¹⁴Mawh kheu nan, Davit kuang piang ceu pui Isarela khankix mai hoik prawng rahsee piang pui nawh khankix khawmuik heue. ¹⁵Yuabax kawn simex Zeruya mawh cao kuang piang cub krunaing mai Yehoshaphat kawn simex Ahilut mawh cao priex carang, ¹⁶Zadok kawn simex Ahitut mai Abimaliet kawn simex Abiatha khankix mawh cao giex kaing li mai Seraya mawh cao kaing tiem lai, ¹⁷Benayax kawn simex Yehoyadax mawh cao kuang piang pui Kheretix mai pui Peletix mai kawn simex Davit khankix kawx mawh cao kaing ting pa kuang ka piang kaing jhaw simiang heue.

Pa Som Pui Amon Mai Pui Surix

(2Sam. 10:1-19)

19 Khaix hoik yum simiang Nahat pa mawh ceu pui Amon mai kawn simex nawh deeh yaog ti kuang haktiex ka dahdee ot nawh heue. ²Khaix an, Davit ah nin, “Aux tak jhi krax cauxrhawm tix ka Hanun kawn simex Nahat, mawh kheu hoik jhi keeing nawh krax cauxrhawm tix ka aux heue.” Mawh kheu

nan, Davit ploi pui cau hu sonsang yuh kix krax khurhawm ka nawh son grawng keeing nawh heue. Siliex Davit khankix hoek ka Hanun ka haktiex dee ot pui Amon sonsang khurhawm nawh heue. ³ Cub simiang Amon khankix ah nin ka Hanun, "Mawh keud maix Davit sang tawxkrax yungyi ka keeing tix kheu jao ploi nawh pui pa khurhawm maix khankix hoek lie? Ang maix tawng siliex nawh khankix mawh pa sang sawg ti jiang ti yaox ka haktiex mai pa sang hoek yuh maix lauxleeing khankix lie?" ⁴ Mawh kheu nan, Hanun giex ka siliex Davit khankix mai khlo hauk bheup kix mai tat kraung ceep kix tom hoek sigreung piang ba viang kix mai deeh ploi kix ing heue. ⁵ Khaix an, pui tixlah hu krai Davit mhong grawng pui an khankix mai nawh ploi pui hu ti yaox kakix, kheu jao hoik kied koe krax kaig tua pui an khankix heue. Simiang ah nin, "Ot daux veng Yerikho, tom hoek bawgyam kua hauk bheup pex mai khaix an deeh hoek awx." ⁶ Yam yaox pui Amon khankix kahoikyuh kix krax paseeing brai ka Davit, Hanun mai pui Amon khankix hoik sipaox mau tixrheng talantan hu sonsang vai linglawx naing brung mai cub pui naing brung khankix son tokaux kix khaing haktiex Mesopotemia, haktiex Surixmakha mai haktiex Zawbax khankix heue. ⁷ Mawh kheu nan, kix hoik vai linglawx naing brung khankix loe mheen ra rheng lhang tau mai simiang Makha mai khawm pui nawh khankix hoik hoek ti yuh tab plak sivoie veng Medabax heue. Pui Amon khankix hoik deeh baox khrawm paox tix tau khaing ku veng dee ot tokaux kix mai hoek ka biang naing heue. ⁸ Yam mhong Davit ka grawng an, nawh ploi Yuabax mai krunaing pa kied ting riang khawmuik hu heue. ⁹ Khaix an, tokaux pui Amon khankix lih hu ti yuh naing ka plak sivoie siviex veng mai cub simiang pa hoek ti teem khankix hoik tang teei dee ot tix ka daux tong heue. ¹⁰ Yam yaox Yuabax ka hoik khre kix biang naing ka plak sivoie mai ka plak khaix tix, nawh hoik laug pui Isarelix pa cheung khankix tixlah mai nawh ploi kix hu ka biang naing sonsang puing ka

ceu pui Surix khankix heue. ¹¹ Son can pui pa kawn deuk khankix, nawh ap kix ot greem pa kuang pux nawh Abishie mai kix yuh naing ka pui Amon khankix heue. ¹² Khaix an, nawh ah nin, "Phan pui Surix mawh pa ting riang khaing aux maix tak caw ti teem ka aux, viang mawh nan, phan pui Amon khankix mawh pa ting riang khaing maix, khaix an, aux tak teem maix heue. ¹³ Kieh koe krax pa kua rhawm ka daux pa mhawm mai kieh ex mawh pa koe riang rao ka son pui ex khankix mai son veng Siyiex ex khankix heue. Kieh Siyiex yuh ceu pa mhawm awm pa koe alo Nawh Cao heue." ¹⁴ Mawh kheu nan, Yuabax mai pui pa ot tau mai nawh khankix hoik greed ti dex sivoie sonsang puing naing ka pui Surix khankix mai kix hoik to khaing plak sivoie nawh heue. ¹⁵ Yam yaox pui Amon khankix ka hoik to pui Surix khankix, kix kawx baox to sivoie pux nawh Abishie mai laig ka daux veng heue. Khaix an, Yuabax hoik deeh ing ka veng Yerusalim heue. ¹⁶ Yam hoik yaox pui Surix khankix hoik som tix ka ceu pui Isarelix khankix, kix ploi pui cau khankix hu mai kieh kix kok ka pui Surix pa ot toi klawng Yufrethix mai Shophat pa mawh cao kaing naing ting cub krunaing simiang Hadadeza khankix hu ka plak sivoie kix heue. ¹⁷ Yam krai kix grawng an ka Davit, nawh deeh kraixkhawm ceu pui Isarelix khankix mai nawh tiang ka toi rawm klawng Yawdan mai hoek ka kix mai kix puing naing ka kix heue. Mawh kheu nan yam puing Davit ka pui Surix khankix, kix deeh puing naing tau mai nawh heue. ¹⁸ Khaix an, pui Surix khankix hoik to sivoie ceu pui Isarelix mai Davit pah cub pui naing linglawx brung khankix yum aliah rheng kaux mai khawm krunaing caong ceu pui Surix khankix yum pon mheen kaux mai nawh pah Shophat cao kaing krunaing kix heue. ¹⁹ Yam yaox siliex Hadadeza khankix ka som tix ka ceu pui Isarelix khankix, kix yuh pa nhim tan mai Davit mai kix hoik lih mawh siliex nawh heue. Mawh kheu pui Surix khankix ang lai koe rhawm sang teem ka pui Amon khaix an pie tix bawgkawx heue.

20 *Pa Pex Ka Veng Rabax* (2Sam. 12:26-31)
 Yam hoik naog tix num, bawgyam rung praix ka daux num an, yam hoek bawgyam lih hu cub simiang khankix tix puing naing, Yuabax thong cub krunaing khankix yieh ti tik haktiex Amon khankix mai kix hoek ti lailawm ka veng Rabax heue. Yam an Davit ot ka daux veng Yerusaliem heue. Yuabax hoik pex ka veng Rabax mai yuh veng an lauxleeng heue. ² Khaix an, Davit peeik ti teei mhok khri khaing kaing simiang veng an mai ciang tix yaox krax cien khri nongnong koe tix talantan mai shiang pa laohlie kix kawx koe ka daux an mai ceep mhok khri an piang kaing Davit heue. Nawh baox teei kraung pa pon tudrhim pa haohhun khankix lih khaing daux veng heue. ³ Nawh teei pui pa ot ka daux veng khankix hu yuh kaing leu khaox, kaing rhiem mai kaing shiao moe khankix heue. Mawh kheu nan, Davit hoik kieh pui veng Amon khankix yuh ceu an heue. Khaix an, Davit mai pui khankix khawmuik, deeh ing ka veng Yerusaliem heue.

Ceu Pui Philitix Lauxleeng (2Sam. 21:18-22)

⁴ Khaix an mai naing hoik lih ti koe ka daux veng Geza tau mai pui Philitix khankix, ka daux bawgyam an, Sibekhie ceu pui Hushitix pah ka Sipie pa mawh cub kawn simex pui Rephemtixkaux maipui Philitix hoiksom heue. ⁵ Naing baox lih ti koe mai pui Philitix khankix mai Elahanan kawn simex Yairax hoik pah Lahamix pa mawh pux Gawliax ceu pui Gittix mai krong pliah pa giex nawh hoik ting awm blax taing heue. ⁶ Khaix an, naing baox deeh koe ka daux veng Gatax, ka deeh hoik koe pui pa kied ting lhaong tix kaux, pa koe giien taix giien caong khankix tixnga pon giien, ka taix nawh tix khawn koe liah giien mai caong nawh tix khawn koe liah giien heue. Nawh mawh pui pa keh khaing ceu pui Rephem heue. ⁷ Mawh kheu nan, yam kawn jhaxlawg nawh ka ceu pui Isarelax khankix, Yawnatan pa mawh kawn simex Shima puxke Davit hoik pah nawh yum heue. ⁸ Inkix hoik mawh pa keh khaing ceu pui Rephem pui pa ting khankix ka daux

veng Gatax mai kix hoik yum ka daux tawm taix Davit mai ka daux tawm taix siliex nawh khankixheue.

Carang Pui Isarelax Mai Yudax

(2Sam. 24:1-25)

21 Yam an, satan hoik yaog ti kaoh sonsang kieh ceu pui Isarelax khankix lauxleeng mai hoik sorhawm Davit kieh nawh simin ka ceu pui Isarelax heue. ² Mawh kheu nan, Davit ah nin ka Yuabax mai ka cao kaing pui khankix, "Hu heue, simin ti yaox ceu pui Isarelax khankix, jah ka veng Bereshabax tom hoek ka veng Dan mai viex carang kix hoek ka aux sonsang tawng aux ka ankix heue." ³ Viang mawh nan, Yuabax pawk lox ah nin, "Kieh Siyiex yuh pui Nawh Cao nie haohhun khaing pa koe kix tixyieh son heue. Mawh kheu nan, simiang aux eue, ang kix khawmuik mawh siliex simiang aux lie? Simiang aux sang deeh mhaing ka ceu in khankix jao grawng pa yuh ka mawx lie? Kheu lai sang kieh mawh grawng ceu pa koe phimap ka daux ceu pui Isarelax lie?" ⁴ Viang mawh kawx nan, lox simiang hoik pex ka Yuabax heue. Mawh kheu nan, Yuabax lih khaing tan mai hu ka daux sinax ceu pui Isarelax khawmuik mai deeh hoek ka veng Yerusaliem heue. ⁵ Khaix an, Yuabax deeh tawx carang pui khankix ka Davit heue. Ceu pui Isarelax pa giex vaid khankix koe tix lan tix sien kaux mai ceu pui Yudax pa giex vaid khankix koe pon sien aliah mheen kaux heue. ⁶ Viang mawh nan, nawh ang nyang simin ka ceu pui Lewix mai ceu pui Benyamin pa koe ka sinax kix, mawh kheu jao seeing Yuabax ka lox simiang heue. ⁷ Siyiex ang lai khawrhawm ka ceu in, mawh kheu nan, Nawh Cao hoik tawx krax khamgeu ka ceu pui Isarelax khankix heue. ⁸ Mawh kheu nan, Davit deeh ah nin ka Siyiex, "Aux hoik kied ting lud kheu jao grawng yuh aux ceu in heue. Viang mawh nan, yam in aux rawgbuan, teei ti tik phimap siliex Maix Cao liak, grawh grawng nawh, aux hoik kied yuh ceu pa vao pa caox heue." ⁹ Siyiex sikah ka Gat, pa mawh pui grux yaox Davit ah nin, "Hu krai ka Davit ah nin", Siyiex ah nin, ¹⁰ "Aux tak tawx ceu in loe ceu ka maix mai laugti teei an tix ceuceu ka son tokaux maix,

Aux tak sang yuh ceu an ka maix heue.”¹¹ Mawh kheu nan, Gat hoek ka Davit mai ah nin ka nawh, “Siyiex ah nin, laug ti teei an ka son tokaux maix,¹² pa sang mawh sibhawm praix loe num mai pa sang pex pui koeng maix khankix ka maix loekhix tau mai lawm vaid pa hoik hoek ti pheet khaix maix, phan ang mawh nan, jhawm saux preng pa sang viex kawncau Siyiex tau mai vaid lawm Siyiex sonsang yuh haktiex ceu pui Isarelah khankix lauxleeing heue. Yam in keud ti yaox ka lox ceu pa sang deeh kraik aux ka cao pa ploi aux hoek heue.”¹³ Davit ah nin ka Gat, “Aux kied koe pa lauxrhawm! Yuh buanson kieh aux glup ka daux tawm taix Siyiex heue. Pa cauxrhawm Nawh Cao mawh pa kied ting lhaong, viang mawh nan, paw doh kieh aux glup ka daux tawm taix kawncau pui liak?”¹⁴ Mawh kheu nan, Siyiex ploi jhawm saux preng lih hoek piang ceu pui Isarelah khankix mai pui Isarelah hoik goh ti yum aliah mheen kaux heue.¹⁵ Siyiex ploi kawncau tix hu ka veng Yerusaliem sonsang yuh veng an lauxleeing heue. Yam tak sang yuh kawncau Siyiex veng an lauxleeing, Siyiex jhak ti yaox mai koe krax pa voirhawm mai Nawh Cao ah nin ka kawncau pa yuh lauxleeing an, “Ding heue, paw lai yuh krax pa lauxleeing an, yoi taix maix heue.” Kawncau Siyiex cung hawt biang glah nghox Aronax ceu pui Yebusix heue.¹⁶ Khaix an, Davit maong ti jhak mai yaox cung kawncau Siyiex ot daux sinax haktiex mai raoma mai nawh nyeu vaid lawm pa koe daux taix ti piang veng Yerusaliem heue. Mawh kheu nan, Davit mai kuad song khankix ceep ka chee rhix mai gup ngai tix piang tiex heue.¹⁷ Davit ah nin ka Siyiex, “Ang hoik mawh aux pa tawx lox ka pui khankix mai kieh kix simin ka pui haktiex ang mawh lie? Aux hoik mawh pui yuh phimap mai hoik yuh ceu pa caoxcaig tete, viang mawh nan, mawh hoik yuh kawncau yung in khankix patix lie? Simiang Siyiex Siyiex aux eue, aux rawgbuan mai kieh taix Maix Cao ot piang aux mai piang doeh nyiexma keeing aux khankix, viang mawh nan, paw kieh jhawm saux preng krax khamgeu in

khankix hoek piang ceu pui Maix Cao liak!”¹⁸ Khaix an, kawncau Siyiex hoik tawm lox ka Gat mai kieh ah nin ka Davit, kieh Davit haok sum khu dee tan tix lhang son Siyiex piang biang glah nghox Aronax ceu pui Yebusix heue.¹⁹ Mawh kheu nan, Davit hoik lih hu awm lox pa hoik tawm Gat, ka pa hoik kraik nawh ka daux min ceukaux Siyiex heue.²⁰ Yam kawncau pah Aronax ka nghox, nawh gi tix jhak mai yaox kawncau Siyiex mai kawncau simex nawh pon kaux pa ot mai nawh khankix hoik mox tix heue.²¹ Khaix an, Davit hoek ka Aronax mai Aronax jhak mai yaox ka Davit heue. Nawh lih hu khaing glah pah nghox ca mai gup kaing tix piang tiex plak sivoe ngai Davit heue.²² Khaix an, Davit ah nin ka Aronax, “Tawx dahdee glah pah nghox in ka aux, sonsang sum aux khu dee tan tix lhang piang an son Siyiex heue. Maix coh ka aux awm ngawh jum pa simie maix ti pon, mawh sonsang ang jhawm saux preng hoek piang pui khankix heue.”²³ Aronax ah nin ka Davit, “Teei an ka son maix mai kieh simiang aux yuh an khankix awm pa khawcaw ka daux ngai nawh heue. Jhak heue, aux tak baow tawx mawie son krax tan pa gleeing mai tawx kraung shiao biang glah pah nghox mawh son khix mai nghox ca son krax tan phawng nghox ca, aux tawx ceu an khawmuik heue.”²⁴ Viang mawh nan, simiang Davit ah nin ka Aronax, “Ang mawh, aux tak liag awm ngawh jum nawh tom naog, grawh grawng nawh, aux tak ang teei kraung khrai cie maix son Siyiex mai ang tan krax tan pa gleeing pa ang koe ngawh koe jum khankix ka son tix heue.”²⁵ Mawh kheu nan, Davit ciang ti tawx khri liah yieh shekhe ka Aronax ka son dee an heue.²⁶ Davit sum khu dee tan tix lhang ka son Siyiex tan mai nawh tan krax tan pa gleeing mai krax tan pa nhim khankix mai nawh kok ka Siyiex, Nawh Cao pawk lox ka nawh tan mai ngu khaing raoma cud piang khu dee tan pa gleeing heue.²⁷ Khaix an, Simiang Siyiex tawx lox ka kawncau Tix mai nawh deeh teei vaid sau daux phak vaid heue.²⁸ Ka daux bawgyam an yam yaox Davit ka pawk Siyiex lox tix, ka dee biang glah pah nghox Aronax ceu pui Yebusix, nawh yuh krax tan pa

appong tan heue. ²⁹ Mawh kheu nyiex gox buan manSiyiex mai khu dee tan krax tan pa gleeing pa yuh Mose ti deuh ka daux tiag kawm koe piang dee pa lhaong ka veng Gibeon daux bawgyam an heue. ³⁰ Viang mawh nan, Davit ang pon hu ka plak sivoe an sonsang chawkcheng ka Siyiex, kheu jao lhatgraung nawh ka vaid lawm kawncau Siyiex heue.

22 Davit Khre Ti Sum Nyiex Buan
 Khaix an, Davit ah nin, “In tak mawh nyiex Siyiex mai in tak mawh khu dee tan krax tan pa gleeing son pui Isarelaux heue.” ² Mawh kheu nan, Davit tawx lox sonsang kraixkhrawm ka pui tang ceu pa ot ka daux haktiex pui Isarelaux khankix mai nawh cau cao sang simaox khankix sum ka nyiex buan Siyiex heue. ³ Davit khre ti deuh rhiem sonsang yuh jim rhiem pa sang tawx ka siviex vawng mai siviex ting angah, tawng lheung tomnie tom ang lai dak uik ciang angah mai ⁴khaox Arit khankix tomnie heue. Pui veng Sidon mai pui veng Tairax khankix viex khaox Arit hoek ka Davit tomnie heue. ⁵ Yam in Davit ah nin, “Kawn simex aux Sawlamon kawn awn ju mai ang nyang koe krax lhak haing mai nyiex pasang sum ka son Siyiex mawh pa kied ting lhaong mai pa kied ao min piang haktiex an khawmuik heue. Aux tak khrierien ka son an yam in heue.” Mawh kheu nan Davit hoik khrierien kraung khankix tomnie sivoe sang yum nawh heue. ⁶ Khaix an, nawh kok kawn simex tix Sawlamon mai ap beeh glawm ka nawh sonsang sum nyiex ka son Simiang Siyiex Siyiex pui Isarelaux heue. ⁷ Davit ah nin ka Sawlamon, “Kawn simex eue, aux hoik koe rhawm mai keud ti sang sum nyiex tix lhang son min ceukaux Siyiex aux. ⁸ Viang mawh nan, gumlox Siyiex hoek ka aux ah nin, maix hoik yuh naing ting mai hoik kieh nham pui jah tomnie, maix tak ang pon ti sum nyiex son min ceukaux Aux, grawh grawng nawh kheu hoik kieh maix nham lih tomnie piang haktiex ka plak sivoe ngai Aux heue. ⁹ Jhak heue, kawn simex tix kaux tak keh ka son maix mai nawh tak mawh pui chix ot yiienyawg mai Aux tak kieh pui koeng paot hawt vungviangnawh khankix

khawmuik ot yiienyawg tix heue. Ceukaux nawh tak mawh Sawlamon, dee bleeh mawh pa nhim, mawh kheu Aux tak tawx krax pa nhim mai pa yiienyawg ka ceu pui Isarelaux khankix ka daux bauxju nawh heue. ¹⁰ Nawh tak sum nyiex son min ceukaux Aux mai nawh tak mawh kawn simex Aux mai Aux tak mawh keeing nawh mai Aux tak pang ti deuh dangngeung meung haktiex nawh piang ceu pui Isarelaux khankix leeingju heue. ¹¹ Mawh kheu nan, kawn simex eue, kieh Siyiex ot tau mai maix mai kieh maix haokhuan ting lhaong mai sum nyiex Siyiex maix, awm pa hoik krai Nawh Cao ka maix heue. ¹² Kieh Siyiex tawx pingnya cuyi mai krax tawng yung ka maix mai tawx beeh glawm kuang maix ka ceu pui Isarelaux khankix mai sonsang pon priex maix ti hawt ka gumlox tat jhawm prawng Siyiex tix heue. ¹³ Khaix an maix tak haokhuan ting lhaong, phan maix priex ti hawt ka lox tat jhawm prawng pa hoik tawm Siyiex ti deuh ka Mose son grawng ceu pui Isarelaux khankix heue. Teei riang tix mai kieh koe rhawm kua rhawm vao pa mhawm, paw koe krax lhatgraung mai paw koe krax lauxrhawm heue. ¹⁴ Aux hoik yaox krax khamgeu ka krax kharhawm tete, sonsang khrierien aux ti deuh khri tix sien talantan mai mau tix lan talantan mai khawm tawng lheung mai rhiem khankix pa ang lai dak uik ciang son nyiex buan Siyiex, kheu kied nie, aux hoik baox khre ti deuh khaox mai simaox mai maix tak baox yuh ka an khankix heue. ¹⁵ “Lheu khaingan puiyuh kaingtak ottaumai maix tomnie, pa mawh cao saik simaox mai cao sang simaox mai cao chix kaing khaox khankix mai khawm pui pa min ka kaing kuceu khawmuik heue. ¹⁶ Pa mawh pa yuh kaing khri kaing mau, kaing tawng mai kaing rhiem khankix pa ang lai dak uik simin heue. Yaog tix kaoh mai jah ti yuh kaing, kieh Siyiex ot tau mai maix heue.” ¹⁷ Davit baox tawm lox ka cao kaing ceu pui Isarelaux sonsang teem ka kawn simex nawh Sawlamon mai ah nin, ¹⁸ “Ang hoik mawh Siyiex pa ot tau mai pex lie? Ang hoik mawh Nawh Cao pa tawx krax yiienyawg ka pex ku daogdawn lie? Grawh grawng nawh, Nawh Cao hoik ap ti tawx pui pa ot ka daux haktiex an khankix

ka dauw tawm taix aux mai haktiex an hoik mawh pa yaog tix ka plak sivoe Siyiex mai ka plak sivoe pui Nawh Cao khankix heue. ¹⁹Yam in sorhawm maix mai khuan maix sonsang sawg ka Siyiex pex heue. Mawh kheu nan, yaog ti kaoh mai sum dee pa singax singeh cie Siyiex, sonsang viex maix teug buan sijax mukheu Siyiex hoek mai khawm kraung khrai pa singax singeh cie Siyiex khankix laig ka dauw nyiex pa sang sum son min ceukaux Siyiex heue.”

23 *Tangtiah Ka Pui Lewix*

Yam hoik kuad Davit mai yam hoik naog bawgyam singaix nawh khankix, nawh yaog kawn simex tix Sawlamon mawh simiang piang ceu pui Isarelix heue. ² Nawh kraixkhrawm cao kaing ceu pui Isarelix mai cao giex kaing li khankix tau mai ceu pui Lewix heue. ³Yam an, kix simin ka pui Lewix khankix, jah ka pui koe ju tixngoe num haok plak piang pa mawh kawn simex khawmuik, koe loe mheen daix rheng kaux heue. ⁴“Khaing dauw pui ra mheen pon rheng kaux,” Davit ah nin, “Kieh mawh cao kaing kiangiien ka kaing nyiex buan Siyiex mai an liah rheng kaux mawh cao kaing ting mai cao prawngsee khankix, ⁵ an pon rheng kaux mawh cao pa pau siviex mai an pon rheng kaux mawh cao pa yaogyaw buanson Siyiex tau mai kraung tah ting pa hoik yuh aux ti deuh sonsang yaogyaw buanson Siyiex heue.” ⁶ Davit tang goih ka kix cub mawx cub an khaing dauw sinax kawn simex pui Lewix khankix pa mawh cub Gerashon, Kawhat mai Merarix khankix heue. ⁷ Khaing dauw kawn simex Gerashon mawh Ladan mai Shimix heue. ⁸ Kawn simex Ladan khankix Yehilax mawh kawn Ai nawh, Zetam mawh kawn Nyi mai Yawlax mawh kawn Sam, kix koe loe kaux heue. ⁹ Kawn simex Shimix mawh Shelomix, Hazalax mai Haran loe kaux heue. In mawh cao kaing doeh nyiexma keeing kix Ladan heue. ¹⁰ Kawn simex Shimix khankix mawh Yahat, Zina, Yushax mai Beriyax heue. Inkix pon kaux mawh kawn simex Shimix heue. ¹¹Yahat mawh kawn Ai mai Zizax mawh kawn Nyi nawh heue. Viang mawh nan, Yushax mai Beriyax angkoekawn **23:1** Lih 28:1, 1Sim 1:1-40.

simex tommie, mawh kheu nan, kix hoik kleuk tix awm doeh nyiexma keeing tix kaux ngie heue. ¹² Kawn simex Kawhat khankix mawh Amaram, Izaha, Hebron mai Zilax khawmuik koe pon kaux heue. ¹³ Kawn simex Amaram khankiex mawh Arun mai Mose heue. Arun mai cub doeh kawn praix nawh khankix, hoik tang goih ti deuh kix sonsang yuh nawh pa singax singeh khankix mawh pa kied singax singeh mai sonsang gleeing nyawng bhawng ka plak sivoe Siyiex mai sonsang mawh pa yuh kaing jhaw son Nawh Cao mai sonsang nawb buan ka dauw min ceukaux Nawh Cao leeingju heue. ¹⁴ Yam in cub kawn simex pui Siyiex pa mawh Mose khankix hoik mhai ti deuh ka dauw doehru pui Lewix heue. ¹⁵ Kawn simex Mose khankiex mawh Gerashon mai Eliaza heue. ¹⁶ Khaing dauw cub kawn simex Gerashon, Sheboelax mawh kawn Ai nawh, ¹⁷ khaing dauw doehru Eliaza khankix Rehabix mawh kawn Ai nawh heue. Eliaza ang lai koe kawn simex tang kaux khaing an heue. Viang mawh nan, kawn simex Rehabi koe tommie heue. ¹⁸ Khaing dauw cub kawn simex Izaha, Shelomit mawh kawn Ai nawh heue. ¹⁹ Khaing dauw kawn simex Hebron khankix Yeri mawh kawn Ai nawh mai Amarix mawh kawn Nyi, Yahaze mawh kawn Sam mai Yekaman mawh kawn Sai nawh heue. ²⁰ Khaing dauw kawn simex Uzilax khankix Mikha mawh kawn Ai mai Yeshi mawh kawn Nyi nawh heue. ²¹ Kawn simex Merarix khankix mawh Malalix mai Mushix heue. Kawn simex Malalix mawh Eliaza mai Kishax heue. ²² Eliaza tak ang koe kawn simex tix kaux kawx tom yum tix, koe ngie kawn sibun khaing heue. Puxaik kix pa mawh cub kawn simex Kishax hoik teei ti moeng kawn sibun nawh heue. ²³ Kawn simex Mushix mawh Mahalix, Eda mai Yerimot loe kaux heue. ²⁴ Inkix mawh kawn praix ceucad Lewix pa kaoh khaing dauw doeh nyiexma keeing kixawm pa hoik koe carang kaux mawx kaux an pa sang yaox ti yuh kaing jhaw son nyiex buan Siyiex jah pa koe ju tixnga num haok plak piang heue. ²⁵ Davit ah nin, “Siyiex ceu pui Isarelix hoik tawx krax pa yiienyawg ka pui Nawh khankix mai kix tak ot ka dauw veng

Yerusaliem leeingju.”²⁶ Nawh baox ah nin ka ceucad Lewix khankix, “Kix tak ang lai yaox ka nyiex gox buan man mai kraung khrai nyiex gox buan man khaix in tix bawg kawx heue.”²⁷ Awm gumlox pa ghoit Davit ti kraik, ceucad Lewix khankix yaox ti teei carang, jah ka pa koe ju tixnga num haok plak piang heue.²⁸ Grawh grawng nawh, beeh glawm kix mawh sonsang teem ka cub kawn simex Arun ka daux kaing jhaw mai ka daux rawbrim biang nyiex buan mai ka daux lawg khankix mai kieh kraung pa singax singeh khawmuik mawh pa singax mai khawm ka daux kaing jhaw nyiex buan Siyiex,²⁹ tau mai blah pa khan ka plak sivoe Nawh Cao mai phawng nghoxca ceu pa mhawm son krax tan ceu pa ih tau mai khlawp blah pa ang sau susaix khankix mai canceu pa hoik tong sin ka plah rhiem mai canceu pa kluklao tix tau mai bee mai canceu pa hoik tiag tong ti deuh diag nawh kuceu khawmuik³⁰ mai kix cung ti yaogyaw mai ting buanson ka Siyiex ponngawb mai plak ponbo ku jheeng³¹ mai kix yaox ti gleeing krax tan pa gleeing plak sivoe ngai Siyiex jheengjheeng ka daux singaix tuah mai ka daux singaix haok khix khraox mai ka daux singaix pawie khankix awm ka pa hoik tat kix ti deuh pa koe daux lox been pinngyap pa hoik yuh kix jheengjheeng ka plak sivoe Siyiex.³² Kix teei beeh glawm ka canceu pa lo ka daux nyiex gox buan man bang kum mai son pa lo ka dahdee pa singax singeh mai teem ka puxaik pa mawh kawn simex Arun khankix ka son kaing jhaw ka daux nyiex buan Siyiex khawmuik heue.

24 *Tangtiah Ka Cao Giex Kaing Li*

In khankix mawh krax pa tangtiah cub kawn simex Arun tix koe heue. Kawn simex Arun mawh Nadat, Abihux, Eliaza mai Itama heue.² Nadat mai Abihux yum phaoka keeing tix mai ang tien koe kawn praix mawh kheu nan, Eliaza yuh kaing jhaw cao giex kaing li heue.³ Khaix an, Davit kieh Zadok pa kaoh khaing cub kawn simex Eliaza mai Ahimaliet pa kaoh khaing cub kawn simex Itama tangtiah ti deuh kaing jhaw awm pa 23:26 Pi 10:8. 23:28-32 Si 3:5-9. 24:4 Krub 10:1-2.

khawcaw ka son kix heue.⁴ Kix nielheu yaox cao kaing ka daux cub kawn simex Eliaza khaing daux cub kawn simex Itama heue. Mawh kheu nan, kix tom goih yuh nin, khaing daux cub kawn simex Eliaza khankix cao kaing doeh nyiexma keeing kix koe kao liah kaux mai khaing daux cub kawn simex Itama cao kaing doeh nyiexma keeing kix koe daix kaux heue.⁵ Mawh kheu nan, kix yuh niep mai goih kaing ka kix tix cub hoik tix cub ka cao kaing dahdee pa singax singeh mai cao kaing daux nyiex buan Siyiex, hoik laug tix khaing kawn simex Eliaza mai khaing kawn simex Itama heue.⁶ Cao tiem lai Shemayax kawn simex Netanelax, ceucad Lewix hoik mhai ti deuh ceu an khankix ka plak sivoe simiang mai ka plak sivoe cao thong bung khankix mai ka plak sivoe Abiatha, plak sivoe cao kaing doeh nyiexma keeing cub cao giex kaing li mai ka plak sivoe ceucad Lewix mai kix lailoh ti yuh niep khaing daux doeh nyiexma keeing kix Eliaza mai khaing nyiexma Itama heue.⁷ Krax yuh niep bawg tix caw ka Yehoyarip mai bawg ra caw ka Yedayax,⁸ bawg loe caw ka Harim mai bawg pon caw ka Sawrim,⁹ bawg phuan caw ka Malakhiyax mai bawg liah caw ka Miyamin,¹⁰ bawg aliah caw ka Hakkok mai bawg daix caw ka Abiyax,¹¹ bawg dim caw ka Yeshua mai bawg kao caw ka Shakanix,¹² bawg kaotix caw ka Eliaship mai bawg kao ra caw ka Yakim,¹³ bawg kao loe caw ka Hupa mai bawg kao pon caw ka Yeshabat,¹⁴ bawg kao phuan caw ka Bilaga mai bawg kao liah caw ka Imarax,¹⁵ bawg kao aliah caw ka Hezirax mai bawg kao daix caw ka Hapiziet,¹⁶ bawg kao dim caw ka Petahim mai bawg tixnga caw ka Yehezkelax,¹⁷ bawg tixnga tix caw ka Yakhin mai bawg tixnga ra caw ka Gamulax,¹⁸ bawg tixnga loe caw ka Delayax mai bawg tixnga pon caw ka Maziyaax heue.¹⁹ Inkix hoik mawh pui laug kix sonsang laig yuh kix kaing jhaw ka daux nyiex buan Siyiex awm pa hoik koe been pa deuh khaing tawm taix keeing kix Arun pa hoik tawm Siyiex ceu pui Isarelaax ka nawh heue.

Pui Lewix Tang Ceu

²⁰ Yam in kawn simex ceu pui Lewix pa kawn deuk khankix mawh awm in heue. Kawn simex Amaram, mawh Shubalax mai kawn simex Shubalax mawh Yedeyax heue. ²¹ In mawh cub pa dexdawd mai Rehabix, kawn simex Rehabix mawh Isaya pa mawh cao kaing heue. ²² Kawn simex Izaha mawh Shelomot mai kawn simex Shelomot mawh Yahat. ²³ Kawn Ai Hebron mawh Yerix, kawn Nyi mawh Amarix, kawn Sam mawh Yahazilax, kawn Sai mawh Yekaman heue. ²⁴ Kawn simex Uzilax mawh Mikha mai kawn simex Mikha mawh Shamirax, ²⁵ pux Mikha mawh Isaya mai kawn simex Isaya tom mawh Zakhirix. ²⁶ Kawn simex Merarix khankix mawh Mahalix mai Mushix, kawn simex Yaziyax mawh Benaw heue. ²⁷ Kawn simex Merarix mawh Yaziyax, kawn simex Yaziyax mawh Benaw, Shawham, Zakurax mai Ibarix khankix heue. ²⁸ Kawn simex Mahalix mawh Eliaza mai Eliaza ang lai koe kawn simex heue. ²⁹ Kawn simex Kishax mawh Yeramelax, ³⁰ Kawn simex Mushix mawh Mahalix, Eda mai Yerimot heue. Inkix mawh cub kawn simex ceucad Lewix awm pa hoik koe doeh nyiexma keeing kix heue. ³¹ Inkix mawh pa yuh kix niep awm pa hoik yuh puxaik kix cub kawn simex Arun khankix ka plak sivoe simiang Davit, Zadok, Ahimieliet mai ka plak sivoe cao kaing doeh nyiexma keeing kix cao giex kaing li mai ceucad Lewix khankix heue. Cao kaing ting ka dauh nyiexma keeing kix khankix yuh ka pui ting awm puxaik pa iak kixheue.

25 *Cub Pa Tah Ting*

Lheu khaing an, Davit mai cao kaing naing ting pui haohhun khankix goih ti tawx kaing son kawn simex Asap mai ka Heman, ka Yedudun khankix pa sang krai lox buan mai rhax lai tau mai ting sideet, ting pawd mai Chiang khankix heue. Pui pa yuh kaing khankix pa koe carang mawh awm in, ² khaing dauh cub kawn simex Asap khankix mawh Zakurax, Yosiep, Netanix mai Asharelax, kawn simex Asap khankix hoik ot greem pa kuang keeing kix Asap mai yuh kaing jhaw Siyiex awm lox pa hoik tawx simiang heue. ³ Khaix dauh cub Yedudun kawn simex nawh khankix

mawh Gedalix, Zerix, Yeshayax, Shimix, Hashabix mai Matithix, kix liah kauh mawh pa ot greem pa kuang keeing kix Yedudun, sonsang rhax lai tau mai ting sideet ka dauh pa yaogyaw mai ting buanson ka Siyiex heue. ⁴ Khaing dauh cub Heman, kawn simex nawh khankix mawh Bukkix, Matania, Uzilax, Sheboelax, Yerimot, Hananix, Hanan, Eliata, Gidatix, Romantiza, Oshabekashax, Malothi, Hotirax mai Mahaziot khankix heue. ⁵ Inkix khawmuik mawh cub kawn simex Heman pa mawh pui grux yaox ka plak gumlox Siyiex son simiang, Siyiex tawx kawn simex khankix ka Heman kao pon kauh mai kawn sibun khankix loe kauh mai kix mawh cao phlu teettawng heue. ⁶ Inkix khawmuik hoik mawh pa ot greem pa kuang keeing kix sonsang tah ting rhax lai, ka dauh nyiex buan Siyiex tau mai Chiang, ting pawd mai ting sideet son kaing jhaw dauh nyiex buan Siyiex. Asap, Yedudun mai Heman hoik mawh pa ot greem sibrawm simiang heue. ⁷ Mawh kheu nan, carang kix mai puxaik kix pa hoik thong hoik gau pui ka loxrhax Siyiex mai can pui pa min ka ceu an khawmuik koe ra yieh tixdaix daix kauh heue. ⁸ Kix hoik yuh niep ka son beeh glawm pa sang caw kix ti yuh, jah khaing pui pa iak pa ting khankix mai sara cao gau khawm nyawm cawng khankix heue. ⁹ Yam in kraxyuh niepbawgtix ka cub Asap caw ka Yosiep, bawg ra caw ka Gedalix tau mai puxaik nawh mai kawn simex nawh khankix kao ra kauh heue. ¹⁰ Bawg loe caw ka Zakurax tau mai kawn simex nawh mai puxaik nawh khankix kao ra kauh heue. ¹¹ Bawg pon caw ka Yizarix tau mai kawn simex nawh mai puxaik nawh khankix kao ra kauh heue. ¹² Bawg phuan caw ka Netaniyax tau mai kawn simex nawh mai puxaik nawh khankix kao ra kauh heue. ¹³ Bawg liah caw ka Bukkix tau mai kawn simex nawh mai puxaik nawh khankix kao ra kauh heue. ¹⁴ Bawg aliah caw ka Yesharelax tau mai kawn simex nawh mai puxaik nawh khankix kao ra kauh heue. ¹⁵ Bawg daix caw ka Yeshayax tau mai kawn simex nawh mai puxaik nawh khankix kao ra kauh heue. ¹⁶ Bawg dim caw ka Matania tau mai kawn simex nawh mai puxaik nawh

khankix kao ra kaux heue. ¹⁷Bawg kao caw ka Shimix tau mai kawn simex nawh mai puxaik nawh khankix kao ra kaux heue. ¹⁸Bawg kao tix caw ka Azarela tau mai kawn simex nawh mai puxaik nawh khankix kao ra kaux heue. ¹⁹Bawg kao ra caw ka Hashabix tau mai kawn simex nawh mai puxaik nawh khankix kao ra kaux heue. ²⁰Bawg kao loe caw ka Shubalax tau mai kawn simex nawh mai puxaik nawh khankix kao ra kaux heue. ²¹Bawg kao pon caw ka Matathix tau mai kawn simex nawh mai puxaik nawh khankix kao ra kaux heue. ²²Bawg kao phuan caw ka Yeremot tau mai kawn simex nawh mai puxaik nawh khankix kao ra kaux heue. ²³Bawg kao liah caw ka Hananix tau mai kawn simex nawh mai puxaik nawh khankix kao ra kaux heue. ²⁴Bawg kao aliah caw ka Yoshakashax tau mai kawn simex nawh mai puxaik nawh khankix kao ra kaux heue. ²⁵Bawg kao daix caw ka Hananix tau mai kawn simex nawh mai puxaik nawh khankix kao ra kaux heue. ²⁶Bawg kao dim caw ka Malothi tau mai kawn simex nawh mai puxaik nawh khankix kao ra kaux heue. ²⁷Bawg tixnga caw ka Eliata tau mai kawn simex nawh mai puxaik nawh khankix kao ra kaux heue. ²⁸Bawg tixnga tix caw ka Hotirax tau mai kawn simex nawh mai puxaik nawh khankix kao ra kaux heue. ²⁹Bawgtixngara caw ka Gidalatix tau mai kawn simex nawh mai puxaik nawh khankix kao ra kaux heue. ³⁰Bawg tixnga loe caw ka Mahaziot tau mai kawn simex nawh mai puxaik nawh khankix kao ra kaux heue. ³¹Bawg tixnga pon caw ka Romantiza tau mai kawn simex nawh mai puxaik nawh khankix kao ra kaux heue.

26 Cao Pau Siviex Khankix

Grawng goih kix cao pa pau siviex khankix khaing pui Korax, mawh Meshelemix kawn simex Kawrax pa kaoh khaing doehru kawn simex Asap heue. ² Kawn simex Meshelemix khankix kawn Ai mawh Zaxharix, kawn Nyi mawh Yedelax, kawn Sam mawh Zebadix, kawn Sai mawh Yatanilax, ³ kawn Ngox mawh Elam, kawn Log mawh Yehohanan mai kawn Ciet

mawh Elayehonie heue. ⁴ Lheu khaing an kawn simex Obetdedom khankix kawn Ai mawh Shemayax, kawn Nyi mawh Yehozabat, kawn Sam mawh Yoax, kawn Sai mawh Sakha mai kawn Ngox mawh Netanelax, ⁵ kawn Log mawh Amilax mai kawn Ciet mawh Isakha mai kawn Cip mawh Pulatie, mawh kheu Siviex nawb buan ka Obetdedom heue. ⁶ Kawn Ai mawh Shemayax baoux koe kawn simex mai kix hoik mawh cao pa kuang ka doeh nyiex keeing kix, grawh grawng nawh, kix hoik mawh cub pui pa kied ting riang rao mai pa koe rhawm kua heue. ⁷ Kawn simex Shemayax khankix mawh Otanix, Rephalax, Obet, Elazabat mai pux kix Elihux mai Semakhix khankiex mawh pui pa koe riang rao heue. ⁸ In khawmuik mawh cub kawn simex Obetdedom mai cub kawn simex kix mai puxaik kix khawmuik mai kix mawh pakied ting riang son kaing jhaw mai kix khawmuik pa mawh kawn simex Obetdedom koe tiglah ra kaux heue. ⁹ Meshelemix koe kawn simex khankix mai puxaik kao daix kaux pa mawh pui pa kied ting riang rao heue. ¹⁰ Hosa khaing doehru Merarix baoux koe kawn simex Shimarix, viang Shimarix ang mawh kawn liang kawx keeing nawh hoik yaog nawh mawh kawn Ai heue. ¹¹ Kawn Nyi mawh mawh Hilakix, kawn Sam mawh mawh Tebalix mai kawn Sai mawh mawh Zaxharix, kawn simex mai puxaik Hosa khankix koe kao loe kaux heue. ¹² Cub cao pau siviex in khankix mawh cao kaing ting khaing sinax puxaik kix mai lailoh ti teei beeh glawm sonsang yuh kaing ka daux nyiex buan Siviex aww yuh puxaik kix heue. ¹³ Kix khawm pui iak pui ting kukaux yuh niep sonsang pau ka siviex ku mu aww pa koe doeh nyiexma keeing kix heue. ¹⁴ Siviex plak toh caw ka Shelemix heue. Khaix an, kix baoux yuh niep son kawn simex nawh Zaxharix pa mawh pui pa koe pingnya cuyi tix kaux mai caw ka siviex plak blaong heue. ¹⁵ Son Obetdedom caw ka siviex plak jee mai kawn simex nawh khankix hoik caw cao pau Asupim, Asupim mawh nyiex priex kraung heue. ¹⁶ Son Shupim mai Hosa niep hoik caw ka siviex plak klip tau mai siviex Shalekhiet hawt krax ting mai kix yaoux ti pau khawm ra

plak heue. ¹⁷ Ka plak toh mawh pui Lewix khankix liah kaux pa pau ku ngaix, plak blaong pon kaux, plak jee pon kaux, plak Asupim nyiex priex kraung ra kaux mai plak praix guang nyiex ra kaux ku ngaix heue. ¹⁸ Son krax laig plak klip, cao pau koe pon kaux mai plak praix nyiex buan, cao pau koe ra kaux hawt diang laig pui heue. ¹⁹ Inkix mawh pa hoik goih kix ti tawx beeh glawm cao pau siviex veng khankix khaing daux sinax cub kawn simex Korax mai khaing ka daux sinax cub kawn simex Merarix khankix heue.

Beeh Glawm Sinngao Tang Ceu

²⁰ Khaing ka daux ceucad Lewix khankix Ahiyax mawh cao pa kuang piang sinngao nyiex buan Siyiex mai khawm piang sinngao ceu pa hoik appong tix khankix heue. ²¹ Khaing doehru Gerashon kawn simex Ladan pa mawh Yehelix mawh cao kaing nyiex keeing kix heue. ²² Kawn simex Yehelix pa mawh Zetam mai pux nawh Yawlux khankix mawh cao pa kuang piang sinngao nyiex buan Siyiex khankix heue. ²³ Ka daux cao kaing sinngao khankix pa mawh ceu pui Amram ceu pui Izaha, ceu pui Hebron mai ceu pui Uzilax khankix, ²⁴ Sheboelax kawnsimex Gerashon pa mawh kawn simex Mose mawh cao pa kuang heue. ²⁵ Khaing puxaik nawh Eliaza, kawn simex Rehabix mawh Yeshayax mai kawn simex Yeshayax mawh Yoram mai kawn simex Yoram mawh Zikharix mai kawn simex Zikharix mawh Shelomit heue. ²⁶ Shelomit mai puxaik nawh khankix mawh cao pa kuang piang sinngao can pa appong simiang Davit mai pa appong cao kaing daux doeh nyiex keeing kix mai cao kaing naing piang pui kaing rheng kaing yieh mai cao kaing naing khaing daux cub krungaing khankix heue. ²⁷ Kraung khrai pa pon rhim kix khaing daux naing khankix, kix appong tan sonsang cox ka nyiex buan Siyiex heue. ²⁸ Canceu pa appong pui grux yaox pa mawh Samoelax, Sawlux kawn simex Kishax, Abena kawn simex Nerax mai Yuabax pa mawh kawn simex Zeruya khankix khawm tang ceu pa hoik appong kix khawmuik hoik ot greem pa kuang Shelomit mai puxaik nawh heue.

²⁹ Khaing daux cub ceu pui Isarelix khankix, Khenanix mai kawn simex nawh khankix hoik teei beeh glawm yuh cao kaing lum mai cao prawngsee piang ceu pui Isarelix pa ot plak praix veng Yerusalim khankix heue. ³⁰ Khaing daux ceu pui Hebron khankix Hashabix mai puxaik nawh khankix tixrheng aliah yieh kaux mawh cub pui koe riang rao ti pon yuh mai mawh cao kiangieng piang pui Isarelix khankix pa ot plak toi rawm klawng Yawdan plak klip mai son kaing jhaw Siyiex khawmuik mai son kaing jhaw simiang khawmuik heue. ³¹ Khaing daux ceu pui Hebron, Yeriya mawh cao kaing ceu pui Hebron awm pa hoik koe doehru keeing nawh heue. Ka daux bauxyam kuang Davit ka haktiex tixpon num, kix teei ka carang pui an khankix mai kix yaox pui pa koe riang rao khankix ka daux veng Yaza pa koe ka haktiex Gilat heue. ³² Puxaik nawh khankix koe been ra rheng aliah yieh kaux pa mawh pui pa ting riang rao mai cao kaing doeh nyiexma keeing kix pa hoik yaog simiang Davit kix mawh cao kaing piang ceucad Rubin mai ceu cad Gat mai piang ceucad Manashe tix plak son grawng pa dexdawd mai kaing jhaw Siyiex kuceu mai grawng kaing jhaw simiang heue.

27 *Goih Ti Deuh Cub Pui Naing*

Inkix mawh carang pui Isarelix pa mawh cao kaing doeh nyiexma keeing kix mai cao kaing naing cub pui kaing rheng, kaing yieh mai cao kuang piang kix khankix hoik yuh kaing jhaw son simiang grawng kuceu awm pa hoik goih ti deuh cub pui naing khankix heue. Cubcaw in kix mawh cub krungaing pa laig pa lih tix khix hoik tix khix ka daux leeinglang khix leeinglang num heue. Cub tab pa hoik goih kix koe lien ra mheen pon rheng kaux heue. ² Tab krungaing cub tix son khix tix, mawh Yashoban, kawn simex Zabadalax pa kuang ka tab krungaing lien ra mheen pon rheng kaux heue. ³ Nawh mawh kawn praix ceu pui Periet mai mawh cao kaing ting piang cao kaing naing cub krungaing khankix son daux khix tix heue. ⁴ Tab krungaing son khix ra mawh Dodie ceu pui Hohix pa kuang heue. Daux tab cub krungaing nawh khankix Mikalot mawh cao kuang piang cao kaing

khankix tix kaux heue. Ka daux tab cub krunaing nawh khankix koe lien ra mheen pon rheng kaux heue. ⁵ Cao kaing naing loe kaux tix kaux daux cub krunaing son khix loe, cao kaing ting kix mawh Benayax kawn simex caogiexkaingli Yehoyadax heue. Ka daux tab cub krunaing nawh khankix koe lien ra mheen pon rheng kaux heue. ⁶ Benayax mawh pa kied ting riang khaing daux cub kix tixngoe kaux mai nawh kuang piang kix tixngoe kaux heue. Kawn simex nawh Amizabat kawx mawh cao kaing naing pa kuang ka daux cub krunaing heue. ⁷ Cao kaing naing pon kaux tix kaux son khix pon mawh Asahelax pux Yuabax mai kawn simex nawh Zebadix kawx mawh cao kaing tix kaux heue. Ka daux tab cub krunaing nawh khankix koe lien ra mheen pon rheng kaux heue. ⁸ Cao kaing naing phuan kaux tix kaux son khix phuan mawh Shamahut ceu pui Izarax, ka daux tab cub krunaing nawh khankix koe lien ra mheen pon rheng kaux heue. ⁹ Cao kaing naing liah kaux tix kaux son khix liah mawh Irax kawn simex Ikesha khaing veng Teko heue. Ka daux tab cub krunaing nawh khankix koe lien ra mheen pon rheng kaux heue. ¹⁰ Cao kaing naing aliah kaux tix kaux son khix aliah, mawh Heliet ceu pui Pelonix daux cub kawn praix Epharim, ka daux tab cub krunaing nawh koe lien ra mheen pon rheng kaux heue. ¹¹ Cao kaing naing daix kaux tix kaux son khix daix mawh Sibekhie doehru Hushatix ceu pui Zarax, ka daux tab cub krunaing nawh koe lien ra mheen pon rheng kaux heue. ¹² Cao kaing naing dim kaux tix kaux son khix dim, mawh Abeza doehru Anatotix daux ceu pui Benyamin, ka daux tab cub krunaing nawh khankix koe lien ra mheen pon rheng kaux heue. ¹³ Cao kaing naing kao kaux tix kaux son khix kao mawh Mahalie doehru Natophitix daux ceu pui Zarax, ka daux tab cub krunaing nawh khankix koe lien ra mheen pon rheng kaux heue. ¹⁴ Cao kaing naing kao tix kaux tix kaux son khix kao tix mawh Benayax

27:23 Yam 15:5, 22:17, 26:4. **27:24** 2Sa 24:1-15, 1Ben 21:1-14.

doehru Piratonix daux cub kawn praix Epharim, ka daux tab cub krunaing nawh khankix koe lien ra mheen pon rheng kaux heue. ¹⁵ Cao kaing naing kao ra kaux tix kaux son khix kao ra mawh Heladie doehru Netophatix ceu pui Awtanelax, ka daux tab cub krunaing nawh khankix koe lien ra mheen pon rheng kaux heue.

Cao Thong Bung Ceu Pui

¹⁶ Lheu khaing an, cao pa kuang piang ceu pui Isarelix khankix kienie, piang ceucad Rubin mawh Eliaza kawn simex Zikharix, piang ceucad Simeon mawh Shephatix pa mawh kawn simex Makha. ¹⁷ Piang ceucad Lewix mawh Hashabix kawn simex Kemoelax, piang ceucad Arun mawh Zadok. ¹⁸ Piang ceucad Yudax mawh Elihux puxke Davit, piang ceucad Isakha mawh Omrix kawn simex Mikhalax. ¹⁹ Piang ceucad Zebulun mawh Ishamayax kawn simex Obadix, piang ceucad Napthalix mawh Yerimot kawn simex Azarelix. ²⁰ Piang ceucad Epharim mawh Hoshe kawn simex Azazix, piang ceu pui Manashe tix plak mawh Yawlax kawn simex Pedayax. ²¹ Piang ceucad Manashe tix plak daux haktiex Gilat mawh Idadaw kawn simex Zakharix, piang ceucad Benyamin mawh Yasilax kawn simex Abana. ²² Piang ceucad Dan mawh Azarelix kawn simex Yeroham heue. Inkix mawh cao thong bung ka ceu pui Isarelix khankix heue. ²³ Viang mawh nan, Davit ang teei carang pui pa ang nyang naogju tixnga num, mawh kheu Siyiex ah nin, Aux tak kieh ceu pui Isarelix khankix haohhun awm simuing raoma khankix heue. ²⁴ Yuabax kawn simex Zeruya takjah ti koh carang pui khankix, viang mawh nan, nawh ang nyang bax hoik sidah, mawh kheu hoek krax meet rhawm piang ceu pui Isarelix grawng pa koh ka carang heue. Carang pui pa hoik koh nawh khankix ang nyang sau ka daux carang phuk lai grawng been simiang Davit heue.

Pa Kuang Piang Sinngao Simiang

²⁵ Azamaviet kawn simex Adelax mawh cao kuang piang sinngao simiang mai Yehonatan, kawn simex Uzix mawh cao kuang piang nyiex krao koe ka daux kaung, ka daux veng, ka

daux yaong mai ka daux tab khankix heue. ²⁶ Ezarix kawn simex Khelup mawh cao kuang piang pui pa yuh kaing thai kaung kaing thai ma khankix heue. ²⁷ Shimix pui veng Ramax mawh cao kuang piang ma sipeem plix siiet mai Zabadix pui veng Shiphamix mawh cao kuang piang ceu pa pon khaing sipeem mai krao plix siiet heue. ²⁸ Balahanan ceu pui Gedarix mawh cao kuang piang khaox sanlon mai khaox ruh pa koe ka daux lung khankix mai Yawshax mawh cao kuang piang nyiex krao bee heue. ²⁹ Shitarie ceu pui Sharon mawh cao kuang piang haktiex baoh dee sawm tobrie, Sharon mai Shaphat kawn simex Adalie mawh cao kuang piang tobrie pa sawm rib ka daux lung heue. ³⁰ Obilax ceu pui Ishamelax mawh cao kuang piang Kala-uk mai Yedeyax ceu pui Meronotix mawh cao kuang piang La khankix, ³¹ mai Yazit ceu pui Hagarax mawh cao kuang piang yung khankix heue. Inkix khawmuik mawh cao kaing pa kuang piang kraung khrai sinngao simiang Davit heue. ³² Yehonatan keeing iak Davit mawh cao tawx krax keud pa koe pingnya mai cao tiem lai mai Yehelax kawn simex Hakhamonix mawh pa yuh paoxpie ot tau mai cub kawn simex simiang khankix heue. ³³ Ahitophelax mawh cao tawx krax keud dong sawn ka simiang mai Hushie pui veng Akhix mawh paoxgrawm pa yuh paoxpie mai simiang heue. ³⁴ Khaix Ahitophelax mawh Yehoyadax kawn simex Benayax khaix nawh mawh Abiatha heue. Cao kaing naing tingsimiang mawh Yuabax heue.

28 *Tawx Lox Kieh Sum Nyiex Buan*

Khaix an, Davit kraixkhrawm ka cao thong cao bung ceu pui Isarelaux khawmuik mai cao kaing ceucad khankix mai cao kaing naing pa yuh kaing jhaw simiang mai cao kaing naing pa kuang piang pui kaing rheng, kaing yieh khankix mai kawncau pa kuang piang kraung khrai sinngao simiang mai cie kawn simex nawh khankix tau mai cao kaing nyiex haw mai pui naing pa koe rhawm kua khankix mai pui pa kied ting riang rao khankix hoek ka daux veng Yerusaliem heue. ² Khaix an, simiang Davit

28:2-7 2Sa 7:1-16; 1Been 17:1-14

yaog ti kaoh cung ah nin, “O puxaik aux mai ceu pui aux khankix nghiet heue, aux hoik koe rhawm ti sang sum nyiex dee lauxlee son teug buan sijax mukheu Simiang Siyiex mai son ngot dee sang deuh Nawh Cao caong Tix mai aux hoik grux khrierien khankix sonsang sum kah heue. ³ Viang nawh nan, Siyiex ah nin ka aux, maix tak ang pon ti sum nyiex son min ceukaux Aux, grawh grawng nawh maix mawh pui pa yuh naing mai hoik kieh nham jah heue. ⁴ Viang yuh nan, Siyiex ceu pui Isarelaux hoik laug aux khaing daux doeh nyiexma keeing aux mai yaog aux mawh simiang piang ceu pui Isarelaux leeingju, mawh kheu Nawh Cao hoik laug ka ceu pui Yudax mawh cao kuang mai laug aux khaing doeh nyiexma Yudax mai khaing daux nyiexma keeing aux, khaing sinax kawn simex keeing aux heue. Nawh Cao khawrhawm mai yaog aux mawh simiang piang ceu pui Isarelaux khawmuik heue. ⁵ Khaing daux cub kawn simex aux khankix, Siyiex hoik tawx kawn simex khankix tom nie ka aux mai khaing daux cub kawn simex aux khankix, Nawh Cao hoik laug ti teei kawn simex aux Sawlamon sonsang ngawm piang danggeung meung haktiex Siyiex ceu pui Isarelaux heue. ⁶ Nawh Cao ah nin ka aux, kawn simex maix Sawlamon tak mawh pa sum nyiex Aux mai biang nyiex Aux heue. Aux hoik laug nawh mawh kawn simex Aux mai Aux tak mawh keeing nawh heue. ⁷ Lheu khaing an, Aux tak pang meung haktiex nawh kauxcong leeingju, phan nawh hawt yuh awm gumlox pingnyap Aux mai lox tat jhawm prawng Aux khankix awm pa koe ka daux in singaix heue. ⁸ Mawh kheu nan, yam in ka plak sivoie ngai ceu pui Isarelaux angh, plak sivoie ngai Simiang Siyiex ex angh, sawg ti priex ka loxtawm pingnyap Simiang Siyiex pex sonsang pon pex ti cie ka haktiex pa mhawm in mai sonsang yaox pex ti prah an khankix mawh sinngao son kawn praix pex tix ju hoik tix ju heue. ⁹ Kawn simex aux Sawlamon eue, tawng ka Siyiex keeing maix mai yuh kaing jhaw Nawh Cao tau mai pa kaux sijax khawm rhawm pa grumnaog tix, mawh kheu Siyiex mawh cao pa sawg liem ka rhawm pui khawmuik mai tawng ka krax pa keud pui

khawmuik heue. Phan maix sawg ti yaox Nawh Cao, Nawh Cao tak sang kieh maix yaox Tix heue. Viang mawh nan, phan maix tikvud Nawh Cao, Nawh Cao tak tikvud ka maix leeingju heue. ¹⁰ Keud ti yaox yam in, mawh kheu Siyiex hoik laug maix mawh cao pa sum nyiex ka son dee pa kied singax singeh, teei riang tix mai yuh heue.” ¹¹ Khaix an, Davit ap rieang pakpeung nyiex, pakpeung nyiex ting, pakpeung lawg sinngao, pakpeung lawg plak piang, pakpeung lawg plak daux mai pakpeung dee deuh teug buan krax cauxrhawm khankix ka kawn simex nawh Sawlamon. ¹² Pakpeung pa pon nawh daux rhawm keud tix pa mawh biang nyiex Siyiex mai khawm lawg pa koe hawt rawbrim nyiex an khankix khawmuik mai nyiex dee deuh kix sinngao Siyiex mai pakpeung nyiex pa priex kix sinngao pa appong pui ti tan khankix, ¹³ apgrawng kaing jhaw cao giex kaing li ceucad Lewix mai son kaing pasang yuh kix ka daux nyiex buan Siyiex khawmuik mai son kraung khrai pa sang shiao kix ka daux kaing jhaw nyiex buan Siyiex khawmuik heue. ¹⁴ Nawh hoik ciang ti tawx khri sonsang yuh kraung khri pa sang shiao ka daux kaing jhaw yuh tix kuceu mai nawh hoik baox deeh ciang ti tawx mau sonsang yuh kraung mau pa sang shiao ka daux kaing jhaw yuh tix kuceu heue. ¹⁵ Nawh hoik ciang ti tawx khri son dang kaw k ng u khri pa mawh jawk ten khri mai son kaw k ng u khri khankix awm pa sang koe ding ciien dang kaw k ng u mai kaw k ng u ku mu mai nawh deeh ciang ti tawx mau son dang kaw k ng u mau mai son kaw k ng u mau khankix awm pa sang koe ding ciien dang kaw k ng u mai kaw k ng u ku mu heue. ¹⁶ Nawh ciang ti tawx khri son pheem khri blah khankix mai pheem ku mu mai nawh deeh ciang ti tawx mau son pheem mau ku mu heue. ¹⁷ Ciang ti tawx khri nawnaw sonsang yuh khaox sigawng nex, pan khoe k, kaw k rawm angah, nawh ciang ti tawx khri mai mau sonsang yuh klong khri mai klong mau son ku mu heue. ¹⁸ Ciang ti tawx khri nawnaw son khu tan dee gleeing nyawng bhawng mai son pa

29:1-2 1Been 22:5.

sang yuh linglawx naing brung pa mawh rieang khri Cherubin pa di prui k tix lih kheem piang teug buan sijax mukheu Siyiex heue. ¹⁹ Davit ah nin, “In khawmuik hoik mawh pa kieh Siyiex aux tawng ka grawng pa hoik tiem Taix Nawh Cao tau mai aux awm koe grang pakpeung inkix khawmuik heue.” ²⁰ Davit ah nin ka kawn simex tix Sawlamon, “Teei riang rao tix mai kieh koe rhawm kua pa mhawm mai yuh ceu in heue. Paw lhatgraung mai paw lauxrhawm awx. Grawh grawng nawh Simiang Siyiex Siyiex aux tak ot tau mai maix heue. Nawh Cao tak ang prah maix mai ang tikvud ka maix tom hoek bawgyam hoik sidah kaing jhaw nyiex buan Siyiex in khawmuik heue. ²¹ “Inkix khawmuik mawh cub cao giex kaing li mai pui Lewix pa yuh kaing jhaw nyiex buan Siyiex mai pui pa chix yuh kaing taixkukaux pa ot tau mai maix sang yuh kaing kuceu heue. Cao thong bung mai pui khawmuik hoik ot greem lox tawm maix heue.”

29 *Krax Tan Son Sum Nyiex Buan*

Khaix an, simiang Davit ah nin ka cub pui haohhun khawmuik “Kieh kawn simex aux Sawlamon pa hoik laug Siyiex ti teei mawh pa kawn awn ju mai ang nyang koe krax tawng yung mai kaing mawh pa kied ting, mawh kheu nyiex buan in ang mawh son kawn pui mai mawh son Siyiex heue. ² Yam in son nyiex buan Siyiex aux, aux hoik khre ti deuh awm pa koe riang rao tix khawmuik, khri khankix pa sang yuh kraung khri kah mai mau khankix pa sang yuh kraung mau kah mai tawng lheung khankix pa sang yuh kraung tawng mai rhiem khankix pa sang yuh kraung rhiem mai khaox khankix pa sang yuh kraung khaox mai simaox shahan pa mawh simaox son pa sang khaw tix sang mai simaox pa koe rawm siang kuceu mai simaox pa kied koe ngawh jum khankix mai khawm simaox paing pa kied haohhun khawmuik heue. ³ “Lheu khaing an, mawh kheu kied koe rhawm aux ka nyiex buan Siyiex aux, aux hoik nielheu tawx sinngao cie aux pa mawh khri mai mau khankix khaing ceu pa hoik khrerien aux ti deuh son nyiex buan Siyiex pa singax singeh heue. ⁴ Khri Ophirax pa koe aux loe rheng

talantan mai mau nawnav pa koe aux aliah rheng talantan, mawh pa sang om tix piang ding nyiex buan khankix heue. ⁵Khri khankix sonsang yuh kraung khri mai mau khankix sonsang yuh kraung mau, son kaing pa sang yuh ka taix kuceu koe ka dauw tawm taix cao chix kaing taix khankix heue. Khaix an, mawh pui mawxpa sang koe rhawm ti sang tan can pa koe tix mai appong tokaux tix ka Siyiex dauw in singaix lie?" ⁶ Khaix an, cao thong bung dauw nyiex keeing kix mai cao thong bung ceu pui Isarelaux khankix mai cao kaing naing pui kaing rheng kaing yieh khankix tau mai pa kuang piang kaing jhaw simiang khankix hoik tan ceu an khankix ka dauw pa fahrhawm tix heue. ⁷ Ka son kaing jhaw nyiex buan Siyiex, kix hoik tawx khri phuan rheng talantan mai khawm lon mau khankix tix mheen talantan mai tawng lheurung khankix tix mheen daix rheng talantan mai khawm rhiem khankix tix sien talantan heue. ⁸ Can pui pa koe siang simaox pa kied mhawm khankix kawx hoik ap ti tawx ka dauw krao sinngao nyiex buan Siyiex ka dauw tawm taix Yehelax ceu pui Gerashon heue. ⁹ Khaix an, pui hun kied koe krax gauwrhawm kheu hoik yaow kix ti tan ka ceu an khankix tau mai krax pa koe rhawm tix, mawh kheu hoik yaow kix ti tan tau mai pa kaux sijax ka Siyiex heue. simiang Davit hoik kied koe krax gauwrhawm heue.

Pa Yaogyaw Davit Ka Siyiex

¹⁰ Mawh kheu nan, Davit yaogyaw buanson Siyiex sivoie pui hun ah nin, "Siyiex keeing ex Isarelaux eue, kieh Maix Cao mawh pa koe buanson ku ju leeingju leeingphan heue. ¹¹ Siyiex eue, Maix Cao mawh pa kied ting lhaong sibrawm, min plakngai krax pa pex Maix, krax pa koe sibrawm mai can pa koe ka dauw haktiex in mawh cie Maix Cao khawmuik, Siyiex eue, meung haktiex mawh cie Maix Cao, Maix Cao mawh pa ting lhaong mai mawh pa kied blon mhawm piang khawmuik heue. ¹² Krax pa magmi mai min plakngai mawh pa kaoh khaing Maix Cao mai

Maix Cao mawh cao pa kuang piang kuceu khawmuik heue. Sibrawm mai krax pa kied ting riang rao koe ka dauw tawm taix Maix Cao, tawm taix Maix Cao mawh pa yuh ceu pa ting lhaong mai tawx riang rao ka kuceu khawmuik heue. ¹³ "Mawh kheu nan, Siyiex ex eue, ex yaogyaw ting buanson ka Maix Cao mai yaogyaw ka min sibrawm ceukaux Maix Cao yam in heue. ¹⁴ Viang mawh nan, sonsang pon tan ex ka dauw pa koe rhawm tix awm in, aux mai pui aux khankix mawh pui pa yuh ka mawx lie? Mawh kheu kuceu khawmuik mawh pa kaoh khaing Maix Cao, ex hoik deeh tawx pa kaoh khaing Maix Cao ka Maix Cao heue. ¹⁵ Kheu mawh yix nyosinie pui tang praix klawng pa vungviang ka plak sivoie ngai Maix Cao awm dauw bauxju taxdu yix khankix, baux singaix im ju yix piang haktiex, mawh awm pangpeue khaing mai pa ang koe krax keud pot jun pot heue. ¹⁶ Siyiex ex eue, can pakied haohhun pa hoik khrierien yix sonsang sum ka nyiex Maix Cao, son min ceukaux pa singax singeh Maix Cao, mawh pa kaoh khaing dauw tawm taix Maix Cao mai ceu an khawmuik mawh cie Maix Cao heue. ¹⁷ Siyiex aux eue, aux tawng ka cheukcheu Maix Cao ka rhawm rhi yix mai Maix Cao hoik khawrhawm ka pa rahsee heue. Phan mawh son aux, aux hoik tan tix tawx ceu in khankix ka dauw rhawm pa rahsee tix mai ka dauw pa koe rhawm tix tau mai krax pa gauwrhawm, aux hoik yaow pui Maix Cao hoek ka plak sivoie Maix sonsang tan kix ceu in ka dauw pa koe rhawm tix ka Maix Cao heue. ¹⁸ Siyiex taxdu ex Abraham, Icak mai ceu pui Isarelaux khankix eue, priexrien pui Maix Cao sonsang koe kix rhawm krax keud krax ce ka Maix Cao jheengjheeng mai kieh rhawm kix kauxcong ka plak Maix Cao liak. ¹⁹ Tawx rhawm kaux sijax ka kawm simex aux Sawlamon sonsang hawt nawh gumlox tawm pingnyap Maix Cao mai khawm krax pa kham mhairug Maix Cao mai lox lai beenli Maix Cao khankix sonsang pon yuh nawh ceu inkix khawmuik mai sonsang pon sum nawh nyiex buan can pa hoik khrierien aux ti deuh khankix heue." ²⁰ Khaix an, Davit ah nin ka cub pui hun, "Yam in, tawx krax pa yaogyaw buanson ka Siyiex

pex heue." Mawh kheu nan, cub pui haoh hun hoik tawx krax pa yaogyaw buanson ka Siyiex taxdu kix mai hoik gup kaing tix mai gup tokaux tix ka plak sivoie Siyiex mai simiang heue.

Groi Rawm Bee Ka Sawlamon

²¹ Khaix singaix an, kix yuh krax tan pa appong mai krax tan pa gleeing khankix ka Siyiex, ka mawie tix rheng, yung tix rheng, kawng yung iak tix rheng mai krax tan pa nyaux mai krax tan pa appong tomnie son ceu pui Isarelax khawmuik heue. ²² Mawh kheu nan, kix ih mai nyaux ka plak sivoie Siyiex tau mai pakied gauxrhawm tix ka daux singaix an heue. Kix yaog Sawlamon kawng simex Davit mawh simiang bawg ra mai kix groi rawm bee ka nawh ka plak sivoie Siyiex sonsang mawh cao thong bung mai sonsang mawh Zadok cao giex kaing li heue. ²³ Khaix an, Sawlamon ngawm piang dangngeung Siyiex mai mawh simiang tang keeing nawh Davit mai koe krax haokhuan ting min mai ceu pui Isarelax khawmuik cu nghiet lox nawh heue. ²⁴ Cao kaing mai pui ting riang khankix mai kawng simex simiang Davit khankix hoik ot greem pa kuang simiang Sawlamon heue. ²⁵ Mawh kheu nan, Siyiex hoik yaog Sawlamon ting lhaong ka plak sivoie ngai ceu pui Isarelax khankix

khawmuik mai tawx sibrawm piang nawh, pa ang nyang sax yuh piang simiang pie tix kaux kawx phaoka an ka daux haktiex Isarelax heue.

Grawng Yum Davit (1Sim 2:10-12)

²⁶ Mawh kheu nan, Davit kawng simex Yesie hoik kuang piang haktiex Isarelax khawmuik heue. ²⁷ Bauxyam pa hoik kuang nawh piang haktiex Isarelax khankix hoik rheeng tixpon num mai nawh hoik kuang ka veng Hebron aliah num mai kuang ka veng Yerusaliem tixngoe loe num heue. ²⁸ Mawh kheu nan, nawh hoik yum yam kawng mhawm riex ju tix tau mai pa naog singaix sawm khankix tau mai khawm pa magmi mai pa koe min sibrawm tix heue. Kawng simex nawh Sawlamon deeh plud ti kuang haktiex ka dahdee ot nawh heue. ²⁹ Grawng kaing jhaw pa yuh simiang Davit, jah ka num tom hoek deeh sidah, kix hoik tiem ti deuh grawng an khawmuik ka daux phuk lai cao pa chix yaox Samoelax mai ka daux phuk lai cao jhai Natan mai ka daux phuk lai pui grux yaox Gat khankix ³⁰ tau mai grawng pa kuang nawh mai pa kied koe riang rao sibrawm nawh khankix mai grawng can pa hoik lih ti mawh piang nawh mai piang haktiex Isarelax khawm piang meung haktiex tangdah khawmuik heue.